

ԵՐԵՍԱՍԱՐԴ
ԼԵԶՎԱՔԱՆՆԵՐԻ
ՀԱՄԲՈՒԹԵՏԱԿԱՆ
ՎԳԻՏԱԺՈՂՈՎԻ
ԶԵԿՈՒՑՈՒՄՆԵՐ

ԵՐԵՎԱՆ, 20 15թ., ՍԵՊՏԵՄԲԵՐԻ 18

ЗАПИСКА КОНКУРСНОГО РЕПОРТАЖИСТА

Всё было бы хорошо,

если бы не то, что я

забыл про то, что

я не могу писать


так, как мне хочется.

Язык вынужден, как гранитная

покоянка, за чистую

инициативу покусы

погоняю



INSTITUTE OF LINGUISTICS OF NAS

YOUNG LINGUISTS' V REPUBLICAN
CONFERENCE REPORTS

(Yerevan, 2015, September 18)

ИНСТИТУТ ЯЗЫКА ИМ. Р. АЧАРЯНА НАН РА

ДОКЛАДЫ В РЕСПУБЛИКАНСКОЙ
НАУЧНОЙ КОНФЕРЕНЦИИ
МОЛОДЫХ ЛИНГВИСТОВ

(Ереван, 2015 г., 18 сентября)

ՀՀ ԶԼՀ 163

ՀՀ ԳԱԱ ԶԼՀ

ՀՀ ԳԱԱ Հ. ԱԹԱՋԱՆԻ ԱՆՎԱՆ ԼԵԶՎԻ ԲՆԱՏԵՏՈՒՏ

ԵՐԻՏԱՍԱՐԴ ԼԵԶՎԱԲԱՆՆԵՐԻ
ՀԱՆՐԱՊԵՏԱԿԱՆ Վ
ԳԻՏԱԺՈՂՈՎԻ ԶԵԿՈՒՅՑՈՒՄՆԵՐ

(Երևան, 2015 թ., սեպտեմբերի 18)

ԵՐԵՎԱՆ
ՀՀ ԳԱԱ «ԳԻՏՈՒԹՅՈՒՆ» ՀՐԱՏԱՀԱԿՉՈՒԹՅՈՒՆ
2015



ՀՏԴ 811.19:06

ԳՄԴ 81.2Հ

Ե 859

Տպագրվում է
ՀՀ ԳԱԱ Հ. Աճառյանի անվան լեզվի ինստիտուտի
գիտական խորհրդի որոշմամբ

Խմբագրական խորհուրդ՝

Բ.Գ.Ք., Պող. Վ. Կատվայյան (նախագահ),

Բ.Գ.Դ., Ռ. Թոխմախյան, Բ.Գ.Դ., պրոֆ. Վ. Համբարձումյան,

Բ.Գ.Դ., պրոֆ. Լ. Հովհաննիսյան, Բ.Գ.Դ., պրոֆ. Գ. Խաչատրյան,
Բ.Գ.Դ., պրոֆ. Լ. Հովսեփյան, Բ.Գ.Ք. Ն. Սարգսյան,

Բ.Գ.Ք. Ա. Գալստյան, Բ.Գ.Ք. Տ. Միքունյան,

Բ.Գ.Ք. Ժ. Մանուկյան:

- Ե 859 Երիտասարդ լեզվաբանների հանրապետական V
գիտաժողովի գեկուցումներ (Երևան, 2015 թ., սեպ-
տեմբերի 18).— Եր.: «Գիտություն» հրատ., 2015. —
120 էջ:

ՀՏԴ 811.19:06

ԳՄԴ 81.2Հ

ISBN 978-5-8080-1186-1

© ՀՀ ԳԱԱ «Գիտություն» հրատարակչություն, 2015

ՀՈԴՎԱԾՆԵՐ

Կարապետյան Միքարիկի
(ԵՊՀ ասպիրանտ)

ԳՈՅԱԿԱՆԱԿԱՆ ԲԱՂԱԴՐԻՉՆԵՐՈՎ ՇԱՂԱՊԱԿԱՆ
ՀԱՐԱԴՐՈՒԹՅՈՒՆՆԵՐԸ ՀԱՅԵՐԵՆՈՒՄ ԵՎ ԱՆԳԼԵՐԵՆՈՒՄ

Լեզուների գուգաղրական- տիպաբանական ուսումնասիրությունը լեզվաբանական ուսումնասիրությունների կարևոր ուղղություններից է: Այս կամ այն լեզվի կառուցվածքային, գործառական խնդիրներն առավել արդյունավետ կարող են ուսումնասիրվել հենց տիպաբանության դիրքերից: Ինչպես այլ լեզուների, այնպես էլ անգլերենի ու հայերենի գուգաղրական քննությունը հնարավորություն է ընձեռում առավել խորությամբ ուսումնասիրելու երկու լեզուների ընդհանրություններն ու տարբերությունները, անելու ավելի հստակ եզրահանգումներ դրանց կառուցվածքի վերաբերյալ:

Հայերենի և անգլերենի բառակազմական համակարգերի միջև և՝ ընդհանրություններ կան, և՝ տարբերություններ: Զուգադրվող լեզուներն աշքի են ընկնում բառակազմական և ձեաբանական հարուստ կաղապարներով. կան գոյականական, ածականական, մակրայական, թվականական և այլ հիմքերով բաղդրված կաղապարներ: Գոյականական հիմքերով բաղդրված կաղապարները նշանակալից տեղ են գրավում և՝ անգլերենում, և՝ հայերենում. հետևաբար սա երկու լեզուների համար տիպաբանական հատկանիշ է: Գոյականն իր իմաստային լայն ընդգրկման շնորհիվ փոխհարաբերությունների մեջ է մտնում ինչպես այլ գոյականի, այնպես էլ տարբեր խոսքի մասերի պատկանող բառերի հետ, և դա է պատճառը, որ գոյականով կազմվում է երկու լեզուների բարդ բառերի ճնշող մեծամասնությունը:

Սույն հոդվածի նպատակն է գուգադրել հայերենի և անգլերենի գոյականական բաղադրիչներով հարադրությունները՝

հնարավորինս ներկայացնելով դրանց կառուցվածքային և իմաստային ընդհանրություններն ու տարբերությունները երկու լեզուներում:

Հայերենում շաղկապական հարադրությունները կազմվում են ու, և շաղկապներով: Գոյական բաղադրիչներով շաղկապական հարադրությունները շատ գործուն են մեր լեզվում: Այս կառուցները հայ լեզվաբանները՝ սկսած Ս. Աբեղյանից, անվանել են բաղկացական բարդություններ¹, սակայն Ս. Աբեղյանը դրանց մեջ ներառում է ոչ միայն ու, և շաղկապներով կազմությունները (ծառ ու ճյուղ), այլև առանց շաղկապի հարադրված կառուցները (զիշեր-ցերեկ), անորոշ դերբայներով կազմված հարադրությունները (այրել-մրկել), թվականների հարադրումով կազմված տեսակները (քան-երեսուն), իսկ օրինակ՝ Գ. Սևակը բաղկացական բարդությունների մեջ ներառում է միայն շաղկապակոր կազմությունները²:

Հայ լեզվաբաններից Ա. Մարգարյանը մի ամբողջ աշխատություն³ ունի՝ նվիրված նման կազմությունների քննությանը, որոնք հեղինակը նույնպես անվանում է բաղկացական բարդություններ՝ նկատի ունենալով միայն շաղկապական կառուցները: Աշխատության վերջում կա շաղկապական վերլուծական բաղադրությունները ներկայացնող մի համապարփակ բառարան, որում, սակայն, տեղ են գտել նաև կրկնավոր, որոշ դեպքերում նաև համադրական տիպի կազմություններ, հետևաբար սահմանագատումը բառաբարդման և հարադրման, ինչպես նաև կրկնության և հարադրման եղանակներով առաջացած բաղադրությունների միջև հստակ չեն:

Շաղկապական հարադրությունները և առհասարակ հայերենի այն բոլոր վերլուծական կառուցները, որոնք մեկ բարի արժեք ունեն, ճիշտ են բաղադրություն և ոչ թե բարդություն անվա-

¹Տե՛ս Ս. Աբեղյան, Հայոց լեզվի տեսություն, հ. Զ., Ե., 1974, էջ 142-143:

²Տե՛ս Գ. Սևակ, Ժամանակակից հայոց լեզվի դասընթաց, Ե., 2009, էջ 156:

³Տե՛ս Ա. Մարգարյան, Հայերենի բաղկացական բարդությունները, Ե., 1986:

նելք: Բաղադրություն եզրույթի ընտրության հարցում առաջնորդվել ենք է. Աղայանի և Լ. Հովսեփյանի առաջադրած սկզբունքներով: Հայ լեզվաբաններից առաջինը է. Աղայանն է հրաժարվել բաղկացնելով՝ շաղկապական վերլուծական բաղադրությունները քննելով որպես անվանական հարադրության ինքնուրույն տեսակ¹:

Ըստ Լ. Հովսեփյանի՝ վերլուծական կառույցներն առհասարակ պետք չեն մտցնել բարդությունների մեջ, քանի որ դրանք առաջանում են «բառակազմական բոլորովին այլ, անկախ եղանակի՝ հարադրման հետևանքով, որի արդյունքում ստացվող բաղադրությունները պետք է կոչել հարադրություններ (ի տարբերություն բարդությունների և ածանցյալների), իսկ բաղադրիչները՝ հարադիրներ»²:

Շաղկապական բաղադրությունների ճնշող մեծամասնությունը կազմվում է ու համադասական շաղկապով, ավելի քիչ են և շաղկապով միավորված բաղադրությունները: Հետևաբար ու շաղկապը լեզվի գուտ շարակացների միավոր չեն, այլ նաև բառակազմական գործառույթ է կատարում հայերենում³:

Գոյականական շաղկապական հարադրությունները հիմնականում կազմվում են նույն խոսքի մասին պատկանող բառե-

¹ Տե՛ս Է. Աղայան, Ընդհանուր և հայկական բառազիտություն, Ե. 1984, էջ 227-234:

² Տե՛ս Լ. Հովսեփյան, Բառակազմության տիպեր, եղանակներ և միջոցներ, Զանուլյանական ընթերցումներ (4), էջ 107:

³ Ա. Մարգարյանը նշում է. «Հայ լեզվաբանական գրականության մեջ վաղուց է նկատված ու արձանագրված, որ բառերի միջև ամենասերտ կապն ու հարաբերությունն արտահայտող շաղկապը ունի է, որ այդ տեսակետից տարբերվում է անգամ իր հոմանիշ և շաղկապից» (տե՛ս Ա. Մարգարյան, նշվ. աշխ., Եր., 1986, էջ 11): Ըստ հեղինակի՝ մեր լեզվի պատմական զարգացման ընթացքում և շաղկապն աստիճանաբար կորցրել է իր բառակազմական նշանակությունը՝ ի տարբերություն ու-ի, որ վերլուծական բաղադրություններ կազմելու առումով ավելի մեծ դեր է ձեռք բերել. այս դերը կապված է ու-ի՝ ժողովրդախոսական լեզվին հատուկ լինելու և հետևաբար ժողովրդախոսական բնույթի բաղադրություններ կազմելու հետ: Եվ շաղկապով կազմությունները, ընդհակառակը, հիմնականում գրական լեզվին են բնորոշ:

րից, որոնց մեջ գերակշռում են գոյական+ու+գոյական կադապարով բաղադրությունները: Սրանք ունեն եզակի և հոգնակի թիվ, հոլովկում են, ստանում ստացական ու դիմորոշ հոդեր, ունեն որոշյալ առում, և հիմնականում սրանց երկրորդ բաղադրիչն է քերականական փոփոխությունների ենթարկվում, ինչպես, օրինակ՝ *qēn̪r* ու *qnr̪r*, *qēn̪r* ու *qnr̪r̪*, *qēn̪r* ու *qnr̪r̪v*, *qēn̪r* ու *qnr̪r* (*r*), *qēn̪r* ու *qnr̪r̪r̪* և այլն: Այս կանոնից շեղվում են միայն հայր, մայր բառերով կազմված բաղադրությունները, որոնցում առաջին բաղադրիչը նույնպես հոլովկում է՝ *hawr* ու *ən̪gh̪i*, *hn̪r* ու *ən̪gh̪i*, *hn̪r* ու *ən̪gh̪i*, *hn̪r* ու *ən̪gh̪i* և մայր ու *ən̪gh̪i*, մոր ու *ən̪gh̪i*, մոր ու *ən̪gh̪i* և այլն: Մնացած դեպքերում առաջին բաղադրիչը թեև չի հոլովկում, սակայն հավասարապես արտահայտում է երկրորդ բաղադրիչի հոլովական ու թվային իմաստները¹:

Անզերենում շաղկապական բաղադրությունները դասվում են այսպես կոչված *բառակապակցական բարդությունների* (*phrasal compounds*) շարքին: L. Բառերը տարակուսում ե՝ արդյոք սրանք իսկապես պետք է համարել բարդ բառե՞ր, թե՞ շարակյուսական կապակցությունների բարացման, բառայնացման արդյունքում ստացված բաղադրություններ²: Բանն այն է, որ սրանք այնպես, ինչպես հայերենում, միջին օղակ են բառակապակցությունների ու բարդությունների միջև: Սակայն, այնուամենայնիվ, քննվում են որպես բարդ բառերի մի առանձին տեսակ, քանի որ մեկ բառի արժեք ունեն. այստեղից էլ բառակապակցական բարդություն անվանումը:

Դրանց մի տեսակը կազմվում է հիմնականում *and* համադասական շաղկապով, ինչպես՝ *bubble-and-squeak* «տապակած կարտոֆիլ և կաղամբ», *milk-and-water* «անզոր, թույլ», *pepper-and-salt* «ալեխատոն» և այլն:

¹Տե՛ս նույն տեղում, էջ 48:

²Տե՛ս L. Bauer, *English Word-Formation*, Cambridge, 1983, էջ 207:

Բառակապակցական բարդությունների մյուս տեսակը I. Բլումֆիլդի առանձնացրած շարահյուսական բարդություններն են (syntactic compounds), որոնք կարծես նախադասություններից կամ խոսքաշարից պոկված հատվածներ լինեն. Դրանք նախադասություններին և ազատ բառակապակցություններին բնորոշ կառուցվածք ունեն և համապատասխանում են անգլերենի շարահյուսական ու շարադասական կանոններին, ինչպես օրինակ՝ *jack-o'-lantern* «դժմէ լապտեր», *state-of-the-art* «ժամանակակից, նորագոյն» և այլն:

Նախ զուգադրենք *and* շաղկապով կազմված բաղադրությունները երկու լեզուներում: Ըստ շաղկապական հարադրությունների բաղադրիչների իմաստային մերձության աստիճանի՝ երկու լեզուներում կարելի է առանձնացնել *իմաստով առնչակից, հոմանիշ և հականիշ գոյական բաղադրիչներով հարադրություններ, սակայն, ի տարբերություն հայերենի, անգլերենում հաճախ դրանց հարադրմամբ ստացվում են ոչ թե ուղիղ, այլ փոխաբերական իմաստներ արտահայտող հարադրություններ, ինչպես՝ cats and mouse «մուկ ու կատու խաղալը», chalk and talk «ավանդական ուսուցչակենտրոն ուսուցում», dog and bone «հեռախոս» և այլն: Այսպես, շաղկապական հարադրությունները երկու լեզուներում կարելի է բաժանել հետևյալ տեսակների.*

ա) Առնչակից իմաստ ունեցող բաղադրիչներով՝ ազգ ու հայրենիք, աղոթք ու աղաջանք, անձրև ու քամի, աշուն ու ձմեռ, քակ ու դուռ, քառ ու խոսք, եղբայր ու քույր, թաքք ու կրունկ, թուլք ու զիր, խաղ ու պար, խոսք ու զրույց, ծառ ու ծաղիկ, կար ու կութ, հանդ ու ձոր, հարց ու փորձ, հաց ու պանիր, շող ու շաղ, շուն ու զայլ, վար ու ցանք, սոս ու ձեռ, վարպետ ու քանվոր, ցախ ու ցաք, քար ու կշեռք և այլն: Անգլերենում՝ *arts and crafts* «արվեստներ» ու *արհեստներ», bed and board* «օթևան ու սնունդ», *bread and butter* «ամենօրյա աշխատանքով վաստակած ապրուստ», *bread and wine* «հաղորդության ժամանակ ճաշակվող արյուն ու զինի», *cakes and ale* «երկրային վայելք», *doom and gloom* «հոռետեսություն, ընկճախտ», *law and order* «կարգ ու կանոն», *man and*

boy «մանկությունից սկսած», *milk and honey* «ծաղկում ու բարգավաճում», *oil and water* «անհամատելելի՝ կրակ ու ջուր» և այլն:

բ) Հոմանիշ բաղադրիչներով՝ անդ ու անդաստան, անեծք ու նզովք, բաղ ու բախչա, բանտ ու գնդան, բար ու բերք, գանգատ ու բողոք, գութ ու կարեկցանք, դաշտ ու դուրան, դաս ու խրատ, դեղ ու դարման, դեպք ու դիպված, դող ու էրոցք, եռանդ ու ջանք, լույս ու ճրագ, խաղ ու տաղ, ծում ու պաս, կապ ու կշկուռ, կուշտ ու բողոք և այլն: Անզերենում՝ *command and control* «զինված ուժերի ևն դեկավարում», *house and home* «սուսն ու տեղը, եղածքնածք», *hue and cry* «աղմուկ-աղաղակ, բողոք», *hum and haw* «տատանում, վարանում», *pot and pan* «ամուսին», *rag and tatter* «մաշված, ծակծկված» և այլն:

գ) Հականիշ բաղադրիչներով՝ ահել ու ջահել, աղքատ ու հարուստ, ամառ ու ձմեռ, անեծք ու օրինանք, աջ ու ձախ, առք ու վաճառք, զիշեր և ցերեկ, դար ու դուրան, լուս ու մութ, խինդ ու լաց, ծեր ու մանուկ, ծով ու ցամաք, կենաց ու մահու, մահ ու կյանք, սուստ ու ճիշտ, ստրուկ ու տեր, վերջ ու սկիզբ, վիշտ ու ժպիտ, տեր ու ծառա, տիկ ու զիշեր և այլն: Անզերենում՝ *alpha and omega* «սկիզբն ու վերջը, boom and bust» «վերելք ու անկում», *day and night* «օր ու զիշեր», *ebb and flow* «մակրնջացություն և տեղատվություն», *left and right* «աջ ու ձախ», *life and death* «կենաց ու մահու», *light and shade* «լույս ու ստվեր», *wax and wane* «վերելք ու անկում» և այլն:

Ի տարբերություն հայերենի շաղկապական հարադրությունների՝ նման կառույցներն անզերենում կազմվում են ոչ միայն *and* (և) շաղկապով, այլև *than*, *or* շաղկապներով, ինչպես՝ *feast or famine* «շափազանց շատ կամ շափազանց քիչ», *rhyme or reason* «բանական պատճառ կամ բացատրություն», *by hook or by crook* «ամեն հնարավոր ձևով», *larger-than-life* «ուշադրություն գրավող», *lighter-than-air* «օդից թեթև (օդապարիկի մասին)» և այլն:

Երկու լեզուներում թեև ավելի հազվադեպ, սակայն կան նաև այնպիսի շաղկապական հարադրություններ, որոնցում զո-

յականը հարադրված է այլ խոսքի մասի, ինչպես՝ ա) գոյական+բայարմատ՝ *ահ ու զարկ, ահ ու սաստ, ահ ու փախ, դավ ու խար, շարժ ու ձև, անզլերենում*՝ *cash and carry* «մեծածախ առևտուր», *tax and spend* «հարկերի բարձրացման քաղաքականություն» և այլն, բ) բայարմատ+գոյական՝ տուր ու դմիոց, առ ու ավար, առ ու գերի, դարձ ու զղոտմ, զարկ ու ավար, հունչ ու բառ, ել և մուտք, *hit-and-miss* «պատահական արված», *run and gun* «թերեւն»՝ *առանց կանոններին ուշադրություն դարձնելու* (իսաղի մասին)¹, զ) ածական ու գոյական՝ ալ ու տալաս, թաց ու թռն, խեղճ ու կրակ, անզլերենում՝ *hard and fastness* «անշարժություն, զամփած վիճակ», *rough and tumble* «բարձիթողի վիճակ», դ) գոյական+ածական՝ խաղը ու խայտառակ, ուժ ու աշխույժ, որք ու մենակ, անզլերենում՝ *art-and-crafty* «ձեռագործ իրեր պատրաստել սիրող», *horse and buggy* «հնատճ», *home and dry* «հաջողությամբ նպատակին հասած», *pepper and salty* «մուգ ու բաց գոյների, բծավոր» և այլն:

¹ Այնուամենայնիվ, և՝ գոյական+բայարմատ, և՝ բայարմատ+գոյական կազմությունների բաղադրիչները կարող են դիտվել մերք բայեր, մերք գոյականներ, և միշտ չեն, որ հստակ է սրանց բաղադրիչների խորիմասային պատկանելությունը՝ հատկապես անզլերենում: Օրինակ՝ *զարկ-ը* կարող է ընկալվել և՝ որպես *զարկել* բայի մարուր արմատ, և՝ որպես *զարկ* գոյական: Անզլերենում հատկապես կոնվերսիայի՝ որպես բառակազմական միջոցի շատ գործուն լինելու պատճառով բավական հաճախ կարելի է բախվել անվանաբայական համանունության խնդրին, եթե բայական մաքուր արմատը համընկնում է գոյականին: Դժվար է որոշել հատկապես համադրական բարդությունների սերող հիմքի խորիմասային պատկանելությունը. օրինակ՝ *bakehouse* «հացատուն», *washday* «մաքրության, լվացը անելու օր» բարդությունները կարող են ընկալվել որպես ոչ թե բայ+գոյական, այլ գոյական+գոյական կադապարով կազմություններ, բանի որ կան նաև *bake* «թխելը» և *wash* «լվացը» գոյականները: Այնուամենայնիվ, նշված բարդություններն ավելի ճիշտ է համարել բայ+գոյական կաղապարով կազմություններ, բանի որ *bake* և *wash* գոյականները, միևնույն է, համապատասխան բայերի կոնվերսիայի արդյունք են, այսինքն՝ ի սկզբանե բայ են:

Հայերենում կան նաև ձայնարկություն+գոյական կադապարով կազմություններ, ինչպես՝ ախ ու դարդ, ախ ու հառաջանք, ախ ու ռիս և այլն:

Շաղկապական հարադրությունները հիմնականում կազմվում են պարզ հիմքերի հարադրությամբ, սակայն հայերենում կան օրինակներ, որոնց բաղադրիչներն ունեն քերականական ձևավորում, ինչպես՝ *առողով ու փառողով* (*զործիական հոլովով*), *կենաց ու մահու* (*զրաբարյան սեռական հոլովածնով*), կան նաև կազմություններ, որոնցում բաղադրիչները հոգնակի թվով են դրված, ինչպես՝ *եզներ ու կովեր, սարեր ու ձորեր* և այլն:

Ինչ վերաբերում է համակաղապարային ու փոխկաղապարային կառույցներին, ապա գոյականական բաղադրիչներով շաղկապական հարադրությունները հայերենում հիմնականում կազմում են համակաղապարային կազմություններ, այսինքն՝ ամբողջ հարադրությունը պատկանում է նույն խոսքի մասին, ինչ նրա վերջին բաղադրիչը, և գոյականների հարադրությամբ ստացվում են հիմնականում հենց գոյականներ: Անզերենում, սակայն, երկու գոյականների հարադրումից կարող է ստացվել ոչ միայն գոյական, ինչպես՝ *alarums and excursions* «իրարանցում, հույզեր», այլև ածական, ինչպես՝ *hole and corner* «զաղտնի, ծածուկ», մակրայ՝ *body and soul* «ամբողջապես, լիովին (հոգով ու մարմնով)», բայ՝ *top and tail* « բանջարեղենի վերկի ու ներքեկի հատվածները հեռացնել» և այլն: Հետևաբար, անզերենում լինում են նաև գոյականական շաղկապական բաղադրությունների փոխկաղապարային կազմություններ: Դրանք միաժամանակ կարող են, օրինակ, լինել գոյական և ածական, ինչպես՝ *meat-and-potatoes* «1.մի բանի ամենակարենոր, հիմնական մասը, 2. Հիմնական, կարևոր», այսինքն՝ երկարժեք են:

Շաղկապական հարադրությունները, հարադրվելով երրորդ գոյականի հետ, կազմում են որոշիչ-որոշյալ կապակցությամբ կառույցներ, ինչպես՝ *a cat and dog life* «անհամերաշխ կյանք», *a ham-and-egg sandwich* «խոզապուխտով և ձվով

բրդուճ», а *hole and corner conspiracy* «ծածուկ դավադրություն», а *life and death struggle* «կենաց-մահու պայքար» և այլն:

Բառակապակցական բարդությունների մյուս տեսակն անզլերենում, ինչպես նշեցինք, շարահյուսական բարդություններն են: Այս տեսակի մեջ L. Բառերն առանձնացնում է ներկենտրոն և արտակենտրոն բաղադրություններ: Ներկենտրոն բաղադրություններն իրենց հերթին բաժանվում են երկու խմբի՝ ա) բաղադրություններ, որոնց մեջ հիմնաբառը (իմաստային ու քերականական կենտրոնը, որն արտահայտված է գոյականով) առաջին բաղադրիչն է, ինչպես՝ *lady-in-waiting* «պալատական, ազնվական կին», *soul-in-law* «փեսա (աղջկա ամուսինը)». այս տեսակն անզլերենում կենսունակ չէ, բ) բաղադրություններ, որոնց մեջ իմաստային կենտրոնը երկրորդ բաղադրիչն է, իսկ առաջին բաղադրիչը բառակապակցություն է կամ նախադասություն, ինչպես՝ a *pain-in-stomach-gesture* «ստամոքսի ցավ ունեցողի շարժում, ժեստ», a *what-do-you-think-movement* «շարժում, որով մեկին ուզում ես հարցնել, թե նա ինչ է մտածում». այս տեսակն անզլերենում բառակազմական տեսանկյունից ավելի կենսունակ է¹:

Արտակենտրոն բաղադրությունները հիմնականում բույսերի անուններ են, ինչպես՝ *love-in-a-mist* «Հյուսիսային Ամերիկայում աճող բուսատեսակ», *hroat-nodding* «հրանունկի ընտանիք», *love-lies-bleeding* «Հարավային Ամերիկայում աճող բուսատեսակ», *love-in-idleness* «զառմանուշակ», *mother-of-rhyme* «վայրի ուրց, ծոթոր», *snow-in-summer* «սպիտակ թերթերով անթառամ ծաղիկ»² և այլն:

Քանի որ նման բաղադրությունների կազմում հանդես են զայիս ամենատարբեր նախդիրներ, դրանք անզլերենում կոչվում են նախդրավոր բառակապակցական բարդություններ (*prepositional phrasal compounds*) և սովորաբար պարունակում են մի

¹ Տե՛ս L. Bauer, նշվ. աշխ., էջ 207:

² Տե՛ս H. Marchand, *The Categories and Types of Present-Day English Word-Formation*, 2nd edn München, 1969, էջ 122:

գոյական բաղադրիչ և այլ խոսքի մասեր: Նման բաղադրություններ կարող են կազմվել տարբեր նախդիրներով՝¹ ա) in նախդրով՝ *brother-in-law* «փեսա (ըրոշ ամուսինը)», *dyed-in-the-wool* «սկզբունքային, անվարան», *hand-in-glove* «մեկը մեկին արժանի, սպական», *stick-in-the-mud* «նախաձեռնությունից զուրկ մարդ», բ) of նախդրով՝ *family-of-four* «քառանդամ ընտանիք», *jack-of-all-trades* «քազմաշնորհ», *lily-of-the-valley* «հովտաշուշան», *mother-of-pearl* «սաղափ», զ) at նախդրով՝ *man-at-arms* «զինված հեծյալ», *gentleman-at-arms* «արքունի թիկնապահ», *stay-at-home* «տանը նստող, տնից քիչ դուրս եկող մարդ», զ) off նախդրով՝ *off-the-shoulder-blouse* «ուսերը չծածկող կանացի բլուզ», *off-the-record* «ոչ պաշտոնական», է) on նախդրով՝ *on-the-job* «զգոն, ուշադիր», *Johhny-on-the-spot* «մարդ, որ միշտ հասանելի է կարիքի դեպքում»² և այլն:

Այս տիպի բաղադրությունների առանձնահատկությունն այն է, որ դրանք ոչ միշտ են բառայնացած, քարացած կազմություններ, այլ կարող են նաև կազմվել անմիջապես խոսելու

¹ Տե՛ս M., Ménová, *Phrasal Compounds in Contemporary British Newspapers* (BAKALÁŘSKÁ PRÁCE), Květen, 2012, էջ 19-38:

² Թեև կառուցվածքային տեսանկյունից սրանք ավելի շատ նման են սովորական գոյականական բառակապակցության, սակայն հաճախ քերականական փոփոխությունների են ենթարկվում բառերի պես. *jack-in-the-box* բաղադրության հոգնակի թիվը կազմվում է բառի վերջում s մասնիկի ավելացմամբ՝ *jack-in-the-boxes* «դուրս ցատկող տիկնիկով տուփեր», սակայն մյուս կողմից, օրինակ, *brother-in-law* բաղադրության առաջին բաղադրիչը՝ բաղադրության իմաստային ու քերականական կենսորնն է հոգնակի թիվ ստանում *brothers-in-law* «փեսաներ», որի դեպքում բաղադրությունը շեղվում է բառին հատուկ՝ քերականական վերջավորությունը վերջում ստանալու կանոնից (տե՛ս A. McCarthy, *An Introduction to English Morphology: Words and their Structure*, Edinburgh, 2002, էջ 67-68): Միևնույն ժամանակ *brother-in-law* կապակցությունը սեռական հոդվածի մասնիկն ընդունում է վերջին բաղադրիչի վրա, ինչպես՝ *brother-in-law's* «փեսայի», այնպես, ինչպես սովորական բառերը: Հենց սա է պատճառը, որ սրանք կոչվում են բառակապակցական բարդություններ՝ ունենալով և՝ բառակապակցությանը, և՝ բարդ բառին հատուկ քերականական գործառույթներ:

պահին՝ տվյալ իրավիճակում¹: Հաճախ նշված տիպի բառակապացական բարդությունների վերածվում են ամբողջական նախադասություններ, ինչպես՝ *a what-should-I-do-next look* «հայցը, որ ասում է՝ «Ճետո ի՞նչ եմ անելու»:

Թեև սրանք իսկապես բառակապացության կառուցվածք ունեն, սակայն կատարում են մեկ բարի գործառույթ: Դրանք հիմնականում անհատական, հեղինակային կառուցներ են և գործածվում են խոսքին յուրահատկություն հաղորդելու նպատակով: Չատ են հանդիպում նաև գրական ստեղծագործություններում, օրինակ՝ *She looked at him in the "What-a-brave-hero-you-are manner.* (Agatha Cristie)-«Նա նրան էր նայում այնպիսի հայցըով, կարծես ուզում էր ասել. «Ի՞նչ խիզախ հերոս ես դու» (Ազարա Քրիստի)²: Հայերենում սրանք շարադրվում են նկարագրական եղանակով և ոչ թե մեկ բարի արժեք ունեցող կապակցությամբ: Նման կառուցների առկայությունն անզլերենում պայմանավորված է դրա՝ անջատական լեզու լինելով հանգամանքով, որ թույլ է տալիս, կողք կողքի դնելով մի քանի բառ և նախդիր, առանց դրանք որևէ քերականական փոփոխության ենթարկելու ստանալ մեկ բարի արժեք ունեցող միավորներ: Ընդորում՝ սրանց կազմության համար հստակ կաղապարներ չկան. ինչպես տեսնում ենք, դրանց կազմում կարող են լինել և՝ գոյականներ, և՝ նախդիրներ, և՝ բայեր, և՝ հոդեր, հետևաբար դրանց կազմությունը չի կարող բնորոշվել որոշակի համակարգայնությամբ, այլ կերպ ասած՝ այս կառուցները կազմված չեն որևէ բառակազմական կաղապարի հետևողությամբ: Սրանք հայերենում չունեն իրենց տիպաբանական գույքահեռը:

Բառակապակցական բարդությունները, հարադրվելով մեկ այլ գոյականի հետ, կազմում են որոշիչ-որոշյալ հարաբերությունների մեջ առաջական դեր:

¹ Հետաքրքիր են անզլերենում գոյական+to եւ բայով կապակցությունները *a bride-to-be* «ապագա հարսնացու», *a mom-to-be* «ապագա մայրիկ», *a father-to-be* «ապագա հայրիկ», *a wife-to-be* «ապագա կին, տիկին» և այլն:

²Տե՛ս T. Арбекова, *Лексикология английского языка*, М., 1977, § 24:


թյամբ բաղադրություններ, ինչպես՝ *a mother-to-daughter talk* «մոր ու աղջկա զրոյց», *an end-of-term examination* «կիսամյակյին ավարտական քննություն», *the not-quite-at-ease manners* «մեկի անհարմար զգալը մատնող պահվածք» և այլն (սրանք ներկայացնում են Լ. Բաուերի կողմից առանձնացված արտակենտրոն տեսակը):

Երկու լեզուներում, փաստորեն, շաղկապական բաղադրությունները բառակազմական տեսակետից բավականին կենսունակ են: Անզիրենում շաղկապական բաղադրությունների հետ միասին այսպես կոչված բառակապակցական բարդությունների շարքին են դասվում նաև նախդիրների և այլ խոսքի մասերի օգնությամբ կապակցված բաղադրությունները, որոնք իրենց տիպաբանական զուգահեռոր չեն հայերենում: Գոյական բաղադրիչներով շաղկապական հարադրությունների համեմատական-զուգադրական ուսումնասիրությունը կարևոր նշանակություն ունի երկու լեզուների տիպաբանական բնութագրման համար:

Карапетян Сиарпи- Союзные аналитические сложные слова с существительными компонентами (компонентом) в армянском и английском языках.— В статье исследуются сложные слова состоящие из существительных компонентов/существительного компонента с союзами. Они вполне продуктивны с точки зрения словостроения в английском и армянском языках. В армянском они образуются преимущественно при помощи союза “լ” (и), а реже с “և”. В английском эти слова образуются в основном при помощи союза “and”, а иногда при помощи союзов “than” и “or”. В английском языке союзные аналитические сложные слова принадлежат к типу так называемых сложных слов-словосочетаний. Кроме сложных слов с союзами, сложные слова-словосочетания еще и включают так называемые синтаксические сложные слова, которые напоминают сегменты речи, соответствующие синтаксическим законам английского языка, например, *editor-in-chief* “главный редактор”, *Jack-of-all-trades* “человек, который является мастером любого дела”. Данные

слова не имеют своих типологических эквивалентов в армянском языке.

Karapetyan Sirarpi- Conjunctional Analytical Compound Words with a Noun Component/Components in Armenian and English.— The article studies the conjunctional compound words with a noun component/components in Armenian and English. They are rather productive in both languages form the point of view of word-formation. In Armenian they are mainly formed with the help of the conjunction “և” (and), rarely with the help of the conjunction “կ”. In English these units are generally formed with the help of the conjunction “and”, sometimes with “than” and “or”. In English the conjunctional analytical compounds belong to the type of the so-called phrasal compounds. Besides the conjunctional compounds, phrasal compounds also include the so called syntactic compounds which resemble segments of speech corresponding to the syntactic and word order rules of English, e.g. *editor-in-chief* “chief editor”, *Jack-of-all-trades* “*a person who can do many different kinds of work*”: the latter do not have their typological equivalents in Armenian.



Հայրիկյան Ելենա
(ԳԱՍԱ լեզվի ինստիտուտի հայցորդ)

ՄԻՋԱԿԱՎՈՐՎԱԾ ԹԱՐԳՄԱՆՈՒԹՅԱՆ ՀԱՐՑԸ
ՄԱՐԿԵՄԻ ԵՐԿԵՐՈՒՄ

Սույն հոդվածում անդրադառնում ենք «Սերը խոլերայի ժամանակ», «Հարյուր տարվա մենություն» և «Վերիշելով իմ տիտուր պոռնիկներին» երկերի հայերեն թարգմանություններին, որոնք կատարվել են անգլերենից (կամ ոռւսերենից):

Բնական է, որ միջնորդավորված թարգմանությունն իր ազդեցությունն է ունեցել իսպաներեն տեքստը հայերենի վերածելու ընթացքում: Երբեմն այն հայերեն թարգմանության վրա ունեցել է դրական, որոշ դեպքերում էլ բացասական ազդեցություն՝ արտահայտվելով բնագրում առկա փոխարերություն պարունակող արտահայտությունների թարգմանության դեպքում՝ օրինակ՝ *Se levantaba con los primeros gallos¹*՝ անզ!՝ *He rose with the crack of dawn²*. ~ Նա վեր էր կենում ծեզը-ծեզին³: Իսպաներեն տեքստում ընդգծված բառակապակցությունը *los primeros gallos* նշանակում է առաջին աքաղաղների հետ, որ անգլերեն թարգմանվել է *the crack of dawn*, այսինքն բառացի արշալույսի ճեղքով: Ինչպես նկատելի է բերված օրինակից, հայերեն թարգմանությունը կատարվել է անգլերեն տեքստի նմանությամբ՝ ծեզը-ծեզին: Տվյալ

¹ G. G. Márquez, *El Amor en los Tiempos del Cólera*, Nueva York, 1996, p. 18.

² G. G. Márquez, *Love in the Time of Cholera*, tr. by Alfred Knopf, New York, 1988, p. 5.

³ Գ. Գ. Մարկես, *Սերը խոլերայի ժամանակ*, թարգմ. Ա. Քլյան, Ե., 2004, էջ 10. (այսուհետև շարադրանքին կից նշում ենք բնագրի էջերը, նաև անգլերենի և իսպաներենի դեպքում):

*Հոդվածում հիշյալ երկերը տալիս ենք հետևյալ համառոտագրությամբ՝ ԱԽԾ «Սերը խոլերայի ժամանակ», ՀՏՄ «Հարյուր տարվա մենություն», ՎՏՊ «Վերիշելով իմ տիտուր պոռնիկներին»:

դեպքում միջնորդավորված թարգմանության ազդեցությունը վաստ չի ազդել թարգմանության վրա:

Միջնորդավորված թարգմանությունն իր ազդեցությունն է թողնում բառային իմաստների տարբեր հարանշանակային (կոնսուտատիվ) դրսորումների թարգմանությունների ժամանակ:

Օրինակ՝ ...*había consumido por orden de aparición* (p. 106) ~ անզլ. ...*he had devoured, in order of their appearance* (p. 58) ~ ...խժում էր երբ և ինչ ձեռքն ընկնէր (Էջ. 76): *Había consumindo* (վերացնել, ջնջել) ~ անզլ. *had devoured* (լափել, ազահարար ուտել) ~ խժուել:

Ինչպես երևում է, բնագրում հարանշանակային երանգը բավականին մեղմ է՝ ի տարբերություն անզլերենի, որում *սպառել, ուտել* իմաստը թարգմանվել է հոմանիշ բառով, սակայն ձեռք է բերել առավել կոպիտ երանգ լափել, ազահարար ուտել: Հայերեն թարգմանությանը փոխանցվել է անզլերենի հարանշանակային երանգը: Նման փոփոխությունն ունի իր հիմնավորումը. երբ և ինչ ձեռքն ընկնէր հատվածից պարզ է դառնում, որ թարգմանության մեջ խժուել բայի կիրառումն անտեղի չէ:

Սակայն երբեմն հայերեն թարգմանության մեջ միջնորդավորված թարգմանության ազդեցությամբ խամրում է բնագրի իմաստը: Օրինակ՝ *-Déjalos que hablen!*... ~ ոռու.՝ *-А пустъ языком болтают...* ~ *-ಥող դուրս տան*²... :

Իսպաներենից բառացի թարգմանվում է՝ *թող խոսեն, հայերենում՝ թող դուրս տան: Թարգմանիչը հայերենի դուրս տալ հարադիր բայով արտահայտել է զայրույթ, քամահրանք, որը չկա խապաներենում: Հարանշանակային երանգի նման փոփոխու-*

¹ G. G. Márquez, *Cien años de soledad*, <http://www.uaca.ac.cr/bv/ebooks/novela/3.pdf>, p. 10.

² Г. Г. Маркес, *Сто лет одиночества*, http://www.loveread.ec/read_book.php?id=18368&p=1, с. 5.

³ Գ. Գ. Մարկես, *Հարյուր տարվա մենություն* (թարգմ. Ռ. Հովսեփյան), Ե., 1987, Էջ 24. (այսուհետև շարադրանքին կից տալու ենք միայն բնագրի էջերը. նոյնը նաև ուստերենի և խապաներենի դեպքերում):

թյունը կատարված է ոռւսերենի ազդեցությամբ:

Մեկ այլ օրինակ՝ *Pero no trates de inculcar a los niños tus ideas de gitano.* (р. 4) ~ ոռւս.՝ *Но детям не забивай мозги цыганской брехней.* (с. 1) ~ ...բայց անհծյալ գնչուների զառանցանքները երեխաների գլուխը մի ՚ իսկեր: (//ՀՏՍ// էջ 7):

Խսպաներենից թարգմանաբար *incluir* նշանակում է՝ ներարկել, ներմուծել, որը հայերենում թարգմանվել է «զլուխը իսկեր» դարձվածային միավորով: Այն պարունակում է լեզվամտածողության տարր, որ թարգմանության մեջ կիրառվել է ոռւսերենի նմանությամբ՝ *не забивай мозги* - ուղեղը իսցանել, իսկեր իմաստով: Այս օրինակում ևս հարանշանակային երանզը բխում է միջնորդ թարգմանությունից: Խսպաներենում *incluir* բայց կրում է չեզոք բնույթ:

Միջնորդավորվածությունն իր ազդեցությունն է ունեցել նաև բառային միավորների թարգմանությունների վրա. օրինակ *De no ser lo que era en esencia, un cristiano a la Antigua, tal vez hubiera estado de acuerdo con Jeremiah de Saint-Amour...* (р. 62) ~ անզլ.՝ *If he had not been what he was - in essence an old-style Christian - perhaps he would have agreed with Jeremiah de Saint-Amour...* (р. 32) ~ Թերևս ուրիշ մեկը լիներ՝ ըստ լուրյան, եթե իին-զլուխ քրիստոնյա չլիներ, գուցեն համաձայներ Երեմիա դե Սեյնթ Ամուրի հետ... (էջ 43):

Ընդգծվածը հայերենում անվանական հարադրություն է, որ նշանակում է «հին վարքութարքի տեր, պահպանողական»: Անզլերենում ևս առկա է հարադրական բարդություն՝ *an old-style Christian*, որն իմաստային առումով նույնն է, ինչ հայերենում, սակայն բառացի ստացվում է *հնառը քրիստոնյա:*

Այնուհետև, բերում ենք օրինակներ, որոնցում հայերեն և անզլերեն (կամ ոռւսերեն) թարգմանությունները ներկայացնում են բայական հարադրություն, այնինչ խապաներենում այն արտահայտված է պարզ կամ անդրադարձ բայերով:

Օրինակ՝ *Ella se acostó a su lado con bastante descuido para que despertara y se fuera* (р. 47) ~ անզլ.՝ *She lay down beside him in a*

rather careless way so that he would wake up and leave. (p. 1) ~ Կինը բավական անփութորեն եկավ-պառկեց կողքին, որ նա արթնանա ու հեռանա (էջ 32):

Բայական հարադրություն կա անզլերենում և հայերենում, իսպաներենում անդրադարձ *acostarse* բայն է (3-րդ դ., եզ. թիվ, անցյալ կատարյալ ժամանակածե): Անզլերենի ազդեցությունը հայերենի վրա պայմանավորված է բայական հարադրության կիրառմամբ: Հայերենում թերևս հնարավոր էր նաև կինը բավական անփութորեն պառկեց կողքին... ձևով: Այնուամենայնիվ, բայական հարադրության կիրառությունից թարգմանությունն իմաստապես չի տուժել:

Մեկ այլ օրինակ՝ ...*que volvió de su antiguo palenque de esclavos tan pronto como le avisaron del regreso.* (p. 136) ~ անզլ. ...*who came back from her old slave quarters as soon as she was told of their return.* (p. 77) ~ ...որ նրանց վերադարձի լուրը առնելուն պես եկել-հասել էր ստրկական հին թաղամասերից (էջ 98):

Բնագրում առկա պարզ բայլ՝ *volver*, նշանակում է «վերադառնալ»: Անզլերեն թարգմանվել է *come back* բայական հարադրությամբ, որը նույնպես նշանակում է «վերադառնալ»: Հայերենում բայական հարադրությամբ թարգմանությունը պայմանավորված է նախ՝ անզլերենում առկա հարադիր բայի ազդեցությամբ, ապա՝ այն պատճառով, որ բնագրի նմանությամբ վերադառնալ բայի կիրառմամբ թարգմանվելու դեպքում նախադասության մեջ անհարկի կրկնություն կստացվեր:

Օրինակ՝ ...*cuando saliera del baño.* (p. 42) ~ անզլ. ...*when he came out of the bathroom.* (p. 20) ~ ...երբ լողասենյակից դուրս գար (էջ 28):

Անզլերենի ազդեցությունն առկա է նաև բերված օրինակում: Դուրս գալ և *come out* բայական հարադրությունները երկու լեզուներում բաղադրիչների քանակով և իմաստով նույնական են, այնինչ բնագրում ունենք պարզ բայ՝ *salir*: Բայական հարադրության կիրառությունը անզլերենում, նաև հայերենում թերևս պայմանավորված է նույնիմաստ պարզ բայի բացակայությամբ:

Մեկ այլ օրինակ՝ *No fue fácil llevársela.* (p. 242) ~ անզլ՝ *It was not easy to take her away.* (p. 142) ~ Հեշտ չէր նրան բռնել-տանելը: (էջ 178):

Այս դեպքում հայերեն թարգմանության մեջ անզլերենի ազդեցությամբ ավելացվել է բռնել բայր, որով կազմված բայական հարադրությունը համարժեք է անզլ. «տանել», իսպ. «տանել, hē-ni-a-gnē-l» իմաստներով բայերին: Հայերենում նույնպես կարելի էր կիրառել հեռացնել, տանել, բայց թարգմանիչը նախընտրել է բռնել-տանել հարադրությունը հավանաբար ավելի շեշտելով նրան գտնելու դժվարությունը:

Բաղիյուսական բարդությունների թարգմանության ժամանակ լինում են դեպքեր, երբ հայերենում դրանք կիրառված են անզլերենի ազդեցությամբ: Օրինակ՝ ...*tropezaba con el recuerdo de Florentino Ariza.* (p. 299) ~ անզլ . . . she would find herself face to face with Florentino Ariza. (p. 177) ~ ...դեմ առ դեմ հանդիպում էր Ֆլորենտին Արիզային: (էջ 222):

Հայերենի դեմ առ դեմ հանդիպել իմաստը իսպաներենում արտահայտված է *tropezar* (*բախվել*) ձևով, իսկ անզլերենում՝ *find...face to face* (երես առ երես հանդիպել): Սա նշանակում է, որ հայերեն թարգմանության մեջ այն օգտագործվել է անզլերենի նմանությամբ, այն է՝ դեմ առ դեմ - face to face, որից բնագրի իմաստը չի տուժել:

Մեկ այլ օրինակ՝ ...*y no sólo ahora, sino desde antes, mucho antes que usted naciera.* (p. 414) ~ անզլ . . . and have been since long, long before you were born. (p. 248) ~ ...և ձեր ծնվելուց շատ ու շատ առաջ էլ միշտ այդրան մեծ եմ եղել (էջ 310):

Անզլերենում ընդգծված հատվածը միայն վերապահումով կարելի է համարել բաղիյուսական բարդություն, և պատճառն այն է, որ նույն արմատը կրկնվել է երկու անզամ, սակայն առանձնացել է ոչ թե զծիկով, այլ ստորակետով:

Թարգմանության մեջ շատ ու շատ բարդությունը թերևս կարելի էր փոխարինել վաղուց, շատ վաղուց արտահայտությամբ:

Մեկ այլ օրինակ՝ *Presa de pánico se lo contó a tía Escolástica...* (p. 101) ~ անզլ. *Panic stricken, she told her Aunt Escolástica* (p. 55) ~ *Սարսափից խեղացնոր*՝ նետվեց հորաքոյր Էսկոլաստիկային հայտնելու... (Էջ 72):

Խեղացնոր խելքը կորցրած, սարսափահար: Անզլերեն թարգմանության մեջ հանդիպող *panic stricken* տարբերակը շատ բարարաններում գրանցված է որպես բարդություն անջատման գծիկով: Իսպաներենի նմանությամբ նախադասությունը կազմելու դեպքում կստացվեր հետևյալ կերպ *stricken by panic*, (իսպաներեն՝ *presa de pánico*) վախից ընկճված): Հետևաբար, հայերեն թարգմանության մեջ կցական բարդության կիրառումը համարում ենք անզլերենի ազդեցություն: Թարգմանությունը կատարված է ձշգրիտ:

Հետևյալ օրինակում՝ *No le había sido fácil recobrar ese dominio...* (p. 70) ~ անզլ. *It had not been easy for her to regain her self-control...* (p. 37) ~ Նրա համար հեշտ չէր վերազտնել *ինքնատիրապետումը*... (Էջ 49) առկա է *dominio* բառի թարգմանությունը:

Անզլերենում՝ *self - ինքն, control - տիրապետում, հայերենում՝ ինքնատիրապետում*. բնագիրն ավելի ընդհանուր ձևով է՝ *dominio*, որը նշանակում է *տիրապետում*: Տվյալ դեպքում անզլերեն և հայերեն թարգմանության մեջ բարդության կիրառմամբ կատարվել է բառիմաստի կոնկրետացում:

Մեկ այլ օրինակ՝ *varón* (p. 68) ~ անզլ. *firstborn* (p. 38) ~ *առաջնեկ* (Էջ 48):

Այս դեպքում իսպաներենի *varón* գոյականը, որ նշանակում է՝ *զավակ, որդի, միջնորդ լեզվում թարգմանվել է "firstborn" - առաջնեկ*: Հայերեն տարբերակում, ազդվելով անզլերեն թարգմանությունից, կիրառվել է *առաջնեկ* (*առաջինը ծնված*), թեպետ սխալ չէր լինի նաև որդի կամ *զավակ* թարգմանելը, ինչպես որ բնագրում է, թեև այս դեպքում ևս իմաստային փոփոխություն տեղի չի ունեցել:

Իսպ. ...*lo despidió con un apretón de manos.* (p. 79) ~ անզլ.

...he said goodbye with a handshake (p. 42) ~ ...ձեռքեղմումով
հրաժեշտ տվեց: (էջ 54):

Իսպաներենում *apretón de manos* - ձեռքերի սեղմում, ազատ բառակապակցությունն անզլերենում թարգմանված է *handshake* բարդությամբ, որը թարգմանաբար նշանակում է «ձեռքերի շարժում, սեղմում»: Հայերեն թարգմանվել է ձեռքեղմում: Անզլերենի ազդեցությամբ հայերեն թարգմանությունը կառուցված է հայերենին հարազատ ոգով և կազմությամբ, միևնույն ժամանակ չի հակասում բնագրի իմաստին: Բացի այդ թարգմանություններում տեքստն ավելի հակիրճ է՝ ի տարբերություն բնագրի:

Մի քանի խոսք այն վերաբերմունքի մասին, որ այսօր առհասարակ գոյություն ունի միջնորդավորված թարգմանության մասին: Լավ կլինի, իհարկե, որ բոլոր թարգմանությունները կատարվեն բնագրից: Բայց իրականությունն այն է, որ եթե միջնորդավորված թարգմանությունը դիտարկենք այդ տեսանկյունից, ուրեմն պետք է անտեսենք այն լավագույնը, որ միջնորդությամբ է հայերեն թարգմանվել. ասենք, ուգբեկական, դազախական, կիրգիզական, չինական, կորեական, ճապոնական և այլն: Առաջմ պետք է բավարարվենք նրանով, ինչ կա, և ըստ արժանվույն գնահատենք եղածը: Ամփոփելով՝ կարելի է նշել, որ Մարկեսի ստեղծագործությունների հիշյալ միջնորդավորված թարգմանություններով հայ ընթերցողը ծանոթանում է Մարկեսի գրական ժառանգությանը:

Այսպիսով, Մարկեսի երկերի հայերեն թարգմանություններում միջնորդավորվածությունն ունեցել է հիմնականում դրական ազդեցություն՝ որոշ բացառություններով: Միջնորդավորված թարգմանության ազդեցությամբ հայերեն տեքստը որոշ դեպքերում դարձել է ավելի հստակ, կատարվել է բարիմաստի կոնկրետացում, նախադասությունը ձևակերպվել է առավել հակիրճ, քան բնագրում է:

Айрикян Елена- Вопрос косвенного перевода в произведениях
Маркеса.- Цель данной статьи- на основе произведений Г. Г.

Маркеса, представить некоторые особенности косвенного перевода. В некоторых случаях косвенность способствовала передачи содержания испанского текста на армянский. В результате косвенного перевода армянский текст произведений “Любовь во время холеры”, “Сто лет одиночества”, “Вспоминая моих печальных шлюх” стал более четким, конкретным.

Hayrikyan Yelena- The Question of the Indirect Translation in the Works of Marquez.- The purpose of this article - based on the novels of G. G. Marquez, is to represent some characteristics of the indirect translation. In some cases the indirect translation contributed to the transfer of the meanings of the original text to the Armenian language. In the result of the indirect translation the Armenian text of “Love in the Time of Cholera”, “100 years of Solitude” and “Memories of My Melancholy Whores” became clearer and more concrete.

Մուրացյան Լուսինե
(ԳԱԱ լեզվի ինստիտուտի հայցորդ)

**ՀԱՅԵՐԵՆԻ, ՌՈՒՍԵՐԵՆԻ, ԱՆԳԼԵՐԵՆԻ ԱՆԿԱՆՈՆ ԲԱՅԵՐԻ
ԿԱՂԱՊԱՐԱՅԻՆ ԶՈՒԳԱԴՐԱԿԱՆ-ՏԻՊԱԲԱՆԱԿԱՆ
ՔՆՍՈՒԹՅՈՒՆ**

Հայերենում, ոռուերենում և անգլերենում կան բայեր, որոնք չեն ենթարկվում բայակազմության ընդհանուր կանոններին և հանդես են զալիս անկանոնություններով։ Սակայն գուգադրվող լեզուներում չկա անկանոնության ընդհանուր մի հատկանիշ, սկզբունք ըստ որի կդասակարգվեն անկանոն բայերը։ Յուրաքանչյուր լեզվի բայական անկանոնությունը բխում է տվյալ լեզվի պատմական զարգացման առանձնահատկություններից։ Օրինակ՝ *հայերենում* անկանոնությունը դրսնորվում է անկատար և կատարյալ հիմքերի, ոռուերենում՝ ինչպես բայի հիմքի, այդպես էլ դիմարժվային վերջավորությունների, իսկ անգլերենում՝ երկրորդ և երրորդ հիմքերի կազմության ժամանակ։ Կադապարների կազմության սկզբունքով քննենք երեք լեզուների անկանոն բայերի դասակարգման սկզբունքները վեր հանելով դրանց ընդհանորությունները և տարբերությունները։

Հայերենում անկանոն բայերը հանդես են զալիս

1. փոփոխված հիմքով՝ A>A (ար-, դր-, տար- և հերթագայություն ունեցող դարձ-),
2. տարարմատությամբ A>B, (ուտել-կեր-, լինել-եղ-),
3. փոփոխված հիմքակազմիչով, որը կադապարում չի արտահայտվում, քանի որ և անկանոն ասել-ասաց, և կանոնավոր խոսել-խոսեց բայերը քննում ենք Ac կադապարով՝ հիմք+հիմքակազմիչ,
4. բայական տվյալ խմբին ոչ բնորոշ դիմարժվային վերջավորություններով լվանալ-լվացի, թողնել-թողի, որոնք

նույնականացնելու համար կատարվությունը պահպանվում է առաջին աշխարհացման ժամանակաշրջանում:

- բայական տվյալ խմբին ոչ բնորոշ դերբայական վերջապրությամբ՝ Աա, որտեղ պահպանվում է նաև անորոշի ձևը գալ+իս, տալ+իս, լալ+իս,
 - հրամայականում ԱԵ կաղապարի փոխարեն հանդես է գալիս Ա-ն (*բէ՛ռ, զա՛րկ, է լ, ա ո, տէ ս*):

Ոռուսերենի անկանոն բայերը հայերենի անկանոն բայերից քիչ են. խօտեմ, եղածաւ, պտտեմ, եստ, հածօւստ, ծատ, սօծածաւ, ենտ, սօծուստ, լայկաւ, լայկաւստ և այլն։ Շեղումները հանդես են զալիս ներկա ժամանակի դիմարթվային վերջափորությունների և բայի հիմքի կազմության ժամանակ։ Ինչպես գրաքարի խառը խոնարհումների դեպքում, ոռուսերենում բայը եզակի թվում կարող է լինել առաջին խոնարհման, իսկ հոգնակ թվում՝ երկրորդ², օրինակ՝ խօսեած բայը ներկայում առաջին խոնարհման է, անցյալ ժամանակում՝ երկրորդ, ինչպես առաջածություն(այս), զանակություն(այս) բայերն են, բայց բայը կարող է նաև չպատկանել ոչ առաջին, ոչ չերկրորդ խոնարհման բայահիմքում միաժամանակ կրելով հնցյունական հերթագայություն՝ ճամ, ճամա, ճամտ (տե՛ս աղյուսակ առաջինում)։

Աղյուսակ 1: Ծուսերենի անկանոն բայերի առանձնահատություններ

Անկա-նոն բայեր	Առաջին խոնար-հում	Երկրորդ խոնարհում	Այլ խոնար-հում	Հեր-թագա-լութ.	Տարար-մատ.
хотеть бежать	хочу/ <i>ешиь/ет</i> бегут	хотим/ <i>ите/ят</i> бегу, бежишь/ <i>ит/им/ите</i>		ч>т ж>г	-
читать	читам	читашишь/ <i>аш/аш/ит/им/ите</i>			

¹ Русская грамматика, том I, М., 1980, № 662-663:

² Նշվ. աշխ., էջ 662:

есть надоесть дать создать	- - дадут создадут	едим/ите/ят - дадим/ите создадим/ите	ем/иши/ст надоеси/иши/ ст дам/иши/ ст создам/иши/с т	с>д с>д т>д т>д	-
быть ехать идти	-	-	-	бы> буд еха>ед -	есть (наст. в.) - шёл, шла, шло, шли
мяукать ¹	-	мяучу/иши/ит/и м/ите/ат	-	к>ч	-
зиждить (ся) зыбить (ся)	зижд-ут /иши/ет (ся) зыбл-ют /иши/ет (ся)	зижди-л-ся/ -л- а-сь, -л-о-сь, -л- и-сь зыби-л-ся/-л-а- сь, -л-о-сь, -л-и- сь	-	- - б>бл	-

Հուսերենի անկանոն բայերը հանդես են զալիս հետևյալ առանձնահատկություններով.

- տարարմատությամբ $A > B$ (быть-есть, идти-иšel, ила, ило, или)
- փոփոխված հիմքով՝ $A > \underline{A}$ (ем/иши/ст, дам/иши/ст, надаем/иши/ст, создам/иши/ст)
- բայի խոնարհման ձևերի մի մասը՝ առաջին, մյուսը՝ երկրորդ, մյուսներն էլ այլ խոնարհմամբ (առաջին խոնարհում խոչ/еши/ет, երկրորդ խոնարհում՝ хотим/ите/ят, եցու, бежишь/им/им/ите, այլ խոնարհում ем/иши/ст, дам/иши/ст, надаем/иши/ст, создам/иши/ст), կաղապարների կազմության ժամանակ փոփոխությունը չի արտահայտվում, քանի որ կանոնավոր և անկանոն ձևերի կաղապարները համընկնում են՝ հիմքում հաճախ կրելով հընյունական հերթագայություն, օրինակ՝ хочу-Ab և пишу-Ab

¹ Мяукать բայը հանդես է զալիս նաև որպես կանոնավոր բայ: Այս դեպքում բայն առաջին խոնարհման է:

Այսպիսով, *հայերենի* և *ռուսերենի* անկանոն բայերի խոնարհման կաղապարները համընկնում են, երբ բայերը կազմվում են տարարմատությամբ և փոփոխված հիմքով, մյուս հատկանիշներով տարբերվում են:

Անգլերենի լայն կիրառություն ունեցող անկանոն բայերն ավելի քան տասն անգամ գերազանցում են *հայերենի* և *ռուսերենի* անկանոն բայերին¹: Կանոնավոր բայերի չորս հիմքերի սահմանները, ի տարբերություն անկանոնների, հստակորեն ընդգծված են: Առաջին հիմքն է բայի անորոշ ձևը (ինֆինիտիվը՝ *to work, to play, to start, to dance, to run, to jump*)՝ պարզ անցյալը, որը կազմվում է -ed մասնիկով՝ *worked, played, started, danced, to run, to jump* հիմքը դերբայականն է (past participle), որը համընկնում է -ed-ով կանոնավոր բայերի հիմքին, սակայն վերջինս ունի կիրառության առանձնահատկություն. այն հանդես է գալիս օժանդակ, մոդալ բայերի հետ²: Չորրորդ հիմքը շարունակական ժամանակի -ing-ով բայածն է, որի կազմության ժամանակ անկանոնություն չի դրսնորվում:

Անգլերենի բայերի անկանոնությունը դրսնորվում է երկրորդ և երրորդ հիմքերի կազմության ժամանակ: Հետևաբար ի տարբերություն ռուսերենի և *հայերենի*՝ *անգլերենի* անկանոն բայերի կաղապարները վերլուծելիս պետք է համեմատել առաջին երեք հիմքերը՝ փոփոխման ելակետ ընդունելով առաջին հիմքը:

Անգլերենի անկանոն բայերի համակարգում գերակշռում է թերական լեզուներին բնորոշ հատկանիշը. բայի հիմքը մի դեպքում հանդես է գալիս բայարմատի հնչունի կամ հնչունների հերթագայությամբ, մեկ այլ դեպքում՝ տարարմատությամբ, հիմքը կարող է նաև համընկնել, բայց ոչ թե երկրորդ և երրորդ հիմքերի վերջավորությանը, այլ անփոփոխ արմատին, օրինակ՝ *put-*

¹ Մանրամասն տե՛ս O. Jespersen, *A modern English grammar. On historical principles*, part VI, Morphology, London, 1954, էջ 31-76:

² E. Gordon, I. Krilova, *Tense and voice in modern English*, M., 1971, էջ 174-178:

put-put, set-set-set: Անզլերենում երկրորդ և երրորդ հիմքերում փոփոխության չենթարկվող բայերը քննվում են անկանոնությունների մեջ: Ներկայացնենք անկանոնության տեսակներն ըստ խմբերի.

1. բայի երկրորդ և երրորդ հիմքերը նույնն են, բայց տարբերվում են առաջին հիմքից *A>A>A* (*stand-stood-stood, teach-tought-tought, meet-met-met, sit-sat-sat*)
2. բայի երեք հիմքերը նույնն են՝ *A>A>A* (*bet-bet-bet, cut-cut-cut, put-put-put, shut-shut-shut, let-let-let*)
3. երեք հիմքերում բայը նույն է ըստ գրության, տարբեր ըստ արտասանության՝ *A>A*>A**, *read* [ri:d]-առաջին հիմք, *read* [red]-երկրորդ հիմք (<>՝ նշանը պայմանականորեն արտասանության տարբերակիչ նշանն է)
4. երեք հիմքերը տարբեր են, իսկ դերբայական *-ed* վերջավորության փոխարեն հանդես է զալիս այլ մասնիկ *-en/n-ne*-ն. պայմանականորեն նշանակում ենք *a*, ստացվում է *A>Aa* կաղապարը, (*speak-spoke-spoken, tear-to-re-torn, shrive-shrove-shriven, do-did-done*): Այս կաղապարը մասսամբ նման է հայերենի *զալ, տալ, լալ* անկանոն բայերի ներկայի ձևերի կաղապարին *զալ+իս, տալ+իս, լալ+իս*:
5. առաջին և երկրորդ հիմքերը համընկնում են, իսկ երրորդ հիմքում հանդես է զալիս դերբայական վերջավորության փոխարեն զործածվող քերականական մասնիկը *en-ը՝ A>A>Aa* (*beat-beat-beaten*)
6. առաջին և երրորդ հիմքերը համընկնում են, իսկ երկրորդ հիմքում կա ձայնդարձ՝ *A>A>A* (*come-came-come, run-ran-run, become-became-become*)
7. բայի հիմքերը կազմվում են տարարմատությամբ՝ *A>B>C* (*go-went-gone, be-was/were-been*)

Այսայսուկ, հայերենի, ոուսերենի և անզլերենի անկանոն բայերի կաղապարները զուգադրելիս, կստացվեն անկանոնության հետևյալ ընդհանրությունները.

1. բայի հիմքում՝ հնչունափոխություն և ձայնդարձ,

- տարարմատություն՝ ուտել-կերա, ադտի-աշլ/ալա/ալո/ալս, go-went, gone, be-was/were, been, սակայն եթե անզ-լերենում տարարմատությունը դրսնորվում է երեք հիմքերում՝ go-went-gone, *հայերենում* հանդես է գալիս կատարյալից կազմված ժամանակաձևերում՝ գալ-եկա, *ոռուերենում* անցյալ անկատարում՝ սծու-աշլ, ալա, ալո, ալս,
- հայերենի և անգլերենի անկանոն բայերին բնորոշ է ոչ կանոնավոր դերբայական մասնիկավորումը՝ գալ-գալիս, *beat-beat-beaten*,
- ոռուերենի* և *հայերենի* բայերի անկանոնությունները դրսնորվում են ամբողջ հարացույցում, իսկ *անգլերենի* անկանոն բայերինը երեք հիմքերում,
- գուգադրվող երեք լեզուների անկանոն բայերի կազմության ժամանակ գերակշռում են թերական լեզուներին բնորոշ հատկանիշները:

Անկանոնության մյուս հատկանիշներով գուգադրվող լեզուները տարբերվում են:

Muradyan Lusine- Pattern-based comparative-typological analysis of armenian, russian and english irregular verbs.- In the article there is analyzed the linguistic patterns of Armenian, Russian and English irregular verbs. On this way we are trying to find out the principle of irregularities of three comparative languages. As a result of the analysis we find out five overall principle of irregularities.

Мурадян Лусине- Сравнительно-типологический анализ изолированных глаголов армянского, русского и английского языков на основе моделирования.- В статье анализированы лингвистические формы изолированных глаголов армянского, русского и английского языков. Таким образом мы старались найти общий принцип изолированности глаголов в трех сравниваемых языках. В результате анализа мы нашли пять основных принципов изолированности глаголов.

Պողոսյան Թամարա
(ԵՊՀ ասպիրանտ)

ՎԱՂ ԱՇԽԱՐՉԱԲԱՐԻ ԼԵԶՎԱՎԻՃԱԿԸ՝ ԸՍ ԱՌԱՋԻՆ
ԱՇԽԱՐՉԱԲԱՐ ՏՊԱԳԻՐ ԳՐՔԵՐԻ

Հայոց լեզվի զարգացման նոր փուլը՝ աշխարհաբարը, հայտնի է նաև վաղ աշխարհաբարի, աշխարհաբարի կազմավորման, ժամանակակից հայոց լեզվի վաղ շրջան անվանումներով։ Հայոց լեզվի պատմության այս կարևոր ժամանակաշրջանում են տպագրվել առաջին աշխարհաբար գրքերը՝ «Արհեստ համարողութեան ամբողջ և կատարեալ» (Մարտել, 1675), «Պարզաբանութիւն հոգենուագ սադմոսացն Դաւթի մարգարէին» (Վենետիկ, 1687), «Գանձ չափոյ, կշռոյ, թույ և դրամից բոլոր աշխարհի» (Ամստերդամ, 1699)։ Վերոհիշյալ գրքերի լեզվական քննությունը կարող է ցույց տալ, թե աշխարհաբարն ինչպիսի լեզվական հիմքի վրա է ձևավորվել, որ բարբառախմբերից լեզվական ինչ իրողություններ է վերցրել, ինչպիսի կապ է առկա աշխարհաբարի սկզբնական լեզվավիճակի և հետագա երկու ճյուղերի միջև (արևելահայերեն և արևմտահայերեն)։

«Արհեստ համարողութեան»-ը մաթեմատիկական ձեռնարկ է և նախատեսված է եղել հատկապես հայ վաճառականների համար։ «Պարզաբանութիւն» երկը կրկին ուղղված է հայ վաճառականներին, սակայն, ի տարբերություն «Արհեստ համարողութեան», այստեղ շեշտադրված են ոչ թե գործնական գիտելիքները, այլ վաճառականների հոգևոր արժեքները։ «Գանձ»-ը ևս տպագրվել է հատկապես հայ վաճառականների համար։ Գրքերի նպատակների մասին կարդում ենք ինչպես նրանց առաջաբաններում, այնպես էլ հիշատակարաններում։

Մեր աշխատանքը նվիրված է վաղաշխարհաբարյան լեզվավիճակի ուսումնասիրությանը, որը հենվում է առաջին աշ-

խարհաբար տպագիր վերոհիշյալ գրքերի լեզվական փաստերի վրա¹: Հատկանիշներից ընտրել ենք մեր կարծիքով առավել բնութագրականները:

1. Բառաձևեր, բառօգտագործում: ա) «Արհեստ համարողութեան» երկի լեզվում հաճախ է գործածվում մին ժողովրդական բառաձևը, օրինակ՝ Այսպէս էլ թէ որ միայն մին զիր լինի, կասվի միաւոր, Մին ուրիշ ճանապարհ էլ կայ հանելու որ հեշտ է քան զես.... (Աշ 21),և կգոնումք թէ մին թիւ պակաս է կուբարդենք.... (Աշ 23) ևն: Այն առաջացել է մի բառի և ն հոդի միացությունից: Ռ. Իշխանյանը նշում է, որ այս բառաձևը, թեև ավանդվել է գրաբար դասական բնագրերում, նույն ձևով պահպանվել է արևելյան որոշ բարբառներում²: Դրանցից են Արարատյան, Ն. Զուղայի, Արցախի բարբառները: Վաղաշխարհաբարյան շրջանում այն ընկալվում է որպես այս բարբառներին բնորոշ իրողություն: Արևմտահայ խոսքին հասուլ են ոչ թէ մին, այլ մը կամ մըն ձևերը, որոնք մեր քննած երկերի լեզվում բացարձակապես չեն հանդիպում: «Արհեստ համարողութեան» երկի սկզբնական մասում գործածվում է մին բառաձևը, հետագայում սկսում է կիրառվել նաև մէկ-ը, որը դիտվում է մին-ի համանիշ, օրինակ Յետոյ շուտով մէկ թիւ մի կու բարդենք (Աշ 23), Յետոյ կու բարդեսք մէկ թիւ մի զրին.... (Աշ 23) ևն: Քննությունը ցույց է տալիս, որ մին և մէկ բառաձևերից շատ ավելի հաճախ է գործածվում և գերակշռում է մին-ը: Վերոհիշյալ գուցահետներից

¹ Աշխատանքում «Արհեստ համարողութեան ամբողջ և կատարեալ» գրքի անկանուն այսուհետ կգործածենք պայմանական կրճատ տարբերակով «Արհեստ համարողութեան», «Պարզաբանութիւն հոգենուագ սաղմոսացն Դաւրի մարզարէին»-ը «Պարզաբանութիւն», իսկ «Գանձ շափոյ, կշռոյ, թոյ և դրամից բոլոր աշխարհի» գրքինը «Գանձ» ձևով: Դուրին ընթերցանություն ապահովելու համար բնագրային օրինակների հարևանությամբ նշվող էջերի կողքին կտրվեն զրքերի անվանումները հետևյալ պայմանական տարբերակներով՝ «Արհեստ համարողութեան ամբողջ և կատարեալ»՝ Աշ, «Պարզաբանութիւն հոգենուագ սաղմոսացն Դաւրի մարզարէին»՝ Պ, «Գանձ շափոյ, կշռոյ, թոյ և դրամից բոլոր աշխարհի»՝ Գ:

² Ռ. Իշխանյան, Նոր զրական հայերենը XVII-XVIII դարերում, Ե., 1979, էջ 50:

«Պարզաբանութեան» մեջ գործածվում է մէկ-ը, օրինակ՝քէն մէկ ժամանակ մի զիս պատերէին.... (Պ 22),մէկ քանի մի համար երդում կանէ.... (Պ 59),ինչպէս մէկ զօրական մի կուրախանայ.... (Պ 650) ևն: Մէկ-ի գերակշռության կողքին մի քանի անգամ հանդիպում է նաև նույն նշանակությամբ գործածված մին բառաձեր՝մին առիծի ձագի նման.... (Պ 77),որոց մինն է զիսութիւն վախճանի աշխարհիս.... (Պ 40) ևն: Ինչպէս «Արհեստ համարողութեան» երկի լեզվում, այստեղ ևս անորոշության նշանակությամբ գործածված է մի ձեւը, որի մը արևմտահայ տարբերակը բացակայում է: «Գանձ»-ում ևս գերակշռում է մին բառաձեւի գործածությունը, օրինակ՝ 3 լումայ մին դանկ էր (Գ 7), *Մին* քանքար կամ տաղանդ Յունաց քաշէր 60 մմաս.... (Գ 8) ևն: Մէկ բառաձեր հիմնականում գործածվում է «Գանձ»-ի 12-16-րդ էջերում, օրինակ՝մէկ ըսկրիպուլ՝ 2 դանկ, մէկ դանկն՝ 3 դիրաք, մէկ դիրաքն՝ 4 գրան (Գ 13) ևն: Այստեղ մէկ բառաձեր գործածվել է շուրջ 30 անգամ, այդ կիրառությունները փոքրամասնություն են կազմում մին բառաձեւի գործածության համեմատությամբ:

բ) «Արհեստ համարողութեան» գրքի լեզվին հատուկ են դերանունների ես, ես ձեւերը և նրանցից կազմված այլ դերանուններ, օրինակ՝իմէջն կետ ունենան. Հս կերպովս....Հս ժուկն առաջին զիրն է.... (Աշ 2) ևն: Այս, այն դերանունների ես, ես ձեւերը բնորոշ են արևելահայ խոսքին: Այս դերանուններից բաղադրվել են նաև մի շարք այլ դերանուններ, օրինակ՝ Էստոր (Աշ 3), Էսպէս (Աշ 7, 8 ևն), Էստում (Աշ 71), (Աշ 144), Էնտոնց (Աշ 2), Էնկից (Աշ 6, 7 ևն), Էնպէս (Աշ 18), Էնչափ (Աշ 54, 72) ևն: Բաղադրված ձևերից ամենահաճախակի գործածություն ունի և գերակշռում է Էնտոր-ը: «Արհեստ համարողութեան» երկի լեզվում առավել մեծ կիրառություն ունեն և գերակշռում են Էս-ը, Էն-ը (այս երկուսից գերակշռում է Էս-ը) և նրանցով կազմված ձևերը: Առկա են նաև զ նախորդ գործածություններ, օրինակ՝ զէս (Աշ 22, 77 ևն), զէն (Աշ 69) ևն: «Պարզաբանութեան» լեզվում գործածվում են ցուցական դերանունների այս, այդ, այն գրաբարյան և նրանցից կազմված

ձևերը, օրինակ՝ այս աշխարհիս վերայ (Պ 19), զայս բանս (Պ 19), զայն մարդ (Պ 27), այսպէս (Պ 14, 15 ևն), այնպէս (Պ 25, 27 ևն), այնշափ (Պ 17, 19 ևն), այնոր (Պ 18 ևն), այնորիկ (Պ 9 ևն) ևն: Այստեղ չեն գործածվում դերանունների ես, եդ, են, նաև աս, ադ, ան և նրանցից կազմված ձևերը, թեն մի բանի օրինակներում կարելի է նկատել արևմտյան ասոր, անոր ձևերի ազդեցությունը՝ այսոր (Պ 62-63), այնոր (Պ 45, 46) (ասոր-ը և անոր-ը գրաբարյան տեսք են ստացել): Թե՝ «Արհեստ համարողութեան» երկի լեզվում, թե՝ «Գանձ»-ի լեզվում գործածվում են դերանունների ես, են ձևերը, օրինակ՝ Ձե՞րա էն Յ թվոց մինն մենակ հարցմունք ունի (Գ 69), Ֆալցուն քանի զազ մին շոր կու դառնայ էն չուխիցն (Գ 72) ևն: Գործածվել են նաև այս ձևերից բաղադրված էստից (Գ 60, 62 ևն), էստունց (Գ 32, 37), էստեղէս (Գ 60, 62), էնդից (Գ 57, 62) դերանունները, առկա է նաև՝ աստի (Գ 57, 58) // էստի (Գ 60) զուգահեռ գործածությունը: «Արհեստ համարողութեան» և «Գանձ»-ի լեզվում կիրառվում են նաև այս, այն և նրանցից կազմված այլ դերանուններ, սակայն դրանց գործածությունն այնքան գերակշռություն չի կազմում, ինչպէս «Պարզաբանութեան» լեզվում, որտեղ այս, այդ, այն և նրանցից բաղադրված դերանուններն իրենց գերազանցությամբ խոսքը մոտեցնում են գրականին: Աս, ադ, ան-ը և նրանցով կազմված ձևերը բնորոշ են արևմտահայերենին: Նման ձևեր մեր քննած երկերի լեզվում չեն հանդիպում՝ բացառությամբ մի քանի գործածությունների, օրինակ՝ այսոր (Պ 62-63), այնոր (Պ 45, 46) ձևերը, որոնց վերն անդրադարձել ենք, նաև «Գանձ»-ում հանդիպում է աս բառաձեկից բաղադրված աստի դերանունը (Գ 57, 58):

զ) «Արհեստ համարողութեան» երկի լեզվում գործածվում է բարբառային, խոսակցական կամ բառաձեկ, որը հատուկ է արևմտահայերենին: Այն երկում հաճախ է կիրառվում, օրինակ՝Հ կու դնեմք լաշի ձախ կողմըն.... (ԱՀ 11),թէ բարդելու թվերն երկու շարեն թէ Հ ավելի.... (ԱՀ 15) ևն: Հազվադեպ հանդիպում է այս բառաձեկի գրաբարյան այլ համանիշը, օրինակ՝ թիւ մի այլ (ԱՀ 58, 59): Երկում արևմտահայերենին բնորոշ ալ չի գործած-

վում, իսկ ել-ը բացարձակ մեծամասնություն է կազմում: Հանդիպում են նաև այլ-ից և ել-ից բաղադրված այլվի, կվի ձևերը, ընդորում այլվին՝ մեկ անգամ ...կու գտնումք այլվի զայն վերի բովանդակ թիվն.... (Աշ 100), իսկ ելվին՝ մի քանի, օրինակեվի առաջին շահն որ է.... (Աշ 120) ևն: «Պարզաբանութեան» լեզվում գործածվում է միայն զրաբարյան այլ բառաձերը, օրինակ՝այնպէս իմաստուն մարդ մի այլ կուգտվի մի որ զա՞ծ ճանաչէ.... (Պ 56),քան զամէն աստղեր այլ առաւել կու ծանուցանէ.... (Պ 97) ևն: Այլ-ի ել և ալ համանիշ բառաձերը երկի լեզվում գործածական չեն: «Գանձ»-ում ևս հանդիպում է արևելահայ բարբառներին բնորոշ ել բառաձերը, ինչպէս «Արհեստ համարողութեան» երկի լեզվում և ի տարբերություն «Պարզաբանութեան» երկի լեզվի, օրինակ՝որ ոսկի է՛, անունն է՛, ինքնն է՛ կայ (Գ 33),ոօնլուղով է՛, զազով է՛ կու խօսին (Գ 39), Էստից աւելի ել դուռն չկայ (Գ 64):

դ) Լինել և ըլլալ (լինիլ բայ) բայաձերը արևելահայերենի և արևմտահայերենի տարբերակիշ հատկանիշներից են: Մեր քննած երկերի լեզվում գործածական է լինել բայը, ըլլալ ձևն ընդհանրապէս չի հանդիպում, օրինակ՝ Այսպէս ել թէ որ միայն մին գիր լինի, կասվի միաւոր.... (Աշ 4, 5 ևն),լինի թէ մեկ հնարք.... (Պ 16),իսկ մարդոյս կենաց տարիքն ինչ պիտի լինի որ (Պ 488) ևն: «Գանձ»-ում հանդիպում են լինել // լինիլ ձևերը, օրինակ՝ որ լինի 200 դրիամ (Գ 19, լինի խոնարհված ձեր հաճախակի է հանդիպում 20, 30, 37 ևն),որ հակի տակի կապած շրջինի.... (Գ 31) ևն:

2.1 Հոլովման համակարգ: ա) «Արհեստ համարողութեան» և «Գանձ» երկերի լեզվում որոշ բառերի ուղղականում բառի վերջավորությունը փոփոխվել է ն հոդի ազդեցությամբ (արևելյան որոշ բարբառների բնորոշ է այս իրողությունը), օրինակ մայամայա+ն=մայէն (Աշ 116, 117 ևն (դրամագլուխ, որը դնում են գործի մեջ)), լիպրայ (Աշ 143, 145) // լիրպայ (Աշ 144)-լիպրէն (Աշ 140, 143), օխայ (Աշ 140) // օխայի (Աշ 140)- օխէն (Աշ 140): Նման կիրառությունները «Պարզաբանութեան» լեզվին բնորոշ չեն, սա-

կայն «Գանձ»-ի լեզվում ավելի հաճախակի են գործածվում, քան «Արհեստ համարողութեան» երկի լեզվում՝ ունցա (Գ 7, 8 ևն)-ունցէն (Գ 9, 10 ևն), լիբրայ (Գ 14, 75)-լիբրէն (Գ 9, 10 ևն), վաղիա (Գ 20)-վաղիէն (Գ 20, 21), տուկրայ (Գ 28)-տուկրէն (Գ 28) ևն:

Բ) «Արհեստ համարողութեան» երկում սեռական-տրական հոլովի գրաբարյան ձևերը շատ քիչ թիվ են կազմում: Բոլոր այն գոյականները, որոնց հոգնակին կազմված է -եր կամ -ներ հոգնակերտներով, սեռական-տրական հոլովում հոգնակին կազմել են միայն ի թերմամբ, օրինակ՝ այլ գրերին հետ (Աշ 2), տասնատրոներին (Աշ 6), հազարատրոներին դիմ (Աշ 7), թվերին (Աշ 8, 10 ևն) ևն: Ըստ Ռ. Իշխանյանի՝ գրքում բոլորովին չկան սեռական-տրականի՝ արևմտյան բարբառներին և ժողովրդախոսակցականին բնորոշ ձևեր¹: Սակայն երկի լեզվի ուսումնասիրության ընթացքում հանդիպել ենք առանց գրերուն (Աշ 71) օրինակին, որը հատուկ է արևմտյան բարբառներին, գործածված է նաև գրերին տակն (Աշ 71) տարբերակը: Վերջինը արևմտյան բարբառներին հատուկ կազմություն է: «Պարզաբանութեան» լեզվում գերակշռում են զուտ գրաբարյան թեք հոլովաձևները: Սեռական-տրական հոլովի կազմությունը հիմնականում գրաբարյան է, օրինակ՝ արդարոց (Պ 15), հոգլոյ (Պ 15), եկեղեցոյն (Պ 26), մտածմանց (Պ 24) ևն, սակայն գործածվում են նաև ի թեքությով աշխարհաբարյան ձևեր, որոնք հատուկ են արևելահայերենին, օրինակ՝ որսերի (Պ 47), մատաղներին համար (Պ 61), զոհերին համար (Պ 61) ևն: Հատուկ անունները դարձյալ գրաբար են հոլոված, ինչպես յովսեփայ (Պ 3), դուկասու (Պ 13), յոհաննու (Պ 13), աղամայ (Պ 23) ևն: «Գանձ»-ում սեռական-տրական հոլովի կազմությունը գրաբարյան և ոչ գրաբարյան իրողությունների ամբողջություն է, իսկ -եր կամ -ներ հոգնակերտներով գոյականների սեռական-տրական հոլովը կազմվել է միայն ի թերմամբ, ինչպես «Արհեստ համարողութեան» և «Պարզաբանութեան» երկերի լեզվում, օրինակ՝ երկրների (Գ 33), աղաների (Գ 34), դուշերի (Գ 51): Վերոհիշյալ

¹ Ռ. Իշխանյան նշվ. աշխ., էջ 55:

երկերի լեզվում սեռական-տրական հոլովի՝ արևմտահայերենին բնորոշ ու թեքութով կազմություններ չկան բացառությամբ վերը նշված առանց գրերուն (ԱՀ 71) գործածության:

դ) «Արհեստ համարողութեան» երկում բացառական հոլովը կազմվում է է ձևույթով, որը հատուկ է գրաբարին, միջին հայերենին և արևմտյան բարբառներին: Է-ով բացառականը միջին հայերենից փոխանցվել է հատկապես արևմտյան բարբառներին և համարվում է դրանց բնորոշ առանձնահատկություն: «Պարզաբանութեան» լեզվում ևս բացառականը կազմվում է հիմնականում է թեքույթով, ինչպես բերանէն (Պ 16, 29, սա ունի նաև ի բերանյ (Պ 9) զուգահեռ գործածությունը), ճղբէն (Պ 20), փորձանքէ (Պ 21), լեռնէն (Պ 21) ևն: «Գանձ»-ի լեզվում ևս բացառական հոլովը հիմնականում կազմվում է է ձևույթով՝ բացառությամբ մի քանի օրինակների ի խնդրոյ (Գ 3), ի Քրիստոսէ (Գ 4) ևն, որոշ տեղանունների բացառականը կազմվել է ու ձևույթով յինզլեռու (Գ 43), ի Ֆրանցու (Գ 43) ևն: Յ (ից, ուց) ձևույթով կազմված բացառականը բնորոշ է արևելյան բարբառներին էսկից (ԱՀ 15, 30, 88)և էսկից մնացածն հաւասար կու լինի միւս շարին (ԱՀ 15), էսկիցոր կարենամք զներքի թիւն էնկից հանել (ԱՀ 19), ի ձեռաց (Պ 17), ինձանից (Պ 17), ապրիշումից (Գ 47) ևն:

ե) «Արհեստ համարողութեան» երկում գործիական հոլովի դեպքում զուտ գրաբարյան կազմությունը ոչ հաճախ է հանդիպում, նման կիրառությունները կարելի է բացառություններ համարել, օրինակ սովոր, պարզագունիք օրինակօր, աշխարհականաւ ոճիր (օրինակները բերված են զրքի առաջաբանից «Առաջաբանութիւն զրգոյս») ևն: Առանց հոդի գործածությունները գերակշռում են: «Պարզաբանութեան» լեզվում գործիական հոլովի կազմությունը գրաբարյանի և ոչ գրաբարյանի ամբողջություն է, սակայն, ի տարբերություն «Արհեստ համարողութեան» և «Գանձ»-ի, երկի լեզվի հոլովման համակարգում զուտ գրաբարյան թեք հոլովածները, ինչպես վերը նշվեց, գերակշռում են, օրինակ ձայնի (Պ 151), ահի և երկիւլի (Պ 19), լեզուաւ (Պ 838) ևն: Ինչպես «Արհեստ համարողութեան» երկի լեզվում, «Պարզաբա-

նութեան» լեզվում ևս կարելի է առանձնացնել հոդով և առանց հոդի կիրառությունների խմբեր: «Գանձ»-ում գործիական հոլովի գուտ գրաբարյան կազմություններն անշափ քիչ են, ինչպես «Արհեստ համարողութեան» երկի լեզվում, օրինակ՝ արօտիւ (Գ 56), լեզուաւ (Գ 56), ծախիւք (Գ 80) ևն, խիստ մեծամասնություն են կազմում ով ձևութով կազմությունները, օրինակ՝ դիանով (Գ 25), խաջովն (Գ 30), խորհրդով (Գ 51) ևն:

զ) «Արհեստ համարողութեան» երկի հոլովման համակարգում կարևոր են ում-ով ներգոյականի ձևերը, որոնք հատուկ են արևելահայերենին: Առանձնացրել ենք երկու խումբ գրաբարյան և նոր ձևեր: Գրաբարյան ձևերը նվազ գործածություն ունեն: Նոր ձևերի խմբում զատել ենք ում-ով կազմություններ, օրինակ՝ թումս (Աշ 2, 72 ևն), օրինակումս (Աշ 8, 19 ևն), տակումս (Աշ 18, 19) ևն, մեջ-ով կազմություններ՝ իմէջն (Աշ 2), թվի մէջն (Աշ 54, 55 ևն), երերի մէջն (Աշ 61) ևն: «Պարզաբանութեան» լեզվում ևս գերակշռում են ներգոյականի ում-ով և մեջ-ով ձևերը, օրինակ՝ ում-ով կազմություններ՝ աստուածաշնչումս (Պ 16), աշխարհումս (Պ 20), սաղմոսումս (Պ 26, 29) ևն, մեջ-ով կազմություններ՝ մեղաց մէջ (Պ 24), սրտի մէջն (Պ 24), տանջանքի մէջն (Պ 30) ևն: «Պարզաբանութեան» լեզվում, ինչպես «Արհեստ համարողութեան» երկի լեզվում, առկա են հոդով և առանց հոդի գործածություններ: «Գանձ»-ի հոլովման համակարգում «Պարզաբանութեան» երկի լեզվի նմանությամբ և, ի տարբերություն «Արհեստ համարողութեան» երկի լեզվի, գրաբարյան ձևերը փոքրաթիվ չեն: Կարելի է ասել՝ ներգոյականի հին ու նոր ձևերը համամասնություն են կազմում: Նոր ձևերի շարքում կրկին առանձնացվում են ում-ով և մեջ-ով կազմություններ, վերջինները շատ նվազ կիրառություն ունեն՝ իրեանց մէջ (Գ 76), ամենուց մէջ (Գ 76), ընկերաց մէջ (Գ 76), ընկերութեան մէջն (Գ 79):

2.2. Խոնարհման համակարգ: ա) Մեր քննած երկերի լեզվի խոնարհման համակարգերում ներկան և անցյալ անկատարը կազմվում են կու (կը, կ) եղանակիչի միջոցով, սակայն կան որոշ բացառություններ, օրինակ՝ «Արհեստ համարողութեան» առա-

ջարանում («Առաջարանութիւն գրգոյս»), վերջարանում («Վախճան») հանդիպում են ներկայի գրաբարյան ձևեր: Անկատար դերքայով կազմվող ներկայի որևէ նմուշ չի հանդիպում: «Պարզաբանութիւն» երկի լեզվում դարձյալ ներկան կազմվում է կու (կ) եղանակիչով, արևելյան բարբառներին հատուկ հարադրական ներկայի ձևերը բնորոշ չեն երկի լեզվին, հանդիպում են հատուկենտ կիրառություններ՝ չ գտվում (Պ 55), չ կարում (Պ 55), չ գտվում (Պ 56): «Գանձ»-ի առաջարանում և վերջարանում՝ «Յիշատակարան»-ում, գործածվում են ներկայի գրաբարյան ձևեր՝ ի տարբերություն երկի մնացյալ մասի, որում ներկայի ձևերը կազմվում են կու (կը, կ) եղանակիչով: Անցյալ անկատար ժամանակածերը շատ նվազ գործածություն ունեն, հանդիպած չորս օրինակները գրաբարյան կազմություններ են, օրինակ՝ կշռեր (Գ 7, 8), կամեի (Գ 50) ևն:

բ) «Արհեստ համարողութեան» երկի խոնարհման համակարգին հատուկ է դիմավոր բայերի հոգնակի առաջին դեմքի գրաբարյան -մք և բարբառային-ժողովրդախոսակցական -նք վերջույթի զուգահեռ գործածությունը: Այս վերջույթները զուգահեռ կերպով գործածվում են ներկա և ըղձական ապառնի ժամանակներում: Երբեմն անգամ որոշ կապակցությունների մի բաղադրիչը -նք վերջույթով է, մյուսը -մք, օրինակ՝ ուզենք դուրս ձգեմք (9, 16), ուզենք իմանամք (34): -Մք և -նք վերջույթների զուգահեռ գործածության մեջ «Արհեստ համարողութեան» երկի լեզվում մեծամասնություն է կազմում գրաբարյան -մք-ն՝ ի տարբերություն «Պարզաբանութեան» և «Գանձ» երկերի, որոնց լեզվում գերակշռում է -նք վերջույթը, օրինակ՝ կու սիրենք (Պ 25), կու պաշտենք (Պ 25), կուտեսանենք (Պ 53), տեսնինք (Գ 64) ևն, -մք վերջույթով ձևերը հազվադեպ են հանդիպում, օրինակ՝ ունիմք (Պ 161), կազատեմք (Պ 327) ևն, «Գանձ»-ի լեզվում -մք վերջույթով հանդիպում է միայն պարտիմք (Գ 68) խոնարհված ձևը:

գ) Վերոհիշյալ երկերի լեզվում բայերի եզակի երրորդ դեմքում զուգահեռ գործածվում են -է և -ի դիմանիշները, օրինակ՝ -է՝ կուտուցանէ (ԱՀ 1), կունշանակէ (ԱՀ 1, 2), կու ճանաչէ (Պ 15),

պիտի դատէ (Պ 45), գրէ (Գ 69), կու պահէ (Գ 68) են, -ի՝ կու դրվի (ԱՀ 2, 3), գտվի (ԱՀ 12), կու ծիծաղի (Պ 17), կուպատշաճի (Պ 758), ասի (Գ 20), կու նատի (Գ 52) են: «Արհեստ համարողութեան» և «Պարզաբանութեան» երկերի լեզվում գերակշռում են -է դիմանիշով կազմված ձևերը ի տարբերություն «Գանձ»-ի խոնարհման համակարգի, որտեղ գերակշռում են -ի դիմանիշով կազմված ձևերը (-է դիմանիշ շուրջ 18 գործածություն, -ի դիմանիշ շուրջ 32): Վերոհիշյալ դիմանիշների բաշխվածության պարզումը թողնելով հետագա քննության այստեղ միայն նշենք, որ գրեթե միշտ պահպանվում են գրաբարյան լծորդները: -Է դիմանիշով կազմված ձևերը բնորոշ են արևմտահայերենին (նաև համապատասխանում են միջին հայերենին և մասամբ գրաբարին):

դ) «Արհեստ համարողութեան» և «Պարզաբանութեան» երկերի խոնարհման համակարգերում եմ օժանդակ բայի ներկա ժամանակի եզակի թվի երրորդ դեմքն ունի միայն է ձևը, օրինակ՝ ինչ է (ԱՀ 1), արհեստ մի է (ԱՀ 1), գիրն է (ԱՀ 2), գիտելի է (Պ 8), վերայ է (Պ 22) են: Ի տարբերություն այս երկու երկերի լեզվի «Գանձ»-ի խոնարհման համակարգում է ձևին զուգահեռ գործածվում է նաև այ ձևը, օրինակ՝ փիքուլ այ (Գ 34), ուշուն այ (Գ 35), կօպէք այ (Գ 36) են:

ե) «Արհեստ համարողութեան» և «Պարզաբանութեան» երկերի լեզվում վաղակատար ժամանակը կազմվում է -եր վերջավորությամբ կախյալ դերբայով: Հանդիպած օրինակներում օժանդակ բայը գրվում է ինչպես դերբայից անջատ, օրինակ՝ եղեր է (ԱՀ 8), գրեր են (ԱՀ 8), ծներ է (Պ 16), սրեր է (Պ 35) են, այնպես էլ դերբայի հետ, օրինակ՝ պահերեթինք ի մտի (ԱՀ 6), պաշարերեին (Պ 22) են: «Արհեստ համարողութեան» երկի լեզվում մի բանի անգամ հանդիպում է էինք պարշել (ԱՀ 128, 130 են) անցյալ վաղակատարը, որը, ի տարբերություն վերոհիշյալ ձևերի, կազմված է -ել վերջավորությամբ դերբայով: «Պարզաբանութեան» երկի լեզվում ևս հանդիպում են

-ել-ով վաղակատարի որոշ գործածություններ, օրինակ՝ է ասացեալ (Պ 22), է շարադրեալ (Պ 58) են: Ի տարբերություն «Ար-

հեստ համարողութեան» և «Պարզաբանութեան» երկերի լեզվի՝ «Գանձ»-ում վաղակատար և անցյալ վաղակատար ժամանակ-ների գործածություններ չեն հանդիպում:

զ) «Արհեստ համարողութեան» և «Պարզաբանութեան» երկերի լեզվին բնորոշ են պիտի դիմավոր բայով և անորոշ դեր-բայով կամ խոնարհված բայով ձևավորված կապակցություն-ները: Պիտի-ն գործածված է որպես դիմավոր բայ, այն հանդիպում է ինչպես պիտի ձևով, օրինակ պիտի....դնեմք (ԱՀ 69), պիտի բարդեմք (ԱՀ 76, 78, 79), պիտի տանի (Պ 16), պիտի դատէ (Պ 42) ևն, այնպես էլ առաջին դեմքի հոգնակի թվով, որն էլ հանդիպում է -նք և -մք վերջույթներով պիտինք // պիտիմք, օրինակ՝ պիտինք յետ դառնալ, փորձել (ԱՀ 9), փորձել պիտիմք (ԱՀ 26), պիտինք քնիլ (Պ 25), պիտինք ... հանգչիլ (Պ 26) ևն: Ի տարբերություն այս երկերի լեզվի՝ «Գանձ»-ում պիտինք-ը չի հանդիպում, գործածվում են միայն պիտի+անորոշ դերքայ կամ խոնարհված բայ կապակցությունները, օրինակ պիտիբանացնել (Գ 72), պիտիջամ անել (Գ 76), պիտի բազմացնենք (Գ 69), պիտի գրես (Գ 69) ևն:

է) «Արհեստ համարողութեան» երկի լեզվին բնորոշ են պիտի բայի և հարակատար դերբայի կապակցությունները, օրինակ՝ պիտի տեղատրած (ԱՀ 5, 18), պիտի քաշած....դուրս հանած....խազի տակն դրած.... (ԱՀ 18) ևն: Ի տարբերություն «Արհեստ համարողութեան» երկի լեզվի՝ «Պարզաբանութիւն» երկի լեզվում այս կապակցությունները շատ նվազ կիրառություն ունեն չի պիտի տարակուսած (Պ 53), իսկ «Գանձ»-ի լեզվում ընդհանրապես չեն կիրառվում: Ո. Իշխանյանը նման գործածությունները համարում է Ն. Զուղա-Երևան-Արցախ շարքի բարբառների որոշ խոսվածքների ազդեցության արդյունք¹:

ը) «Արհեստ համարողութեան» երկի լեզվին բնորոշ է նաև ուզել բայի դիմավոր ձևի և լրացում դիմավոր բայի կապակցությունը, օրինակ՝ ուզենք դուրս ձգեմք (ԱՀ 9), կուզենք իմանամք

¹ Ո. Իշխանյան, նշվ. աշխ., էջ 62:

(ԱՀ 35) ևն: Շատ քիչ օրինակներում ուզել բայի դիմավոր ձևը կապակցվում է անորոշ դերբայի հետ, օրինակ՝ ուզենք փորձել (ԱՀ 15), բաժանել կուզեմք (ԱՀ 53) ևն: Ի տարբերություն «Արհեստ համարողութեան» երկի լեզվի՝ «Պարզաբանութիւն» երկի լեզվում վերջին կապակցություններն ավելի հաճախ են կիրառվում, ինչպես կուզեր անել (Պ 36), կուզես ձեռ ձգել (Պ 48) ևն: Այս գործածությունները «Գանձ»-ին հատուկ չեն, թեև նման օրինակ հանդիպում է՝ կուզե իմանալ (Պ 75): Հարկ է նշել, որ դիմավոր բայ+դիմավոր բայ կապակցությունը հիմնականում բնորոշ է արևելյան բարբառներին, օրինակ՝ Երևան, Նոր Ջուղա ևն (թեև վերոհիշյալ օրինակների մի մասը կ եղանակիչ է ներառում, որը բնորոշ չէ արևելյան բարբառներին): Ըստ Ռ. Իշխանյանի՝ արևմտյան բարբառներում այս հատկանիշը կայունացած չէ¹:

թ) «Արհեստ համարողութեան» և «Պարզաբանութեան» երկերի լեզվում ժխտական ձևերը հիմնականում կազմվում են չժխտական մասնիկով և -ր վերջավորությամբ դերբայով: Կազմության այս ձևը հատուկ է արևմտյան բարբառներին: Չ ժխտականը միանում է է օժանդակ բային և հանդիպում ոչ թե գրաբարյան չէ ձևով, այլ բարբառային չի ձևով, օրինակ չի մնար (ԱՀ 11, 13 ևն), չի լինի (ԱՀ 54), չի շրջիր (Պ 12), չի մտածէր (13) ևն: Ի տարբերություն վերոհիշյալ երկերի լեզվի՝ «Գանձ»-ում -ր վերջավորությամբ դերբայով ժխտականի կազմություն չի հանդիպում:

Եզրակացություն: Ամփոփելով վերոհիշյալ գրքերի լեզվական քննությունը կարող ենք նշել, որ դրանց բնորոշ լեզվական իրողություններից, որոնց վերն անդրադարձել ենք, արևելյան բարբառներին և արևելահայ գրական լեզվին բնորոշ են վերը քննված բառաձևերը (*մէկ, էս, էն, էլ, լինել*), սեռական-տրական հոլովի հոգնակի ձևերի, ներգոյական հոլովի կազմությունները, *պիտի+անորոշ դերբայ* կամ *խոնարհված բայ, պիտի+հարակառար դերբայ* կապակցությունների գործածությունը, բայերի եզակի թվի երրորդ դեմքի -ի դիմանիշի գործածությունը, ես

¹ Ռ. Իշխանյան, նույն տեղում:

օժանդակ բայի ներկա եզակի թվի երրորդ դեմքի այ ձևի կիրառությունը «Գանձ»-ի լեզվում, *ուզել* բայի դիմավոր ձեւ+դիմավոր բայ կամ *ուզել* բայի դիմավոր ձեւ+անորոշ դերբայ կապակցությունը ևս առավել կայունացած է արևելյան բարբառներում: Արևմտյան բարբառներին և արևմտահայ գրական լեզվին բնորոշ են բացառական հոլովի կազմությունը, ներկա և անցյալ անկատար ժամանակների դրական խոնարհման ձևերը, բայերի եզակի թվի երրորդ դեմքի -է դիմանիշի գործածությունը, եմ օժանդակ բայի ներկա եզակի թվի երրորդ դեմքի է ձևի կիրառությունը, վաղակատար ժամանակների -ը-ով կազմությունը, ժխտական ձևերի չ ժխտական մասնիկով և -ը վերջավորությամբ դերբայով կազմությունը: Թեև մեր քննած երկերում մեծ թիվ են կազմում բարբառային լեզվական երևոյթները, սակայն իշխում է նոր գրական լեզվի քերականական հիմքը: Տվյալ լեզվական քննությունը հիմնավորում է այն իրողությունը, որ վաղ աշխարհաբարին բնորոշ չէ արևելահայ-արևմտահայ ճյուղային բաժանումը ներկայիս պատկերացմամբ: Այն բնութագրվում է միասնական լեզվավիճակով, որին բնորոշ են և՝ արևմտյան, և՝ արևելյան բարբառներին հատուկ լեզվական իրողություններ:

Poghosyan Tamara- Linguistic situation of Early Modern Armenian according to first Modern Armenian printed books.- The article is devoted to the examination of linguistic situation of Early Modern Armenian according to lingual features of first Modern Armenian printed books. The research shows that the grammatical basis of Modern Literary Language is reflected in the examined books. By the research of the features which are more special and characteristic to the language of first Modern Armenian printed books, we may conclude that the separation of Eastern Armenian and Western Armenian is not characteristic to Early Modern Armenian language. It is characterized by united language system where lingual features of eastern and western dialects are not used separately, but are combined.

Погосян Тамара- Языковое состояние раннего периода новоармянского языка по материалам первых напечатанных на нем книг.- Данная статья посвящена исследованию языкового состояния раннего периода новоармянского языка (ранний ашхарабар), которое основывается на изучении языковых материалов первых напечатанных на этом языке книг. Лингвистическое исследование показало, что в изучаемых книгах наличествует грамматическая основа нового литературного армянского языка. Мы пришли к заключению, что раннему периоду новоармянского языка не характерно разделение армянского языка на две ветви – восточную и западную. Ранний период новоармянского языка описывается единым языковым состоянием, ему характерны языковые особенности, свойственные как восточным, так и западным диалектам.

ԵՍԱՅԻ ՀԱՍՏԱ-ԶԱԼԱՅՅԱՆՑԻ ՆԱՄԱԿՆԵՐԻ ԼԵԶՎԱԿԱՆ ԷԱԿԱՆ ԱՌԱՆՉԱՆԱՀԱՏԿՈՒԹՅՈՒՆՆԵՐԸ

Եսայի Հասան-Զալայյանցի նամակները գրվել են 1702-1726թ.: Դրանցում պահպանված են պատմական կարևոր տեղեկություններ Գանձասարում և հարակից տարածքներում տեղի ունեցած իրադարձությունների, կաթողիկոսի ու Ղարաբաղի մելիքների նախաձեռնումների մասին: Նամակներն ուղղված են ոուսական արքունիքին, մասնավորապես Պետրոս Առաջինին, վրաց Վահշթանգ Վեցերորդ թագավորին, հոգևոր հայրերին ու ազատազրական շարժման մասնակիցներին:

Կաթողիկոսի ավելի քան քսան նամակներ տպագրված են 2007 թ. հրատարակության մեջ¹:

Եսայի Հասան-Զալայյանցի նամակների լեզուն հարուստ է ժողովրդական խոսքին հարազատ բառաքերականական իրողություններով, ազատ, անկաշկանդ, անմիջական շարադրանքով: Դրանցում զգալի է միջին հայերենի, բարբառների և նոր կազմավորվող աշխարհաբարի քերականական հատկանիշների առկայությունը: Առանձին հետաքրքրություն են ներկայացնում փոխառյալ և ժամանակի խոսակցական լեզվում լայնորեն գործածվող բարբառային բառերը:

Նամակների լեզվական նկարագիրն ուշագրավ է նրանով, որ հնչյունական, բառական, քերականական մակարդակներում գրաբարյան օրինաչափ երևույթներին զուգահեռ ի հայտ են գալիս նաև 18-րդ դարասկզբին բնորոշ լեզվական իրողություններ:

¹ Տ.Եսայի Հասան-Զալայեանց, Պատմութիւն համառու Աղուանից երկրի, Ստեփանակերտ, 2007: Այս հրատարակությունը կազմողները Եսայի կաթողիկոսի նամակները վերցրել են Կ. Եզյանի, Ա.Աբրահամյանի և Ա.Հովհաննիսյանի Փաստարդերի ժողովածուներից: Այսուհետև փակագծերում կնշենք սույն հրատարակության էջերը:

Հնյունական համակարգում կատարված փոփոխությունները վերաբերում են ինչպես գրաքարին բնորոշ հնյունափոխական երևույթներին, այնպես էլ մեր լեզվի զարգացման հետագա ընթացքում կատարված փոփոխություններին:

Սույն հոդվածում առանձնացրել ենք այն հիմնական փոփոխությունները, որոնք առավել բնորոշ են լեզվի զարգացման վաղաշխարհաբարյան փուլին:

Զայնավորների փոփոխությունները հետևանք են խոսակցական լեզվի և բարբառի ազդեցության: Այսպես՝ խոսակցական լեզվի ազդեցություն կարելի է համարել *ու/ո/ա* տարբերակների առկայությունը (*ուղարկել/ողարկել/աղարկել*): Օրինակ՝ «Չգիտեմք. դուք չեք ողարկում, թէ էնտեղաց չէ զալիս, ձեզանէ կուխնդրեմք, այս թուղթս տեղ հասուցանք շուտով, և մեզ մեկ սարեկ ջուղապ փութով ողարկեք» (180): «...էսչանք մարթ աղարկեցի...» (192):

Բարբառային ընդգծված երանգավորում ունեն *զանցի* (<*զանցեցի*. ե-ն սղվել է), *զանցոց* (< *զանցեցի+ng*. ե և ի ձայնավորները սղվել են) բառաձևերը: Օրինակ՝ «Ես զանցի Աւետիքի որդի Աստիպէկս յոժար եմ այսմ խորհրդիս աստուծով» (161): «Դարձեալ Փիլիպն զանցոց և մեր թղթովն զնաց շահին մօտն» (183):

2. Մուրադյանն արևելյան բարբառներին բնորոշ երևույթ է համարում *այ>է* հնյունափոխությունը¹՝ *այն>էն, այնտեղ>էնտեղ, այստեղ>էստեղ, այշափի>էսչափի* և այլն, որը հաճախ հանդիպում է նաև նամակներում: Օրինակ՝ «Ես էն տեղէն դուրս եկի զնացի ներքի գեղրանքն» (171): «Այս մեկ տարի կես է Իւան Կարապետն էստեղ մեր մէջս թագաւորի հրամանաւ, էսչափի թուղթ գրեցինք» (180):

Տարաբնույթ են բաղաձայնական համակարգում կատարված փոփոխությունները: Այդ հնյունական տարբերակների մի մասն առաջացել է ժամանակի խոսակցական լեզվի ազդեցու-

¹ Հ. Մուրադյան, *Հայոց լեզվի պատմական բերականություն*, հ.1,Ե.,1982, էջ 91:

թյամբ և որոշ երևոյթների տեղայնացմամբ (որևէ բարբառի պատկանելու հանգամանքով):

Բառի բոլոր դիրքերում ձայնեղների խլացումը բնորոշ է Ղարաբաղի բարբառին, ուստի պատահական չէ, որ Հասան-Զալայանցի նամակներում այն լայն տարածում ունի: Դրան զուգահեռ հանդիպում են նաև խոլերի ձայնեղացման օրինակներ: Սա հիմք է տալիս ասելու, որ քննվող գործերում բարբառային հնչունական տարրերը ոչ ամբողջությամբ են համընկնում Ղարաբաղի բարբառին. դրանք առավելապես միջինհայերենյան շրջանից փոխանցված իրողություններ են:

Ներկայացնենք բաղաձայնական համակարգի փոփոխությունները համակարգված ձևով: Այսպես՝ ա) *ձայնեղների խլացում՝ բ>պ՝* խաբար>խապար (164), դզլբաշ > դզլպաշ (164), բողոքեալ>պողոքեալ(165), դ>տ՝ զինդ >զինտ (147), ազդեալ>ազտեալ (165), յուադրական>յուսատրական (165), գ>կ՝ բարձրագահ>բարձրակահ (160), փափագել>փափակել (161), զանգատ>կանգատ (164), բ) *ձայնեղների շնչեղ խլացում՝ ձ>ց՝* բարձ>բարց (148), գ>ք՝ հազնել>հաքնել (148), վ>փ՝ Մոսկով >Մոսկով (144), զ) *խոլ բաղաձայնների ձայնեղացում՝ պ>բ՝* պրծնել>բրծնել (181), ապստամբիլ>աբստամբիլ (164), ձ>ջ՝ աճապարել>աջապարել (151), խեղճ > խեղջ (195), դ) *շնչեղ խոլերի ձայնեղացում՝ շ>ջ՝* խանչալ>խանջալ (147), ե) *պարզ խոլերի շնչեղացում՝ պ>փ՝* կապիտան>կափիտան (146) և այն:

Հնչունափոխական վերոնշյալ երևոյթներից բացի, կան այլ փոփոխություններ ևս: Այսպես ա) *հնչունի անկում՝ Յովհաննէս* հատկանվան մեջ «Դարձեալ Ովաննէսին հետ մին փոքր խօսք ունի» (171): Բառավերջի հ-ի անկում է նկատվում *ձանապարի* բառում՝ *ձանապար.* օրինակ՝ «Եւ այլ արզ առնեմք սիհապիս, որ տեղիցըս մինչի Գանջայ ժ (10) սիհաթէն ձանապար ե» (170): բ) *թ-ի* հավելազրություն՝ *բազմայպատիկ* (144), *քրիստոսայնամ* (144), զ) *Հանդիպում են բառեր առանց բառավերջի յ հնչունի:* Օրինակ՝ «Առաքել վարդապետ *Ամարասա* առաջնորդ յօժար եմ որ և կնքեցի» (162): «*Էշմիածնա կաթողիկոսն փարաղաթ է*» (163):

Բառապաշտային իրողություններ: Նամակների լեզուն բնորոշվում է ոչ միայն գրական, այլև հասարակական-քաղաքական կյանքն արտացոլող բարբառային ու փոխառյալ բառերով, ժամանակի մտածելակերպին հատուկ ոճական արտահայտություններով:

Հաճախ բառերի ընտրությունը պայմանավորված է թեմայով և հեղինակի նպատակադրմամբ: Այսպես՝ Պետրոս Առաջինին ուղղված նամակներում նույն նախադասության մեջ հեղինակը մի դեպքում դիմում է հայատառ ոռուերենով՝ վեշիր իփրատոր (իհարկե՝ որոշ տառադարձությամբ և բարբառային հնչմամբ՝ վեշիր իփրատօր /իմկիրատօր/ իմբրատոր - великий император), մյուս դեպքում՝ հայերեն համարժեքով՝ «մեծի ինքնակալ կայսեր»(կայսր): Օրինակ՝ «Աստուածազօր մեծի ինքնակալ կայսեր Պետր վեշիր իփրատօր, ծովու և ցամաքի աստուածապար իշխեցողի» (180):

Նամակների բառային կազմում զգալի թիվ են կազմում պահապությունները¹, որոնք մասնակիորեն արտացոլում են 18-րդ դարակզբի լեզվավիճակը: Ի դեպ, հանդիպում են ինչպես մեր լեզվի նախորդ շրջաններում գործառող փոխառյալ բառեր, այնպես էլ ժամանակի խոսակցական լեզվում հանդիպող փոխառություններ, որոնց աղբյուրները հիմնականում բուրք-պարսկական-արաբական լեզուներն են: Այդ բառերը վերաբերում են տարբեր բնագավառների և բազմազան ոլորտների:

Ավելի վաղ աղբյուրներում հանդիպող բառերը վկայում

1 Φոխառությունները քննել են՝ առաջնորդվելով Հ. Աճառյան, Հայերէն արմատական բառարան, հ.1-4, Ե., 1971-1979 (այսուհետև ՀԱԲ): Նոյնի Հայոց լեզվի պատմություն, մաս I, մաս II, Ե., 1940-1951: Ստ. Սալիմատեանց, Հայերէն բացառական բառարան, հ.1-4, Եր., 1944-1945 (այսուհետև ՀԲԲ), Ռ. Ղազարյան, Հ. Ավետիսյան, Միջին հայերէնի բառարան, հհ.Ա-Բ, Եր., 1987-1992 (այսուհետև ՀԱԲ), Սարգսյան Ա. Յու., Ղարաբաղի բարբառի բառարան, «Էղիք Պրինտ» հրատ., Երևան, 2013 (այսուհետև՝ ՀԲԲ): Ն. Պողոսյան, Նորահայտ բառեր՝ վաղաշխարհաբարյան աղբյուրներում (16-18-րդ դդ.), Ե., 2014 (այսուհետև ՀՊԲ), Երեսն է՝ Երկյակվան բառարաններից:

Ենք փոխառությունների պատկերն ամբողջացնելու համար:

Պարսկական փոխառություններ դարուղայ (darüga «ոստիկան, ոստիկանապետ». *ՄԲԲ*, 4, 377), խրիս (xeriden «շահավետ գործ առևտուր». *ՂԲԲ*, 281), դատիմ (qadim «հին, նախկին».*ՆՊԲ*, 129), դուլուղ (kullək «զինվորների պահականոց». *ՀԲԲ*, 3, 188) և այլն:

Թուրքական փոխառություններ¹: Դրանք ևս ժողովրդական են, հիմնականում գործածված են խոսակցական լեզվում: Օրինակ՝ անշախ (ancak «հազիվ, դժվարությամբ, հազիվիազ». *ՀԼԲԲ*, Ա., 66. *ՂԲԲ*, 51), ջապախան (cephâne «զինանոց, պայթուցիկ նյութերի պահեստ»), էսիր (esir «գերի, ծառայ». *ՀԲԲ*, 1, 568. *ՆՊԲ*, 73), էջի (elci «դեսպան, հարկահավաք, պատգամավոր»), քուման (tuman «մի նահանգի շրջակայ գավառները». *ՀԱԲ*, 2, 206. ի դեպ, Հր. Աճառյանը այս բառ-հոդվածի տակ վկայակոչում է Ե. Հասան-Զալալյանցի Պատմության օրինակները «...ի Տիկիսի քաղաք և ի Կախեթ՝ իւրովք բոլոր թեմիւր և թումանօր»(2), իստատ (imdat «օգնութիւն». *ՆՊԲ*, 84), դօնադ (konük «հյուր, օտարական». *ՀԼԲԲ*, Գ., 355. *ՂԲԲ*, 461), ճոր (jot «գործվածք, կտոր». *ՂԲԲ*, 480) և այլն:

Արաբական փոխառություններ²՝ մաթահ (արբ. meta. «ապրանք», թրք. matah «զնահատելի, արժեքավոր, գովելի».*ՂԲԲ*, 484), **մախթա** (mukataa 1. «արրունի հարկի վարձակալում, կայրագիր». *ՄԲԲ*, 3, 235), **մաճար** (majar «հունգարացի». *ՍՀԲ*, Բ., 104. *ՆՊԲ*, 133), **զումիաթ** (արբ. jamaat, պրսկ. jamaat, թրք. cemaat «հասարակություն, հանրություն, ժողովուրդ». *ՂԲԲ*, 643), **սանսուղ** (արբ. sandug, պրսկ. sandag «սնդուկ, արկղ». *ՀԱԲ*, 4, 236. *ՀԼԲԲ*, Ե., 264), **քուլ** (koll «բոլոր, ամբողջ». *ՆՊԲ*, 218) և այլն:

¹ Այս անվան տակ նկատի ունենք թուրք-թաթարական բոլոր փոխառությունները՝ հիմք ընդունելով Աճառյանի հիմնավորումը. տե՛ս Հր. Աճառյան, *Հայոց լեզվի պատմություն*, մաս II, էջ 258:

² Վերապահությամբ ենք արաբական համարում, քանի որ այս բառերի մեծ մասը գործածական է նաև պարսկերենում և թուրքերենում, հետևաբար դժվար է որոշել փոխառության աղյուրը:

Նամակներում վկայված են նաև *Եպոնական լեզուներից* (հունարեն, լատիներեն, ֆրանսերեն, գերմաներեն) և *ոռուերենից* անցած փոխառություններ: Օրինակ՝ *սինօր* (հուն. synoros «սահման, սահմանազիծ») (ՄՀԲ, Բ., 327. ՆՊԲ, 182), *կափիտան* (գերմ. kapitan «նավապետ, զլիապետ»), *իմփրատոր //իփրադոր// իմքրատոր* (լատ. imperator, իտալ. imperatore «կայսր, ինքնակալ, միապետ»), *Ճզլիթ* (ֆրանս. jesuite «Ճիության միաբանության անդամ»). ՆՊԲ, 131), *ուքազ* (ռուս. указ «հրաման, հրամանազիր, կարգադրություն»), *տվորնի* (ռուս. дворня «աղախին, սպասավոր»), *պայար* (ռուս. боярин «բոյար, ազնվական, կալվածատեր») և այլն:

Նամակներում հաճախ են գործածված խոսակցական լեզվին բնորոշ բայական հարացրություններ, որոնց անվանական բաղադրիչը փոխառյալ բառ է: Օրինակ՝ *աշքար(ա)* անել -«հայտնի դարձնել» (ՀԼԲԲ¹, Ա., 75. ՂԲԲ, 62): Օրինակ՝ «Ճենց որ բանն այսպէս եղաւ, ես էլ Շամախի *աշքար չարի*» (146): *Աշիզ իլնել* -«չշրով տալ, չար աշքի գալ» (ՀԼԲԲ, Ա., 96): Օրինակ՝ «Մեր խու *աշիզ իլանք դոցայ ձեռն...*» (171): *Եղիշ անել* -«մենամարտել, գրոհել, հարձակվել» (ՆՊԲ, 67). «...և ապա երիշ անեն Շամախու, Պաքուա» (193): *Սղնադ սղնադ անել* -«բաժան-բաժան լինել, մեկուսանալ». սա գործածվում է հատկապես Ղարաբաղի բարբառում (ՀԼԲԲ, Ե., 365. ՆՊԲ, 185). «Մեր այս խալդս ամեքն իւր երկրումն սրդնադ սղնադ եմք արել ամուր տեղերն» (185) և այլն:

Նամակների բառապաշարը հարուստ է բարբառային լեզվաշերտին պատկանող բառերով և բառաձևերով: Բարբառային ենք համարում ժամանակակից բարբառներում հանդիպող հետևյալ բառերը: Օրինակները շատ են, բերենք դրանցից մի բանիսը՝ *զեղուզեղ* (183), *էչչանք* (192), *իբմին* (146), *խուխո* (171), *խաթըր համար* (165), *վախուն* (146), *վախուումն* (146), *տվի* (195), *տրի* (146) և այլն:

Հաճախ հանդիպում են նաև ժողովրդական կենդանի խոս-

¹ Հայոց լեզվի բարբառային բառարան, հ.Ա-Է, Ե., 2001-2012:

քից վերցված դարձվածային միավորներ¹, որոնցով խոսքն առավել կենդանի և անմիջական է դառնում: Օրինակ՝ *աշաց լոյս* («շատ սիրելի, պաշտելի, թանկագին անձ կամ իր»), «Ծանուցումն լիցի աշաց լոյս պարոն Իւան Կարապետ էջի պէկիդ» (190), *աչքն ճանապարհին* («անհամբեր սպասել»). «Միայն թէ մեր աչքն ձեր ճանապարհին Ե» (183), *միտքներն ծուռ* («հետին միտք ունեցող, նենգավոր, խարդախ»). «Եկին մեզ մօտ Վարանդայ. մէկ Բ(2) օր տեսանք միտքներն ծուռ» (183) և այլն:

Նամակների բառապաշարը, պայմանավորված ժանրային առանձնահատկություններով, առանձնապես աչքի չի ընկնում նոր բառերի կերտմամբ: Գործածված է 3 նորակազմ բառ *քրօփէաձէմ* («հրեշտակի պես քալլող»), *աօքազուկ* («օգնական, աջակից»), *մուշկափաթան* («բարակ կաշվով փաթաթած»)², որոնք կազմված են հայերենի բառակազմական ներքին օրինաչափություններով:

Քերականական համակարգի իրողություններ: Նամակների *հոլովման համակարգն* առանձնանում է բազմաձև դրսեռումներով, հատկապես կարևորվում են գրաբարյան կանոններից շեղվող և լեզվի զարգացման վաղաշխարհաբարյան ենթաշրջանին բնորոշ իրողությունները:

Հոլովաձևների կազմության հարցում նկատելի են ձևային ընդհանրացումներ, դեռևս գործուն են հայցականի զ, բացառականի ի նախդիրները, հանդիպում են նաև աննախդիր գործածություններ, սկսում են կայունանալ աշխարհաբարի գործական և ներգոյական հոլովները, նկատվում են հոլովանիշ թեքույթների նկատմամբ հոգնակերտ մասնիկների նախադաս գործածություններ: Օրինակ՝ «Մեր թագաւորն իրաման է արարեալ, որ պիտի մեք այս երկիրներիս Հայն և դզլպաշն փչացնեմք» (186):

¹ Դարձվածքների բացատրությունները բերում ենք ըստ Ա.Սուքիասյանի, Ս.Գալստյանի, *Հայոց լեզվի դարձվածքանական բառարանի*, Ե., 1975:

² Բարի առուգաբանությունն անհայտ է. ենթադրում ենք, որ *մուշկի* արմատն է, որ նշանակում է «բարակ կաշի» (ՀԲԲ, 3, 364):

«Երկրպագութիւն և ողջոյն ի հեռուստ մատուցանեմք ազգս Հայոց նորընծայ ծառայքս քոյ, պատրիարքօք, իշխանօք, մէլիքներօք» (184):

Հարկ է նշել, որ հոլովական թեր ձևերը ներկայացնում են մի կողմից դասական գրաբարից եկող ընդհանուր օրինաշափություններ, մյուս կողմից վաղ աշխարհաբարի ենթաշրջանում դրանց կրած փոփոխությունները, որոնք փաստում են հայերենի համապատասխան իրողությունների զարգացման միտումները:

Մեկ օրինակում հանդիպում է կողմ բարի բացառականի -ից վերջավորությամբ կազմություն: Օրինակ՝ «Դ (4) տարի աւել է չորս կողմից թշնամին պատած, քանի քանի երկրներ. մինչև ի մեջ գերեվարեցին և կոտորեցին» (193):

Նամակներից մեկում վախ բարի բացառականի իմաստն արտահայտվում է բարբառային վախուն ձևով (սա գործածական է նաև Համեմենի բարբառում. ՀԼԲԲ, Զ., 14): Օրինակ «Նա ել վախուն և ցափ կակծոյն շատ թուրքեր մատնեց» (146):

Ուշագրավ է անձնական դերանունների բացառական հոլովի կազմությունը: Այսպես մեք և դուք դերանունների հոգնակի բացառականը խոսակցական լեզվի ազդեցությամբ հանդիպում է մեզան/մեզանէ և ձեզանէ ձևերով (փխ. ի մէնջ, ի ձէնջ): *Մեզան* ձևում նկատելի է նմանություն Ղարաբաղի բարբառում գործածական մեզանա դերանվան հետ (ա հնչյունի անկումով)¹: Օրինակ՝ «Մեզան զիր ուզեց. մեք կաթողիկոսք և ուզպաշիք կամեցանք, պահեցինք մեր մէջա» (174): «Մեր թշնամին շատ է մեզանէ» (163): «Ձեզանէ կուխնդրեմք, այս թուղթս տեղ հասուցանէք շուտով» (180):

Գործիական հոլովի թեքութներից (-աւ, -իւ, -ասք և այլն) տարբեր հոլովումների պատկանող բառերի համար՝ իբրև գործիականի հոլովական վերջավորություն, ամրակայվել է արդի հայերենի -ով վերջավորությունը: Օրինակ՝ «Այլ և Քուտ գետն, որ

¹ Տե՛ս Հր. Աճառեան, Ուսումնասիրութիւններ հայկական բարբառախօսութեան, մաս III, Ղարաբաղի բարբառի բնութիւն, Վաղարշապատ, 1899, էջ 145-146:

մեր առջևս է լոթկօվ կանցանուի» (185): «Մեք երկրով և ամենայն մէջքովը և ազատ որդովը և ուամկօք ի պատրաստի կամք և սպասեմք» (161):

Այս շրջանում արդեն տիրապետող ու «ժողովրդական»¹ էր ներգոյական հոլովի -ում վերջավորությունը: Ներգոյականի իմաստը գրաբարյան ձևերին գուգահեռ արտահայտվում է նաև աշխարհաբարին բնորոշ -ում հոլովական վերջավորությամբ, հաճախ դրան հաջորդում է բարբառային ն որոշիչ հոդը: Օրինակ՝ խոտումն (148), ամսում (173) քաղաքումն (183), երկրումն (185), օրում (183) և այլն:

Հաղթահարվում և պարզեցվում է նաև գրաբարյան անկանոն հոլովումը, թեև գրաբարագիր հեղինակը դեռևս շարունակում է այդպիսիք գործածել: Այսպէս՝ զիւլ գոյականը հանդիպում է տարբեր ձևերով՝ գեղ (185), գեղի (171), գեղրանք (171), գեղարանց (181,197), որոնք բնորոշ են ժամանակի խոսակցական լեզվին:

Նամակների լեզվում յուրահատուկ ու բազմազան դրսերումներ ունի գոյականի թվակազմությունը:

Հոգնակի ուղղականը ձևավորվում է -ք, -եր, -ներ, -իկ (իք), -էք հոգնակերտ մասնիկներով: Արդեն հստակեցվում են -եր և -ներ հոգնակի վերջավորությունները. -եր-ը մեծ մասամբ գործածվում է միավանակ բառերի դեպքում՝ թուրքեր (146), հակեր (148), աշքեր (164), բաներս (183), թղթեր (190), իսկ -ներ-ը բազմավանկ երկրներ (182,185,186,193), քաղաքներ (193), մէլիքներ (183):

Միտք միավանկ գոյականը, որը գրաբարում անեզական անուն էր, ք-ի իմաստի մթագնման հետևանքով ստացել է -ներ հոգնակերտ: Օրինակ՝ «Գ (3) փաշայ Շահին, Սալահ և Ալի անունվ... եկին մեզ մօտ Վարանդայ. մէկ Բ (2) օր տեսանք միտքներն ծուր» (183):

¹ Գ. Վանցեան, Պատմական քերականութիւն արևելահայ լեզուի, Թիֆլիս, 1906, էջ 29:

Մարդ բառի հոգնակին կազմվել է -իք վերջավորությամբ: Օրինակ՝ «Դարձեալ այս մօհրի տէր մարդիքս ապրանքի տէրն ան, փող են ուզում» (196):

-Իք հոգնակերտով են կազմվել նաև -եցի, -ցի ածանցներով գոյականները ջուղեցիք, էջմիածնցիք, շամախեցիք, որոնք բարբառային ձևեր են: Օրինակ՝ «Մեր թշնամիք և հակառակք անչափ կան և որպէս դու իսկ գրեալ ես, թէ ջուղեցիք, թէ էջմիածնցիք և թէ շամախեցիք. աստուած մի արասցէ, թէ որ այս թղթոց մէկն նոցա ձեռն անկանի» (163):

Խօճա (վաճառական) և քէտխուղա (կառավարիչ) փոխառյալ բարերի հոգնակին կազմվել է բարբառային -էք (այ>է) մասնիկով՝ խօճէք, քէտխուղէք. «Այնքան մնացիք, որ Հռոմոց երկրեն այնչափ խօճէք եկին Երևան, Թփլիզ, Գանջայ, Թալրէզ մինչև ի Շամախի լցուան» (194): «Եւ դարձեալ զայս ծանիցէ սիրելիութիւն քոյ գրեալ ես, թէ քանի մէկիք և քէտխուղէք ձեռագրով միրեն զքուղթն» (163):

Բայական համակարգումնկատվում են լեզվական անմիջինակություններ. քերականական ձևերում որոշակիորեն զգագրվում են աշխարհաբար զրական հայերենի խոնարհման համակարգին բնորոշ օրինաչափություններ:

Գրաբարի չորս դերբայներից (անորոշ, ապառնի, անցյալ, ենթակայական) բացի, գործածվում են նաև միջին հայերենում ու բարբառներում ձևավորված և աշխարհաբարին փոխանցված վաղակատար, հարակատար, ապառնի և անկատար դերբայները: Այսպէս՝ անորոշ դերբայր եզակի օրինակում հանդիպում է արդի հայերենի ու հոլովմամբ «Ահա մեր խնդիրքն այն է, որ թէ ես ու առաջ դէպի Շամախի և մեր կողմս հրաման ունիք գալու, միք ետանալ» (192):

Երկու անգամ վկայված է աշխարհաբարյան -ու մասնիկով ապառնի դերբայի կիրառություն՝ «Ես ևս զարուս գնալու եմ էջմիածին» (164): «Զի գրես, թէ գալու եմ տեղդ առևտուր եմ անելոյ» (194):

Նամակներում լայն գործածություն ունեն վաղակատար

դերքայով կազմված եղանակաժամանակային ձևերը: Օրինակ՝ «Մանաւանդ գրել էս, թէ մեզ Պարուէն, Դարբանտէն խապար եկաւ, ձեզ գրել եմ» (171): «Նոցա զօրքն կոտորել են, չեն կարացել առնիլ» (183)*:

Հարակատար դերքայը ևս հաճախադեպ է՝ «Ոչ գրումն գրած էր և ոչ մտացն կայր, որ հիմա գրէի» (147): «Բայց քանզի ճանապարհը փակած է, ոչ կարեմք որպիսութիւնք մեր հանապազ գրել» (166): «Զամենայն քաղաքներս առան, ինչպէս լսած էք, Թիլիս, Երևան, Գանջայ» (193):

Անկատար դերքայ «Մէկին հետ յոտում էս, մեկն է յոտպում» (171): «Սեր մարդս էլ որ մեկ տեղաց օգնութիւն չեն տեսնում, յուսահատում են և ցրուվում» (193):

Մեկ օրինակում վկայված է -ման մասնիկով անկատար դերքայի օրինակ, որը հատուկ է Զուղայի բարբառին¹: Օրինակ «Այլս իմացէք, որ էստեղ մեր ապրանաց մուշթարի շատ կա և հազիր կանկնած է, աւելի փող է տալման» (196):

Խոնարհման պատկերը ևս գրաբարախառն է. Քերականական իին ձևերի կողքին առատորեն վկայված են նոր գրական հայերենին բնորոշ եղանակային ձևեր:

Սահմանական եղանակը վկայված է ինը ժամանակաձևերով, հաճախադեպ են նաև միջինհայերենյան սահմանական ներկա-անկատար ժամանակների կու-ով կազմությունները: Օրինակ՝ «Շատ մարդ մեր միջէն յուսահատում է, գնումնոցա մօտն, և մեր կողմս նուազում է» (192): «Մեծ վնաս կուհասանի սուրբ աթոռոյս և մեզ» (163): «Էս վախտումն մեզանէ մօտի խալդն իւրեանց միջումն ասել ին» (146): «Բայց քանզի ճանապարհը փակած է, ոչ կարեմք որպիսութիւնք մեր հանապազ գրել» (165): «Եկն մինչև ի Գանջայ, Ի (20) օր ծեծեց զքաղաքն և դարձաւ» (165):

Գրաբարյան ստորադասական եղանակի ձևերի կողքին գործածված են ըղածական, պայմանական, հարկադրական եղանակների բայաձեր՝ պիտի հաստատեն (197), պիտի գրես (171),

¹ Հր. Աճառեան, Քննութիւն Զուղայի բարբառի, Ե., 1940, էջ 254:

շնորհի (160), պահես (174), բռնէք (192, 193) և այլն:

Հրամայական եղանակը գրաբարակերպ է, ունի սակավ կիրառություն: Օրինակ «Այժմ է ժամանակն արածիր վաղվադակի» (161): «Եկող մարդին խարջ խօրակն հոգալ այսպէս իմասցիր» (181):

Ժխտական խոնարհման դեպքում ևս նկատելի են գրաբարախառն, բարբառային և զուտ աշխարհաբարյան կազմություններ: Ինչպես չեմք կարող (163), չեք տեսնում (171), չեն կարացել (182), չեն տեսնում (193), չեք ողարկի (185), կարիլ չեմք (182), տեսած չեմ (195) և այլն:

Նամակների լեզվի շարակեյուսական-շարադասական առանձնահատկություններից են ուղղականով ենթակա-դիմավոր բայով ստորոգյալ կառուցի լայն գործածությունը, որոշչի և հատկացուցչի նախադաս կիրառության կայունացման միտումը: Փոփոխություն է կրել կապի և կապվող բարի շարադասությունը: Որոշ նախադրություններ խոսակցական լեզվի ազդեցությամբ դարձել են հետադրություններ:

Այսպիսով՝ նամակների լեզվական առանձնահատկությունների ուսումնասիրությունից կարելի է եզրակացնել.

1. 18-րդ դարի սկզբին գրաբարին զուգահեռ գործածվող նոր հայերենը դեռևս գտնվում էր կազմավորման, նորմավորման փուլում՝ պարունակելով հնյունական, բառապաշտային, քերականական բազմազան իրողություններ, բարբառային ներթափանցումներ: Նամակների բառապաշտը ամբողջովին արտացոլում է վաղ աշխարհաբարի լեզվավիճակը:

2. Հոլովման և խոնարհման համակարգերում նկատելի է նոր ձևավորվող լեզվի ազդեցությունը: Ամրակայվում են գործիականի -ով և ներգոյականի -ում հոլովական վերջավորությունները, -եր, -ներ հոգնակերտները, գործածվում են նոր եղանակներ ու ժամանակաձևեր:

3. Գրաբար-աշխարհաբար-բարբառներ զուգահեռ կամ հաճախ միահյուսված գործածությունները վաղ աշխարհաբարի

թերևս ամենակարևոր առանձնահատկությունն է, որը լիապես դրսևորված է Եսայի Հասան-Ջալալյանցի նամակների լեզվում:

Sahakyan Ruzanna- Essential linguistic features of the letters of Yesai Hasan-Jalalyants.- As a result of studying linguistic features of the letters we have arrived at the following conclusions: 1. Glossary of those letters fully reflects the state of the early stage of Ashkharabar (modern Armenian language). 2. In declension and conjugation systems it is felt the influence of a new language being formed. Prepositions *-ով* of ablative and *-ում* of locative cases, *-եր*, *-ներ* endings of plural forms are fixed, new moods and, tenses are used. 3. Parallel or often tangled usage of Grabar (old Armenian) –Ashkharabar (modern Armenian)- Dialect languages is perhaps the most important feature of the early stage of Ashkharabar , which is fully manifested in the language of the letters of Yesai Hasan-Jalalyants.

Саакян Рузанна- Существенные лингвистические особенности писем Есая Гасан-Джалалянца.- В результате изучения лингвистических особенностей писем мы пришли к следующим выводам: 1. Словарный запас этих писем полностью отражает состояние ранней стадии Ашхарабар. 2. В системах склонения и спряжения заметно влияние нового формирующегося языка. Фиксируются падежные окончания *-ով* творительного и *-ում* местного падежей, окончания множественного числа *-եր*, *-ներ*, употребляются новые наклонения и временные формы. 3. Параллельные или часто сплетенные употребления Грабар-Ашхарабар-Диалектика, пожалуй, являются наиболее важной особенностью ранней стадии современного армянского языка, которая полностью проявляется в языке писем Есая Гасан-Джалалянца.

*Սարգսյան Մերի
(ԳԱԱ լեզվի ինստիտուտ)*

**ԸՆԴՀԱՆՈՒՐԼԵԶՎԱԲԱՆԱԿԱՆ ՈՐՈՇ ՀԱՐՑԵՐԻ
ԱՍՏԻՃԱՆԱԿԱՆ ԶԱՐԳԱՅՈՒՄԸ Գ. ԶԱՀՈՒԿՅԱՆԻ
ԱՇԽԱՏՈՒԹՅՈՒՆՆԵՐՈՒՄ**

Վ. Վինոգրադովը հոդվածներից մեկում նշում է, որ կան երկու տիպի լեզվաբաններ: *Առաջինների* համար հետազոտության էլուրջունը առանձին լեզվաբանական կառույցների կերտումն է, որն արտացոլում է բազմաբնույթ լեզվական շինության մասնավոր դրսերումները: Լեզվաբանության ընդհանուր խնդիրները այսպիսի լեզվաբանների համար ծառայում են յոկ որպես անտառներ իրենց շինությունը կառուցելու համար: Նույնիսկ այն ընդհանուր տեսական եզրահանգումները, որ ի հայտ են գալիս աշխատանքի արդյունքում որպես հասուն պտուղներ, նրանց գիտական ձգտումների համար ցանկալի նպատակներ չեն: Երկրորդ տիպի լեզվաբանների համար լեզվաբանության ընդհանուր խնդիրները միշտ առաջնային դեր ունեն: Որքան էլ նրանք խորը ուսումնասիրեն այս կամ այն լեզուն կամ առանձին լեզվական փաստը, այդ ամենը նրանք դիտարկում են լեզվի ընդհանուր տեսության դիտակետից¹:

Լեզվաբանների երկրորդ խմբի ներկայացուցիչ պետք է համարել նաև Գ. Զահուկյանին: Նա մեծ ուշադրություն է դարձրել տեսական նշանակություն և կարևորություն ունեցող այնպիսի խնդիրների ու հարցերի, առանց որոնց հնարավոր չէ հատակ պատկերացում կազմել լեզվական կառուցվածքի, գործառության և լեզվի զարգացման մասին: Այս բոլոր հարցերին, բնականաբար, անդրադարձել են նաև այլ լեզվաբաններ, սակայն Գ. Զահուկյ-

¹ Տե՛ս Վ. Վինոգրան, Պամяти академика Льва Владимира Щербы (1880-1944): Сборник статей. Л.: Изд-во Ленинградского гос. ун-та им. А. А. Жданова, 1951, էջ 31-62:

յանը իր լեզվաբանական տեսության դիրքերից է քննում այդ հարցերը՝ հանգելով բոլովին ինքնատիպ լուծումների:

Ընդհանուր լեզվաբանական և տեսական զանազան հարցեր Գ. Զահուկյանի ուշադրության կենտրոնում եղել են գիտական գործունեության նախնական շրջանից: Լեզվաբանական բոլոր նախաձեռնություններում հեղինակը ձգտել է լեզվական նյութի ինքնուրույն, իոր և համակողմանի ուսումնասիրության: Հետևաբար Զահուկյանը չի սահմանափակվել իր ներկայացրած նախնական զաղափարներով, այլ ողջ գիտական գործունեության ընթացքում զարգացրել, հարստացրել ու կատարելազործել է այդ զաղափարները, սկզբունքներն ու հայացքները: Հատկապես հիշատակության արժանի են լեզվաբանության պատմության շրջանաբաժանման, լեզվական մակարդակների և կաղապարման մեթոդի հարցերը, որոնք հեղինակի աշխատություններում ներկայացվում են աստիճանական զարգացմամբ:

Շրջանաբաժանման հարցը

Գ. Զահուկյանի խորին համոզմամբ լեզվաբանության պատմաբանի գլխավոր խնդիրներից մեկը գիտական շրջանաբաժանման և նյութը համակարգելու ռացիոնալ եղանակների մշակումն է: Այդ է պատճառը, որ հեղինակն աշխատություններից մեկի՝ «Լեզվաբանության պատմության» առաջին հատորի ներածության մեջ նախևառաջ անդրադարձել է հենց այս հարցերի քննությանը: Հետազայում, վերանայելով այս աշխատության մեջ ներկայացվող որոշ սկզբունքներ՝ Զահուկյանը, շրջանաբաժանման խնդիրն անդրադառնում է նաև իր մեկ այլ «*Общее и армянское языкоиздание*» աշխատության մեջ:

Վերոնշյալ շրջանաբաժանումը, անկասկած, մեծարժեք դեր ունի լեզվաբանության պատմության մեջ: Այն կարևոր է ոչ միայն լեզվաբանության պատմության երեք հիմնական շրջանների առանձնացման, դրանց բազմակողմանի բնութագրման և վերլուծության տեսանկյունից, այլև այնպիսի հարցերի ընդգրկման առումով, որոնք կազմում են այդ շրջանների էությունը: Լեզվաբանության պատմության ամեն մի շրջան համակողմանի բնու-

քագրվում է, բացի այդ՝ ներկայացվում են առանձին շրջաններում նյութի քննությանը բնորոշ հատկանիշները, որոնք, անշուշտ, ամբողջացնում են ժամանակաշրջանի լեզվական ուսումնասիրության պատկերը։ Վերևում նշվեց, որ իր հետագա ուսումնասիրությունների մեջ Զահուկյանը որոշ հավելումներ ու նոր դիտարկումներ է անում։ Մասնավորապես «*Общее и армянское языкоизнание*» աշխատության մեջ նշում է, որ «Լեզվաբանության պատմություն» աշխատության մեջ նկատի չեն առնվել սերող քերականության սկզբունքներն ու մեքենական թարգմանությանը վերաբերող տեսական եզրակացությունները, քանի որ աշխատությունն ավարտված էր նախքան սերող քերականության զաղափարների տարածումը¹։ Հետևաբար շրջանաբաժանումը մասնակի փոփոխության կարիք ունի։ Օր. «Լեզվաբանության պատմության» մեջ 20-րդ դարը բնորոշվում է որպես ստատիկ-վերլուծական լեզվաբանության ձևավորման շրջան, բայց, նկատի ունենալով սերող քերականության զաղափարների տարածումը, այն, որ այս շրջանում նախապես տիրապետող էր լեզվի կառուցվածքի վերլուծությունը, այնուհետև անցում կատարվեց դեպի համադրում, հետազոյում՝ երկու սկզբունքների համատեղում, ուստի անվան մեջ ճշգրտում պետք է մտցնել։ Զահուկյանը, նկատի ունենալով այս հանգամանքը, ավելի նպատակահարմար է գտնում կոչել համակարգային-օպերացիոնալ լեզվաբանության ձևավորման շրջան։

Մեկ այլ խնդիր էլ կա մեթոդին առնչվող։ Եթե «Լեզվաբանության պատմության» մեջ մեթոդ տերմինը գործածվում էր լայն իմաստով, ապա «*Общее и армянское языкоизнание*» աշխատության մեջ Զահուկյանը նպատակահարմար է գտնում նեղացնել տերմինի իմաստային ծավալը՝ նկատի ունենալով միայն առանձնացվող շրջանների բնորոշ հատկանիշների ամբողջությունը։ Մեթոդը պետք է դիտարկել որպես տվյալ շրջանի ընդհանուր խնդիրներից, լեզվի նկատմամբ հայեցակարգից, լեզվաբանու-

¹Տե՛ս Գ. Ջկայքյան, *Общее и армянское языкоизнание*, Ереван, 1978, էջ 59։

թյան կառուցվածքից, բաժիններից ու գիտակարգերից բխող հատուկ մեթոդների որոշակի ամբողջություն: Սրանով էլ պայմանավորված որոշակի փոփոխության պետք է ենթարկել նաև լեզվաբանական դպրոցների և ուղղությունների առանձնացման ընդհանուր սկզբունքը: Դրանց հիմքում պետք է լինի ոչ թե լեզվի հայեցակարգը նեղ իմաստով, այլ լեզվաբանների ընդհանուր հայեցակարգը, նրանց աշխարհընկալման փիլիսոփայական հիմքը, լեզվի բնույթի վերաբերյալ նրանց տեսակետը: Հետևաբար՝ լեզվաբանության պատմությունը ներկայացնելիս պետք է տալ ոչ միայն տարբեր շրջանների և ենթաշրջանների, լեզվի ընդհանուր հայեցակարգի, տիրապետող մեթոդների ընդհանուր բնութագիրը, այլև նոր մեթոդների կիրառման, նոր հայեցակարգի կիրառման արդյունքները: Այսինքն՝ Զահուկյանը ցանկանում է ներկայացնել օբյեկտն ուսումնասիրելիս գրանցված ձեռքբերումներն ու առաջընթացը: Ուստի՝ տվյալ շրջանի ընդհանուր նկարագրությունից հետո պետք է ներկայացվեն առանձին լեզուների և լեզվախմբերի ուսումնասիրության արդյունքները, ինչպես նաև լեզվի առանձին կողմերի ուսումնասիրության բնագավառի ձեռքբերումները:

Անդրադառնալով լեզվաբանության պատմության տարբեր շրջանների և ենթաշրջանների առանձնացման սկզբունքի հարցին՝ Զահուկյանը հավատարիմ է մնում «Լեզվաբանության պատմության» մեջ ներկայացվող իր հայացքներին, այն է՝ տարբեր շրջանների և ենթաշրջանների առանձնացման ժամանակ պետք է հիմնվել ոչ թե մեկ հատկանիշի, այլ հատկանիշների ամբողջության վրա: Այս աշխատության մեջ ևս պահպանվում են առանձնացված 11 հատկանիշները: Եթե հեղինակը ի սկզբանե ընդամենը առանձնացնում էր այդ հատկանիշների ամբողջությունը, ապա այստեղ նաև շեշտում է, որ կատարվում է ոչ թե մի հատկանիշի վրա հիմնված, այլ բազմահատկանիշ շրջանարաժանում: Բացի այդ չեր նշվում այդ հատկանիշների փոխհարաբերությունը: Այս բացը ևս հեղինակը լրացնում է «*Общее и армянское языкознание*» աշխատության մեջ:

Այսպիսով՝ Գ. Զահուկյանը մշակում է լեզվաբանության պատմության շրջանաբաժանման ուրույն և բավական միասնական սկզբունքներ, հատակեցնում նյութը համակարգելու եղանակները և դրանով իսկ որոշակիացնում իր հայեցակետը լեզվաբանության պատմության երեք շրջանների նկատմամբ: Անշուշտ, գիտության զարգացման այժմյան մակարդակից դիտարկելով Զահուկյանի շրջանաբաժանումը որոշակի հավելումների կարիք կա, սակայն անժխտելի է նրա մնայուն տեղը ընդհանուր լեզվաբանության պատմության մեջ: Բավական է նշել միայն, որ մինչ օրս այն մնացել է չգերազանցված:

Մակարդակների հարցը

Գ. Զահուկյանը սկզբնական աշխատություններում համընդհանուր լեզվաբանական տեսության մշակման նախնական փուլում առաջարկում է միայն երկայլանային միավորների համար առանձնացված երկու մակարդակ՝ բառ, նախադասություն¹: Ընդ որում՝ այս երկու պլանների նկատմամբ երկու մոտեցում է ցուցաբերում. 1. հետազոտությունը սկսում է արտահայտության պլանից և գնում դեպի բովանդակության պլան, այսինքն՝ թե ինչ կապակցություններ կան և ինչ իմաստ են արտահայտում, 2. Ընդհակառակը նախ պարզում է իմաստները, հետո տեսնում, թե ինչ հնչակապակցություններով են արտահայտվում:

Հետազոյում «Ժամանակակից հայոց լեզվի իմաստաբանություն և բառակազմություն» աշխատության մեջ (1989) Գ. Զահուկյանը նշում է, որ կարելի է առանձնացնել կառուցվածքային չորս մակարդակ՝ ամեն մեկի մեջ էլ համապատասխանաբար երկուական ենթամակարդակ, սակայն այդ դեպքում հաշվի չեն առնվի ամբողջական խոսքի՝ տեքստի լեզվաբանական ուսումնասիրության հարցերը²:

¹ Տե՛ս Գ. Զահուկյան, Ժամանակակից հայերենի հոլովման համակարգը, Ե., 1967: Հայոց լեզվի զարգացումը և կառուցվածքը, Երևան, 1969: Ժամանակակից հայերենի տեսության հիմունքներ, Ե., 1974:

² Տե՛ս Գ. Զահուկյան, Ժամանակակից հայոց լեզվի իմաստաբանություն և բառակազմություն, Ե., 1989, էջ 19:

Հստ համընդիանուր լեզվաբանական տէսության սկզբունքների՝ հեղինակը կարծում է, որ մակարդակ կարող են ստեղծել միայն թէ՝ արտահայտության պլան (հնչունական կողմ կամ արտահայտության համապատասխան այլ միջոցներ) և թէ՝ բովանդակության պլան (իմաստ) ունեցող միավորները:

Վերոնշյալից կարելի է եզրակացնել, որ մակարդակային միավորների քննությունը փաստորեն սահմանափակվում է առմիջուկային տարրերի քննությամբ. միջուկային տարրերի քննությունը կատարվում է ավելի ստորին մակարդակում՝ ենթամակարդակում:

Գ. Զահուկյանը հետազայում, նկատի ունենալով, որ լեզվի մեջ կան ոչ միայն անկախ միավորներ (բառ, նախադասություն), այլև եզրային և կախյալ, բաղադրյալ միավորներ, դրանց համար առանձնացնում է ենթամակարդակներ¹: Սակայն այս դեպքում ևս մնում է երկպահապահին միավորների սահմաններում:

Սուրատանցիոնալ լեզվաբանության մեջ մակարդակների ուսմունքը էականորեն տարբերվում է ընդունված ուսմունքներից և հիմնվում է որոշ հիմնական սկզբունքների վրա: Ուստի նախորդ աշխատություններում առաջարկված լեզվական մակարդակների առանձնացման կառուցվածքը որոշ փոփոխության է ենթարկվում «Շարահյուսական ուսումնասիրություններ» և հաջորդ «Սահմանագործական աշխատություններում: «Սահմանագործական աշխատության մեջ հեղինակն առաջարկում է ավելի կատարելագործված և ժամանակակից գիտության պահանջներին համապատասխան կառուցվածք: Ի տարբերություն նախորդ աշխատությունների՝ այս աշխատության մեջ որոշ լրացումներ և ճշգրտումներ են արվում²:

Այս ուսումնասիրության մեջ մակարդակներ կարող են

¹Տե՛ս Գ. Զահուկյան, «Շարահյուսական ուսումնասիրություններ», Ե., 2003, *Общее и армянское языкознание*, Ереван, 1978, *Универсальная теория языка. Прологомены к субстанциональной лингвистике*, Москва, 1999:

²Տե՛ս Գ. Ջայակյան, «Սահմանագործական աշխատության մեջ հեղինակն առաջարկումներում նախորդ աշխատությունների՝ այս աշխատության մեջ որոշ լրացումներ և ճշգրտումներ են արվում»:

կազմել միայն երկպլանային միավորները, այսինքն՝ Մարտինեկ տերմինաբանությամբ՝ մոնեմներն ու դրանց համակցությունները։ Արտահայտության և բովանդակության պլանների բաղադրիչները, մասնավորապես հնչույթները, ինքնին չեն կարող կազմել մակարդակներ։ Դա խախտում է բաժանման տրամաբանական սկզբունքը. մի շարքին է դասում երկպլանային և միավանային միավորները։ Խոսելով լեզվի մակարդակային միավորների մասին Զահուկյանը կարծում է, որ պետք է նկատի ունենալ միայն գծային միավորները¹: Ըստհանրապես տարբեր հատկանիշները և մասնավորապես հնչույթների տարբեր հատկանիշները (Բենվենիստի տերմինաբանությամբ՝ մերիզմները) չեն կարող մակարդակներ կազմել։ Զահուկյանի խորին համոզմամբ չի կարելի մի կողմից հնչույթների տարբերակից հատկանիշների մակարդակ առանձնացնել, մյուս կողմից՝ ինքնին հնչույթների, դա կնշանակի, որ շփոթվում են հասկացությունների ծավալն ու բովանդակությունը։ Չի կարելի մի շարքին դասել միավորներն ու հատկանիշները, դա տրամաբանորեն հակասական կլինի. չէ՝ որ մյուս միավորների համար (օրինակ՝ բառերի համար) հատկանիշների առանձին մակարդակ չի առանձնացվում։ Հնչույթների տարբերակից հատկանիշները ներկայացնելով որպես դրանց կազմավորման համար անհրաժեշտ համապատասխան արտաքրումներ՝ խախտվում է մակարդակային միավորների գծայնության սկզբունքը։

Նախապես սուբստանցիոնալ լեզվաբանության մեջ, ինչպես նշվեց Վերևում, որպես ամենամեծ մակարդակային միավոր առանձնացվում էր ամբողջական (ավարտուն) նախադասությունը (sentence): Համարվում էր, որ տեքստի կառուցվածքը լեզվական-իմաստաբանական առումով որակապես նոր փաստեր չի հայտնաբերում, ինչպիսիք, որ հայտնաբերվում են ամբողջական նախադասության սահմաններում։ Խնդիրն այն է, որ ամեն մի մակարդակի միավորներ դիտարկելիս նկատի են առնվում

¹ Նույն տեղում, էջ 80:

տվյալ միավորի հարացույցը կազմող այն ցուցիչները, որոնք հանդես են զայիս ավելի բարձր մակարդակի միավորների կառուցվածքի մեջ (Ենթամակարդակում): Այսպէս, դիտարկելով ամբողջական նախադասությունները (ինչպէս պարզ, այնպէս էլ բարդ)՝ դրանցում նկատի են առնվում այն միջոցները, որոնք ապահովում են տեքստի ամբողջականությունը: Նկատի է առնվում նաև այն, որ մակարդակային միավորները առաջին հերթին համարվում են լեզվական, որոնց էլ խոսողի ուղեղում համապատասխանում են որոշակի կառուցվածքային կադապարներ, իսկ այդ կադապարների բաղադրիչները խոսքում իրացվում են տարբեր կերպ՝ իրադրությանը համապատասխան: Լայն տեքստի համար ուղեղում չկան որոշակի լեզվական կադապարներ. տեքստի կառուցումը ամբողջովին կախված է արտակեզվական գործոններից, խոսքը, իհարկե, կառուցվածքի որակական ցուցիչների մասին չեն: Հետազոտում Զահուկյանը եկավ այն եզրակացության, որ առաջին հերթին տեքստը պետք է տարբերակել խոսքից, երկրորդ՝ տեքստի և տեքստային միավորների համար կարելի է կազմել լեզվական ընդհանուր կադապարներ, երրորդ՝ առանց տեքստային մակարդակ առանձնացնելու լեզվի շատ երևույթներ մնում են չբացահայտված¹: Ուստի ավելացվում է հենքի (տեքստի) մակարդակը:

Արդեն նշվել է՝ սուբստանցիոնալ լեզվաբանության մեջ չի առանձնացվում ձևույթային հատուկ մակարդակ: Ձևույթային մակարդակի առանձնացումը խախտում է մոտեցման միասնականությունը՝ հանգեցնելով նույն միջոցների կրկնակի դիտարկման այն մակարդակներում, որոնց դրանք հարում են: Զահուկյանը նշում է, որ այս դեպքում է ստեղծվում է այնպիսի դրություն, ինչպիսին ստեղծվում է ձևաբանության մեջ բոլոր խոսքի մասերի ավանդական դիտարկման ժամանակ: Այսպէս շաղկապի և կապի մասին խոսվում է ինչպէս ձևաբանության մեջ խոսքի մասերի ընդհանուր դիտարկման ժամանակ, այնպէս էլ շարա-

¹ Նոյն տեղում, էջ 82:

հյուսության մեջ շարահյուսական կապակցման միջոցների դիտարկման ժամանակ: Զնարքանությունը դիտվում է ավելի լայն առումով որպես, այսպես կոչված, դասույթաբանություն, որի մեջ ուսումնասիրվում են բառերի համադրական և վերլուծական բոլոր ձևերը, օրինակ՝ առողջային (կապային) համակցությունները (ոչ միայն բաղադրում, այլև բաղադրի մեջ):

Ինչպես երևում է մակարդակների և ենթամակարդակների դասակարգումը ներկայացնելիս, դրանք չեն համընկնում ընդունված շատ դասակարգումների, բացի այդ ունեն նաև մի շարք առանձնահատկություններ: Առաջին անգամ արմատայինը առանձնացվում է որպես հատուկ ցածր ենթամակարդակ: Ըստ որում՝ այն ընդգրկում է միայն իմաստակիր բառերի արմատներ: Արմատի և բառակազմության ուսմունքները միացված են բառագիտության մեջ: Զնույթային հատուկ մակարդակի բացակայության պատճառը բացատրվել է վերևում. այդ մակարդակում դիտարկվում են միայն արմատական այն ձևույթներն ու միջոցները, որոնց միջոցով դրանք ձևավորվում են և փոխհարաբերվում են բառույթային կամ բառակազմական ենթամակարդակների միավորների բաղադրիչների հետ:

Այն, ինչ սովորաբար դիտարկվում է որպես շարահյուսական մակարդակ, սուրստանցիոնալ լեզվաբանության մեջ դասակարգվում է երկու, եթե հաշվի առնենք նաև տեքստայինը, ապա՝ երեք մակարդակի: Սովորական գործածության մեջ շարահյուսություն (սինտաքսիս) տերմինն ունի երկիմաստություն: Մի կողմից դրա հիմնական նպատակը միավորների համադրելիության դիտարկումն է, այսինքն՝ սույուրյան իմաստով շարույթաբանությունը (սինտաքմատիկան), մյուս կողմից՝ շարահյուսության ուսումնասիրության հիմքում նախադասության կառուցվածքի և ստորոգման ըմբռնման՝ որպես նախադասության բովանդակության և իրականության, կապն է որոշակի իրադրու-

¹Տե՛ս Գ. Զահորեան, Շարահյուսական ուսումնասիրություններ, Ե., 2003, էջ 11-13:

թյան հետ: Սուրստանցիոնալ լեզվաբանության մեջ միավորներն առանձնացնելիս առաջին պլան է մղվում դրանց կապակցելիությունը, իսկ ստորոգումը որպես քերականական կարգ, դիտարկվում է միավորների կառուցվածքի հետ կապված՝ որպես արտահայտության և բովանդակության պլանների համադրություն:

Այսպիսով՝ հիմնական միավորների՝ բառերի, շարույթի, նախադասության և տերսուի քանակին համապատասխան՝ ձևավորվում է չորս մակարդակ՝ բառային, շարային, նախադասական և հենքային: Ամեն մի մակարդակում առանձնացվում է երկու ենթամակարդակ՝ բառայինում՝ արմատային և բառույթային, շարայինում՝ դասույթային և շարույթային, նախադասականում՝ ասույթային և լրասույթային, հենքայինում՝ հինույթային և լիահինույթային:

Կաղապարման մեթոդների հարցը

Սկսած 1960-ական թթ. Զահուկյանը բազմաթիվ հոդվածներում և մենագրություններում առաջ քաշեց լեզվաբանական նկարագրության նոր եղանակ՝ լեզվի կառուցվածքի, լեզվական երևույթների քննության հարաբերակցական սկզբունքը, որի հիմքը կաղապարման մեթոդն է: Լեզվաբանական գրականության մեջ չկա լեզվական կաղապարի միաննական ըմբռնում: Զահուկյանի մշակած համընդհանուր լեզվական կաղապարի ըմբռնումն էլ տարբերվում է եղած ըմբռնումներից:

«Լեզվական կաղապարների և նրանց տարբերիչ հատկանիշների փոխհարաբերության մասին» հոդվածում Զահուկյանը նշում է, որ ընդհանուր լեզվաբանության իդեալը այնպիսի կաղապարի ստեղծումն է, որտեղ բոլոր միավորները ոչ միայն պետք է քերականորեն ճիշտ լինեն, այլև իմաստալից, բացի այդ կաղապարը պետք է կիրառելի լինի բոլոր լեզուների նկատմամբ, ընդգրկի լեզվի բոլոր կողմերը և սպառիչ բնույթ ունենալ:

¹ Ст. «Теоретические и практические вопросы преподавания иностранных языков», Москва, 1970, էջ 7-22:

Հեղինակի խորին համոզմամբ նախադասությունը այն միավորն է, որի մեջ հանդես են գալիս լեզվական բոլոր իմաստներն ու ձևերը: Եվ քանի որ նախադասությունն է իրական աշխարհի որևէ կողմի լեզվական դրսորումն է, ուստի նախադասության կաղապարի կառուցումը պետք է սկսել իրական աշխարհի հարաբերությունների և իրերի հատկությունների ուսումնասիրությունից: Այսպիսով՝ իր կառուցելիք կաղապարը Զահուկյանը կոչում է ընդհանրական նյութա-համակցային կաղապար (универсальная субстанционально-комбинаторная модель):

Կաղապարի ջահուկյանական ըմբռնումն այսքանով չի սահմանափակվում. հեղինակը, այն զարգացնելով հոդվածներում և «Общее и армянское языкоznание» աշխատության մեջ, հետազայում «Սնուածանական տեորիա» մենագրության մեջ հանգում է համընդհանուր լեզվաբանական կաղապարի գաղափարին: Վերջինս կառուցվում է հինգ էական սկզբունքների հիման վրա՝ *սուբստանցիոնալություն, ամբողջականություն, ընդհանրականություն, միասնություն, տնտեսում:*

Հարաբերակցական լեզվաբանության մեջ նկարագրել կամ բնորոշել օբյեկտը նշանակում է նրան վերագրել համընդհանուր լեզվաբանական կաղապարի որոշ կարգեր ու եզրեր կամ հերքել դրանց առկայությունը: Համընդհանուր լեզվաբանական կաղապարը ընդհանուր և սահմանափակ հասկացությունների կարգերի և եզրերի ամբողջություն է: Կարգերը ստանալու համար Զահուկյանն ընտրում է առարկաների ամենաէական հատկանիշները՝ առանձնացնելով հինգ այդպիսի հատկանիշ՝ պարունակայնություն, բաղկացականություն, հաշվականություն, վիճակայնություն, նշանայնություն:

Այսպիսով՝ Զահուկյանի ստեղծած լեզվի ընդհանրական կաղապարը նախատեսված է որպես ցանկացած օբյեկտի նկարագրության միջոց: Լեզվաբանական վերլուծությունն ու համադրությունը կատարվում է թե՝ ֆիզիկական, թե՝ հոգևոր բոլոր օբյեկտների նկատմամբ կիրառվող ինդուկտիվ եղանակով

ստացված և դեղուկտիվ ճանապարհով ստուգված որոշակի բնութագրերի միջոցով:

Հոգևոր երևոյթները բնորոշելու համար Զահուլյանն առանձնացնում է հինգերորդ հատկանիշը, որը հեղինակի սկզբնական աշխատություններում կոչվում էր նշանայնություն, սակայն «Սնակական աշխատության մեջ նախընտրում է «հոգևոր» տերմինը, երբեմն նույնիսկ «նշանային-հոգևոր»-ը: Այսինքն՝ նշան ասելով հասկանում է ոչ միայն օբյեկտի ներքին, այլև ֆիզիկական կողմը, ոչ միայն օբյեկտի բնորոշումը, այլև դրա ընկալումը: Հոգևոր տերմինը լայն նշանակություն ունի. դրա մեջ ներառվում են և՛ այն ամենը, ինչ բնորոշում է օրգանական կյանքի ֆիզիկական կողմը, և զգայական բոլոր դեպքերը, եթե պատճառահետևանքային կապ է ստեղծվում օրգանիզմի և արտաքին միջավայրի միջև: Այսինքն՝ հոգևոր կարգի (կատեգորիա) հիմքում ընկած են կախման և պատճառի կարգերը:

Այսպիսով՝ համընդհանուր լեզվաբանական կադապարի համակարգը կարգերի որոշակի փոխհարաբերությամբ հնարավորություն է տալիս ոչ միայն հասկանալու, այլև ուսցինալ կերպով նկարագրելու լեզվի կառուցվածքը և լեզվի գործելու մեխանիզմը: Այն ոչ միայն նպաստում է հնարավոր և գոյություն ունեցող բոլոր լեզուների ուսումնասիրմանը, այլև ծառայում է որպես անդրկաղապար:

Ամփոփելով պետք է նշել, որ հարստացնելով լեզվաբանական տեսությունը նոր մտքերով, որոնք հանդես են զալիս որպես ամբողջական համակարգեր, փորձելով նպաստել հայ լեզվաբանական մտքի զարգացմանը Զահուլյանը առաջ քաշեց լեզվաբանական զանազան խնդիրների լուծման ճշգրիտ ուղիներ:

Sargsyan Meri- The gradual development of general linguistic some questions in the works of G. Jahukyan.- The main questions of the linguistic theory always had the actual importance. In this sphere a huge contribution made especially G. Jahukyan. In all linguistic initiatives the

author sought for independent, deep and comprehensive investigation of language material. Therefore Jahukyan wasn't limited to preliminary ideas, during the whole scientific activity developed, enriched and improved the ideas, principles and views.

In this article are touched upon issues of a periodization of linguistic history, language levels and a method of modeling, which in works of the author are presented in gradual development.

Саргсян Мери- Постепенное развитие общелингвистических некоторых вопросов в работах Г. Джакяна.- Основные вопросы лингвистической теории всегда имели актуальную значимость. В этой сфере огромный вклад внес особенно Г. Джакян. Во всех лингвистических инициативах автор стремился к самостоятельному, глубокому и всестороннему исследованию языкового материала. Поэтому Джакян не ограничивался предварительными идеями, в течение целой научной деятельности развили, обогатил и улучшил идеи, принципы и взгляды.

В данной статье затронуты проблемы периодизации лингвистической истории, языковых уровней и метода моделирования, которые в работах автора представлены в постепенном развитии.

ՀԱՂՈՐԴՈՒՄՆԵՐ

Ակադեմիան
(ԳՊՄ)

ՀԱՄԱՍՈՒԽ ԵՎ ՀԱՐԱՍՈՒԽ ԲԱՌԵՐԻ ԸՐԲՈՆՄԱՆ ԵՎ ԿԻՐԱՌԱԿԱՆ ԱՐԺԵՔԻ ՀԱՐՑԻ ՇՈՒՐՋ

XX դ. ոռւս և հայ լեզվաբանության առանցքային հարցերից եր համանունների, հետազոյում հարանունների ըմբռնումն ու դասակարգումը, դրանց կիրառական արժեքի բացահայտումը: Այսօր համանունների և հարանունների հարցը գրեթե լուծված է: Սակայն այս ամենը առաջին հայացքից, քանի որ իրականում լեզվական այս երկու իրողությունները պահանջում են մանրամասն ուսումնասիրություն:

Համանունների արժենորման հարցում եղել են տարբեր մուտքումներ. որոշ լեզվաբաններ (Բալի, Բուլախովսկի, Ռեֆորմատսկի) դրանք ավելորդ բեր են համարել լեզվի համար պատճառաբանելով, որ վնասում են խոսքի մատչելիությանը, մյուսների (Բուղաղով, Շալունց) կարծիքով՝ համանունների կիրառությամբ խոսքի մատչելիությանը վտանգ չի սպառնում, քանի որ համապատասխան խոսքային միջավայրում հստակորեն բացահայտվում են համանուն բառերի իմաստները. Անհասկանալիությունը վերանում է: Ավելին՝ խոսքը, կախված նպատակից, կարող է ձեռք բերել ոճական, արտահայտչական նորանոր նրբերանգներ (ներքին ոիթմ, հանգավորում, բառախաղ, երգիծանք և այլն): Հարանունների ճանաչումը տեղի է ունեցել ավելի ուշ, և այս հարցում կան ոչ միասնական ու հստակ սահմանազատումներ (համահունչ և հարանուն բառերի միջև):

Հայ լեզվաբանության մեջ համանունների լիակատար և ամբողջական քննություն կատարել է Ռ. Շալունց¹, ինչպես նաև՝

¹Տե՛ս Ռ. Շալունց, Համանուն բառերը ժամանակակից հայերենում, Լեզվի և ոճի

Ա. Մարգարյանը, Էդ. Աղայանը, Ա. Սուրբիասյանը, Ս. Էլոյանը, Ս. Աբրահամյանըև ուրիշներ, իսկ կիրառության առանձնահատկություններին անդրադարձել են Ս. Մելքոնյանը, Ս. Էլոյանը, Լ. Եզեկյանը և այլք:

Հայ լեզվաբանները, հիմնականում օգտվելով ոռու լեզվաբանների առաջադրած մոտեցումներից, ներկայացրել են հայերենում համանունության դրսնորման ձևերը, առանձնահատկությունները, ինչ-որ տեղ հակադրվել են որոշ տեսակետների ու մոտեցումների և սահմանել են համանունության տարրերակման հիմնական չափանիշները, դասակարգման սկզբունքները, որոնք ի մի քերելով՝ կարող ենք ասել, որ համանունները ձևով նույն, բայց իմաստով տարրեր լեզվական իրողություններն են, որոնք կարող են ունենալ ինչպես բառական (բուն), այնպես էլ քերականական (և՝ բառական, և՝ բառաքերականական) ու խառը արտահայտություն:

Համանունների դասակարգումը կատարվում է մի քանի սկզբունքներով. ըստ իմաստային հակադրության (բուն, քերականական, խառը), ըստ արտասանության (լրիվ, մասնակի), ըստ ծագման (համարմատ և տարարմատ)¹, դասակարգում են նկատի ունենալով նաև համանունական շարքի բաղադրիչների քանակը, խոսքիմասային արտահայտությունը և այլն: Բուն կամ բառային համանունները ինքնուրույն բառային միավորներ են և, կախված արտասանությունից, կարող են ունենալ լիակատար կամ մասնակի դրսնորում: Լիակատար համանունները քերականական ձևերով (արտասանությամբ) լրիվ համընկնում են բառերի ոչ միայն ուղիղ, այլև քերականական բոլոր ձևերում. Ինչպես խարան (խարանելու գործիք)-խարան (բույսի անուն), հարկ (տուրք)-հարկ (շենքի մի հարթության վրա գտնվող մասերի սենյակների ամբողջություն) և այլն, իսկ մասնակի համանունները հիմնականում նույնական են ուղիղ ձևերում և տարրերվում

հարցեր, IV, Ե., 1977, էջ 5-75:

¹Տե՛ս և Ռ. Շալունց, նշվաշխատ, էջ 53-59:

են թեք ձևերում¹. ինչպես՝ սեր (կաթի սեր) - սեր(սէր՝ զգացմունք), տալ (ամուսնու քույր) - տալ (համանել): Ո. Շալունցը մասնակի համանունություն է համարում նաև բառաքերականական համանունները (ինչպես՝ արի (քաջ) – արի (զալ բայի եղակի հրամակայանը), անցավ- անցավ և այլն)²:

Հաշվի առնելով այն հանգամանքը, որ համանուն բառերի համար եականն ու բնորոշը հնչման նույննությունն է, նման հնչումով, բայց գրությամբ տարբեր բառերը դասվում են մասնակի համանունների մեջ (ուղտ-ուխտ, աղտ-ախտ)՝ որպես համահունչ բառեր: Սակայն հայերենում գոյություն ունի նաև հակառակ երևույթը՝ համազրությունը կամ նույնազրությունը, եթք բառերն ունեն նույն գրությունը, բայց տարբերվում են արտասանությամբ: Լեզվաբաններից շատերը սրանք համարում են համանուններ՝ հաշվի առնելով սոսկ ձևը (օրինակ՝ բազմակնություն-բազմակնություն՝ անտեսելով համանունները տարբերակելու համար կարևոր հնչման նույնության բացակայությունը: Նման ձևերը հիմնականում բառակազմական ճանապարհով առաջացած համանուններն են, սակայն սրանց մեջ իրական համանուններ իրոք կան, ինչպես՝ այլասեր-այլասեր, թթվասեր-թթվասեր, բազմանվագ-բազմանվագ: Սրանք անգամ կարելի է բուն (լիակատար) համանուն համարել, քանի որ և հնչմամբ, և գրությամբ նույնական են: Ո. Շալունցը նույնազիրների կապակցությամբ նկատում է, որ «համազրույթները չի կարելի դասել համանունների թվին, քանի որ այդ բառերն արտասանությամբ չեն համընկնում, այլ համընկնում են գրությամբ ...: Քանի որ համանունության պրոբլեմը հենվում է լոկ համահունչունության վրա, ուստի համահունչ բառերը պետք է դասվեն համանունների շարքին:»³: Ս. Էլոյանը համանուններից զատ առանձին քննու-

¹ Ա. Մարգարյան, Ժամանակակից հայոց լեզու, Բառազիտություն, Ե., 1993, էջ 70:

² Ո. Շալունց, նշվ. աշխ., էջ 57:

³ Ո. Շալունց, նշվ. աշխ., էջ 12-13:

թյան է ենթարկում համագիր և համահունչ բառերը: Այսպիսով՝ հարկ է, որ հստակեցվի համանունության սահմանման և սահմանազատման պահանջը, որոշվի համագիր բառերի տեղը: Մեր կարծիքով, եթե դիտարկում ենք սույ համանունության պարզ ձևակերպումը, ըստ որի ձևով նույն, բայց իմաստով տարրեր բառերը համանուններ են: Համագիրները ևս պետք է դասվեն համանունների շարքին, միայն թե այլ հարց կարող է առաջանալ. սրանք լիակատա՞ր, թե՝ մասնակի համանունություն են: Ճիշտ է, համագիրները ձևով լիարժեք համընկնում են, բայց հնչման տարբերությունն ակնհայտ է, այդ իսկ պատճառով սրանք կարելի է համարել մասնակի համանուններ (ինչպես և համահունչները): Առաջին հայացքից պարզունակ թվացող այս հարցը իրականում շատ կարենոր է և հստակեցման ու միօրինականացման կարիք ունի, որպեսզի հեշտացվի լեզվական նյութի ուսումնասիրումը, մասուցումը, յուրացումը և կիրառությունը:

Հարանունների տարբերակումն ու ըմբռնումը ավելի ուշ է տեղի ունեցել. անգամ շատ լեզվաբաններ դրանք որպես առանձին տեսակ չեն համարել և համանման օրինակները դիտել են կամ համանունների դրսեռում, կամ համահունչ բառեր (ինչպես՝ *Գող սիրտը դող*): Նման մոտեցումը բարդացնում է ոչ միայն լեզվական նյութի ընկալումը (նաև ուսուցումը), ուստի անհրաժեշտ է հստակ սահմանազատել համանունությունը հարանունությունից (ինչն արդեն զբերել ամբողջությամբ արված է), տարանջատել համանունությունը, համահունչությունը և հարանունությունը, հստակեցնել համահունչ ու համագիր բառերի տեղն ու դերը, համանունության կամ հարանունության հետ դրանց աղերսները կամ առնչությունները:

Ռուս լեզվաբանական գրականության մեջ հարանուններն ըմբռնվում են երկու առումով՝ նեղ ու լայն: Առաջին դեպքում հարանուն են կոչվում համարմատ և նմանահունչ այն բառերը, որոնց իմաստի մերձավորությունը երբեմն սխալ գործածության ու զուգորդությունների տեղիք է տալիս: Լայն առումով հարանուններ են դիտվում առհասարակ նման արտասանություն ունե-

ցող կամ նմանահունչ բառերը¹: Հարանունների համար կարևոր շափանիշ է տալիս Ա. Մարգարյանը նշելով, որ «իբրև ձևով շատ մոտ կամ նման, իմաստով հարաբերակից բառեր, հարանունները հիմնականում հատկանշվում են համարմատ կազմությամբ ... նրանք խարսխվում են նույն արմատի վրա և իրարից տարբերվում են բառակազմական ձևույթներով կամ հնյունական ձևափոխություններով. օրինակ՝ գործոն-գործուն, կտրիչ-կտրիճ, կարկաչուն-կարկաչյուն»²:

Ըստ Էլոյան ճիշտ է Ա. Աբրահամյանի մոտեցումը, որը հարանուններ է համարում առհասարակ նման հնյունակազմ ունեցող բառերը դրանք դասակարգելով երկու խմբով՝ ձևային և ձևախմաստային³: Սա հնարավորություն է տալիս խոսափել այն շփոթից, որ ստեղծվում է համանուն-համահունչ-հարանուն բառերը տարբերակելիս: Այս տեսակետին կողմ է նաև Ա. Էլոյանը, որը, զարգացնելով Ա. Աբրահամյանի տեսակետը, գրում է, որ հարանունների մեջ դիտարկում է առհասարակ նման արտասանություն ունեցող և իմաստով տարբեր բոլոր բառերը լինեն դրանք ընդհանուր բառադրիչ ունեցող (հմմտ. Ժանրաքանչ-ժանրաքարշ, շարային-շարքային և այլն), թե ուղղակի նմանահունչ տարարմատ բառեր (հմմտ. հարկ-հարզ, հառաջ-առաջ, վարդ-վարկ, վանք-վանկ) (Վերջինը Ա. Մելքոնյանը համարում է համանուններ):⁴ Սակայն Էլոյանը ևս ուղղագիծ չէ իր արտահայտած կարծիքի մեջ, քանի որ Վերոշարադրյալ տեսակետն ունենալով հանդերձ համահունչ բառերի մեջ դիտում է նմանատիպ օրինակներ՝ հորդ-հորթ, շոտագ-շոտար, հարդ-հարթ,⁵ որոնք ավելի ճիշտ կլինի համարել հարանուն, քանի որ տվյալ բառերի դեպքում գոնե համահունչության մասին խոսք լինել չի կարող:

¹ Ա. Էլոյան, Ժամանակակից հայերենի բառային ոճարանություն, Ե., 1989, էջ 100:

² Ա. Մարգարյան, նշվ. աշխ., էջ 122:

³ Ա. Աբրահամյան, Ժամանակակից գրական հայերեն, Ե., 1982, էջ 65-66:

⁴ Ա. Մելքոնյան, Ակնարկներ հայոց լեզվի ոճարանության, Ե., 1984, էջ 101:

⁵ Ա. Էլոյան, նշվ. աշխ., էջ 99:

Մեկ այլ ծայրահեղ մոտեցման պատճառ է, զուցե, անվանման հարցը, երբ համահունչ (նույնահունչ) բառերը համանուներից դուրս իրողություն են ներկայացվում և քննվում իբրև «հնյունական կազմով նկատելիորեն տարբեր իրարից, բայց համատեղ գործածության շնորհիվ սերտորեն իրար զուգորդվող»¹ իրողություններ, որոնք հիմնականում իրարից մեկ հնյունով են տարբերվում: Օրինակ՝ *զուղ-հյուղ, շող-ցող, լաց-բաց, փուշ-նուշ, չարիք-կարիք*: Այս դեպքում հակասություն կառաջանա. Ինչպես ս վարդել մեր կողմից պայմանականորեն մասնակի համանության ենթատեսակ համարված համահունչ բառերի (*ախտ-աղտ, անող-անոթ*) հետ: Նման իրողությունները, որոնք Ս. Մելքոնյանն անվանում է համահունչ և նույնահունչ բառեր, ըստ Էռլյան, այսօր լայն ըմբռնման պարագայում, ինչպես նաև հետևելով Ս. Աբրահամյանին, կամ պետք է համարել հարանուններ, որը ճիշտ է, կամ ոճական նպատակով ստեղծված նույնահունչության դրսնորում, բայց ոչ լեզվաբանորեն որպես համահունչ սահմանված ձևեր: Նման իրողությունները Ս. Մարգարյանը անվանում է *հարանվանումներ* կամ *ձևային հարանումներ*, որոնք «կեղծ կամ կարծեցյալ հարանուններ են»², իսկ այնպիսի բառեր, ինչպիսիք են *անձնազիր-անցազիր, հնաբան-հնէաբան* և այլն, նա համարում է *զուգակից բառեր*, որոնք միջին տեղ են զրավում բուն հարանունների և հարանվանումների միջև, ինչը սակայն արհեստական բաժանում է: Ս. Աբրահամյանի տեսակետին հակադրվում է Ա. Մարգարյանը՝ գտնելով, որ հարանունների ըմբռնման հարցում ճիշտը նեղ ըմբռումն է, ըստ որի ոչ միայն ձևով մոտ կամ նման, այլև իմաստապես այս կամ այն չափով հարաբերակցվող, առնչակցվող բառերն են հարանուններ համարվում³:

Ի մի բերելով ասվածը՝ կարելի է հանգել այն եզրակացության, որ համահունչ և համագիր բառերը պետք է համարել մաս-

¹ Ս. Մելքոնյան, նշվ. աշխ., էջ 63:

²Տե՛ս Ա. Մարգարյան, նշվ. աշխ., էջ 121:

³ Ա. Մարգարյան, նշվ. աշխ., էջ 119:

նակի համանունություն, իսկ հարանունների հարցում նախապատվությունը տալ ուստի լեզվաբանությունից սկզբնավորված լայն ըմբռնմանը, որի դեպքում հարանուն են դիտվում առհասարակ նման արտասանություն ունեցող կամ նմանահունչ բառերը (*տեղ-դեղ, ուշ-հուշ* և այլն): Իհարկե, այս դեպքում էլ գուցե կհանգենք ծայրահեղ մոտեցման, եթե ամեն նմանատիպ, բայց իմաստով ոչ մի աղերս չունեցող լեզվական իրողություն կհամարվի հարանուն (ինչպես *վարդ-մարդ, աղոտ-աղոթք, մեզ-մեկ և այլն*):

Կարևոր է համանունների և հարանունների կիրառության և ոճական արժեքի հարցը:

Համանունները մեծ դեր ունեն բառախառի, հանգավորման, երգիծանքի, ներքին ոիջմի ապահովման գործում:

Համանունների հիմնական դերը բառախառի կերտումն է, ինչը միաժամանակ կարող է նպաստել և հանգավորմանը, և խոսքի բազմազանությանը, ու կապ չունի՝ բառայի՞ն, թե՝ քերականական համանունություն է: Այսպես Լողանում են *Սևանում, Չովանում* են, *սևանում*, պարկում տաքուկ ավագին, *Սևանում* են *Սևանում* (www.heqiat.am): Արձագանքդ խոր ձորերի մեջ, Անդունդների մեջ թող որոտան, Շառաշիր, կանչիր, սլացիր անվերջ, Ա՛ս, արար-վարար իմ *Որոտան* (ՀՍ, 1, էջ 7):

Համանունությունը կարող է դրսերվել բառի և բառակապակցության միջև, սակայն ուշագրավ իրողություն է, եթե հանգավորման և համանայունության ապահովման նպատակով հեղինակները համանունություն (ձևական) են ստեղծում *բառի* և *բաղադրյալ բառի* (կամ բաղադրյալ հատուկ անվան բաղադրիչի) արմատների միջոցով՝ ապահովելով խոսքի սահունությունն ու բազմազանությունը: Օրինակ՝ Կարոտ աշք կառնի իմ հայրենի *տանը*, Ինչպես ամեն անզամ նորից Ինձ ընդառաջ կգա *Որոտանը* (ՀՍ, 1, էջ 8): Այստեղ է հիմա հոգիս թափառում, Ուր գերեզմանն է քաջ Դավիթ *Բեկի*, Մահը մարդուն չի ահաբեկի (ՀՍ, 2, էջ 41): Այս վերամբարձ աշխարհին, ... Անբանի *բարձ* աշխարհին Ինչ ասեմ, որ հասկանա (ՀՍ, 2, էջ 29): Եթե առաջին երկու օրինակում

նման հետաքրքիր միջոցով ապահովվել է նաև հանգավորումը, ապա վերջին օրինակում խոսքի մեջ հանդես գալով՝ այն օժնել է բազմազանությամբ, ներքին ռիթմով: Ժողովրդաշունչ գրողների, բանաստեղծների խոսքի բովանդակայնությունն ապահովվում է խոսակցական և գրական բառերի միջոցով կերտված համանունության շնորհիվ: Այսպես Շուռ պատանու Ոտքերի տակ Ծմակն ի վեր ծուռ մի կածան ... (ՀՍ, 2, էջ 30):

Ոճագիտական ուսումնասիրություններում սովորաբար առավել գնահատված է *հարանուն* բառերի դերը: Բնչ խոսք, հարանունները կարևոր դեր ունեն հանգավորման, բառախաղի, խոսքի երաժշտականության ու ելեկջի, բազմազանության ու արտահայտչականության ապահովման գործում, հատկապես, եթե հարանունների հարցին մոտենում ենք լայն ըմբռնմամբ, քանի որ ձևային հարանունների գործածություններն անշափ շատ են ոչ միայն չափածոյում, այլև արձակում, իսկ XX դարի հայ պոեզիայի ներկայացուցիչներից շատերը (Հ. Սահյան, Վ. Դավթյան և ուրիշներ) իրենց խոսքի բովանդակայնությունն ու բազմազանությունն ապահովել են լեզվական այս իրողությունների ճիշտ, հմուտ կիրառությամբ: Հարանունները խոսքում կարող են հանդես գալ տարբեր դիրքերում (սկզբում, մեջտեղում և վերջում), սակայն չափած խոսքում սրանք հիմնականում հանգարառեր են: Այսպես Գարնանը զիծ, աշնանը հեզ, Ափերն ի վար եղինջ ու սեզ ... Թփեր, թփեր, թփեր վարդի Ու շապիկը փոխած բարդի (ՀՍ, 1, էջ 92): ... Գարնան ցողով, Սիրո դողով, Եվ անարատ, Եվ անադարտ, ... Երկուսն էլ նուրբ, Մեկը ծլոդ, Բուրմունք սիռող, Մեկը ծնող Պտուղ տվող Ու սեր բերող (Անրի): Կամ գուցե, դա դարեր առաջ Ինձնից զատված իմ իսկ դրդանջն է, որ ես է դառնում Մաքուր ու զտված (ՎԴ, 1, էջ 17): Մեկ ցած իջավ, մեկ ելավ վեր, ճշաց տխուր ու կարեվեր, Եվ տեսնելով, որ արդեն բուն, պատի խորշում դրել է բոյն, Փետուրները քամուն տված, Մեր տան վրա տխուր ծվաց (ՎԴ, 1, էջ 30):

Մեծ է հարանունների դերը բառախաղի, շուտասելուկների կերտման գործում. Ծանոթ աստղերը, ծանոթ լուսինը, Որ ամեն

զիշեր մեր տան *ուսին* էր (ՎԴ, 1, էջ 27): Զեռ ևս առնում *մեծավորին*, Չես խնայում *մերձավորին* (ՀՍ, 1, էջ 45): Ծալվեծավալ լեռները *ծրարել*, Ամեն մի քարափի կոպի տակ, Ծալվել է երկինքը կապուտակ, Մի ծվեն երկինք է *ծվարել* (ՀՍ, 1, էջ 44): Հարանուններով ապահովում է խոսքի ներքին ռիթմը: Այսպես՝ Կեսօրվա *տապով*, Արաքսի *ափով*, Լայնքով, Երկայնքով ու կյանքով մեկ ... (ՀՍ, 1, էջ 45):

Հարանուններն անփոխարինելի են խոսքի *երաժշտականության*, բազմազանության ապահովման գործում. Մի տարագիր հոգու բաղանք, Մի ծիծեռնակ ու մի *կռունկ*, Պանդիտության ճամփաներում, Հազար քարի բախված *կրունկ*, Որդեկորուս մայրերի ողբ, Որբերի սիրտ, *վերքերի* մեջ,-Այդպիսին է Հայաստանը մեր հինավորց *երգերի* մեջ (ՀՍ, 1, էջ 36):

Բառախաղի, խոսքի բովանդակայնության ապահովման հարցում ևս լեզվական այս իրողությունները անփոխարինելի են: Այսպես՝ Նորոգված ու նոր դպրության, Մի *սահանք* է եղել աշխարհում, Եվ գուցե երբեկ կիշես, Որ այդ սահանքում նաև Մի *Սահյան* է եղել աշխարհում (ՀՍ, 1, էջ 69): Հարանունների կիրառության արժնորման առումով ուշագրավ է Լ. Եզեկյանի այն միտքը, որ սրանք խոսքին կարող են հաղորդել *հակադրություն*՝ արտահայտելով միաժամանակ *երգիծական* *երանգավորում*. օրինակ՝ Քո *տերությունը՝ անտերությունը*, *Անտուն լինելն* է եղել քո *տունը*, Քո *պետությունը՝ անջրապետություն*, *Հանրապետությունը՝ համրապետություն* (ԳԷ): Բերված օրինակը, սակայն, կարելի է ներկայացնել որպես հակադրության ու պարադքսի լավագույն դրսենորում, ինչը հարանունության հետ որեւէ կապ չունի (ավելի շուտ, այստեղ առկա են հականիշներ և համահունչ ձևեր, որոնցով ոչ միայն հակադրությունն է ապահովվել, այլև խոսքին հաղորդվել է ներքին ռիթմ ու ելեկօ): Այդպես էլ կարող ենք բերել հետևյալ օրինակը Եվ նրանց միջև՝ *անսահման* Մի *սահման* է եղել աշխարհում, Նորոգված ու նոր դպրության, Մի սահանք է եղել աշխարհում (ՀՍ, 1, էջ 69):

Ինչպես համանունությունը, այնպես էլ հարանունությունը

կարող է դրսնորվել բառի և բառակապակցության միջև՝ ապահովելով բանաստեղծական տողի հանգն ու բովանդակայնությունը: Այսպես՝ Ինձ կանչում է երկիրն այն անձրևոտ, Ուր մի զիշերվա մեջ մարդահասակ, Մի եղեգ է աճում անձավի մոտ (ՀՍ, 1, էջ 20): Ալիքները թափով գալիս, Վարսերն իրենց թափ են տալիս (ՀՍ, 2, էջ 22): Գուցե լեռներում վարգում է մի որբ, Տիուր հովատակ նժույզն է, Եվ կապույտի մեջ փշրվում է խուլ, Վրնջոցը տաք (ՎԴ, 1, էջ 17):

Այսպիսով՝ լեզվի արդի փուլում ևս շատ կարևոր է համանուն և հարանուն բառերի տարբերակման, դրանց սահմանագատման ու կիրառության առանձնահատկություններին վերաբերող հարցերի բացահայտումը, քանի որ լեզվական այս իրողությունները կարևոր դեր ունեն խոսքում և ուսումնասիրության հարուստ նյութ են տալիս իմաստաբանությամբ և ոճաբանությամբ զբաղվողներին:

ՀԱՍԱՌԱԳՐՈՒԹՅՈՒՆՆԵՐ

1. ՎԴ- Վահագն Դավթյան:
2. ՀԹ- Հովհաննես Թումանյան:
3. ՀՍ- Համի Սահյան:
4. ԳԷ- Գևորգ Էմին:

Avagyan Armenuhi- On the functional value of homonyms and homographs.- Departing from the viewpoints on the identification of homonyms and, later on homographs, as well as the divergence and ambiguity of definitions (on homophones and homographs) the present paper highlights the problems of perception, classification of homonyms, their differentiation from homophrases and their functional value. The last problem has been set in line with the data found in the Armenian literature (especially poetry of XX century).

Авагян Арменуи- Вокруг вопроса о восприятии и прикладной ценности омонимичных и паронимичных слов.- Имея в виду бытую-

щие в лингвистике мнения и точки зрения о признании омонимов, восприятии паронимов, а также отсутствие по этому вопросу единых и четких разграничений (между паронимами и созвучными словами), в данной статье исследованы вопросы восприятия, классификации омонимии, дифференциации омонимии и паронимии, задачи выявления их прикладной роли. Последний вопрос представлен, принимая в основу данные, предоставленные армянской литературой (в особенности поэзией XX века).

ՀԱՅՈՅ ՏՈՀՄԱՆՈՒՆԵՐԻ ԻՄԱՍՏԱԲԱՆԱԿԱՆ ԴԱՇՏԸ
ԸՍ Ն. ԱԴՈՆՅԻ «ՀԱՅԱՏԱԾ ՀՈՒՏԻՒԻԱՆՈՍԻ
ԴԱՐԱՇՐՋԱՆՈՒՄ» ԳՐՁԻ

Տոհմական կեցությունը յուրաքանչյուր ժողովրդի պատմության նախնական անհրաժեշտ փուլն է: Հայաստանն իր էթնիկական և աշխարհագրական պայմաններով լավագույն հանգրվաններից էր այդպիսի կացութաձևի համար: Ն. Ադոնյի պատկերավոր բնութագրմամբ՝ «Գտնվելով մեծ ժողովուրդների տեղաշարժերի խաչմերուկում՝ Հայաստանը քննում է և իր մեջ ներծծում բազմաթիվ էթնիկական հոսանքներ և ցեղային շիրեր»¹:

Ըստ հայագետի հայ ազգը կազմավորվել է ոչ միայն տարբեր ցեղային, այլև տարբեր էթնիկական տարրերից, որոնց հետքերը պահպանվել են մեր նախարարական տոհմերի անուններում: Գիտնականը քննում է Ս. Խորենացու «Հայոց պատմություն»-ը ցույց տալով, որ այն նախարարության պատմությունը շարադրելու առաջին փորձն է, ապա այն համեմատում է հետազոտողների ուշադրությունից սպրդած, սակայն, այնպիսի կարևոր պատմական փաստաթղթերի հետ, որպիսիք են Գահնամակներն ու Զորանամակները:

Գահնամակները նախարարական տոհմերի հաշվեգրումը ներկայացնող փաստաթղթեր են ըստ նրանց զբաղեցրած դիրքի, իսկ Զորանամակները նախարարական տների ցանկերն են ըստ իրենց զինուժի: Նախարարական ամբողջ զորքը բաժանված է եղել չորս թևերի կամ դրուերի, որոնք երկիրը պիտի պաշտպանեին չորս կողմերից:

Ն. Ադոնյի համոզմամբ՝ քերթողահայրը ծանոթ է եղել ոչ միայն Գահնամակին, այլև Զորանամակին: Նա մեջբերում է

¹Ն. Ադոնյ, Հայաստանը Հուստինիանոսի դարաշրջանում, Ե., 1987, էջ 435-436:

պատմահոր՝ նախարարական տոհմերի ցանկը՝ ամփոփված բգրի է և Հղուխներում:

Ն. Աղոնցն այս երկում կենտրոնանում է միայն մի քանի հոչակված տոհմերի անունների ստուգաբանության վրա: «Հայաստանը Հուստինիանոսի դարաշրջանում» երկն առաջնահերթ պատմագիտական արժեք ունի, հետո միայն բանասիրական, ուստի մենք կփորձենք առավել ամբողջացնել նրա ընձեռած լեզվաբանական նյութը:

Ն. Աղոնցը նախ քննում է տոհմական ժամանակաշրջանի ծնունդ մի քանի կարևոր հասկացությունների անուններ մալխազ, ասրե, տեր, *mamak` վերականգնելով դրանց նախնական նշանակությունը: Այս չորս եզրույթները, ըստ նրա, սկզբում նշանակում էին իշխանություն կրող անձնավորություն երկրի տարբեր հատվածներում: Malxaz-ը Խորխոռունի իշխանների տոհմական տիտղոսն էր, որ նշանակում էր ընդհանրապես «տիրող, իշխան, թագավոր», և ծագում է ասորական մալխազ-ից կամ արաբական թելիկ-ից: Նրան համապատասխանող տիրույթը ավելի փոքր միավորով, ըստ Ն. Աղոնցի, աղխ-alx-ն է՝ *haxl-ից, որ նույն ծագումն ունի, ինչ որ վրացերեն saxli-տուն-ը: Այս նույն արմատից է աղախին-ը alaxin-ը, այն անձը, որ սկզբնապես պատկանում էր alx-ին, հետագայում՝ սպասուի:

Մալխազ-ի Խորխոռունիների տոհմական տիտղոս լինելու մասին վկայություն կա նաև «Ժամանակակից հայոց լեզվի բացատրական բառարան»-ում, որտեղ նշված է, որ մաղխազը Արշակունի թագավորների թիկնապահ զորքի պետն է, որ ժառանգաբար ընտրվում էր Խորխոռունի տոհմից¹, մինչդեռ «Առձեռն բառարան»-ում «մալխազ»-ից հղում է տրված «մաղխազ»-ին և բացատրության մեջ գրված է, որ նշանակում է թագավորի պահապանների գլխավորը, բայց հետաքրքրականն այն է, որ հետ այսու հղում է տրված նաև «մախազ»-ին՝ իբրև ցոփի ու անա-

¹ Ժամանակակից հայոց լեզվի բացատրական բառարան, Ե., 1974, հ. 3, էջ 468:

ուակի¹: Կարծում ենք՝ վերջին հղումը պատահական չէ, հիշենք թեկուզ միայն Սուրեն Խորխոռունուն, որ 380-ականներին բյուզանդական մասի թագավոր Արշակ Գ-ից հափշտակեց նրա ունեցվածքն ու անցավ պարսկական մասի թագավոր Խոսրով Դ-ի կողմը: Այսուհանդերձ, Խորխոռունիների տոհմը միայն բացասական կերպարներով չի ներկայանում, ավելի մեծաթիվ են հակառակ բնեոր ներկայացնողները, օրինակ Խորեն Խորխոռունին, ում հայ եկեղեցին դասել է սրբերի շարքը և այլք: Անշուշտ, հնյունական սերտությունն է առաջին հերթին հիմք դարձել մալիսազն (մաղիսազ) ու մախազը աղերսելու:

Մյուս տերմինը՝ aspet-ասպետ, նույնպես տոհմական տիտղոս է՝ այս անզամ Բազրատունյաց իշխաններին պատկանող: Այս բառը, Ն. Աղոնցի համոզմամբ, անհիմն կերպով տարբեր մեկնություններ է ստանում: Իրականում, ըստ նրա, այն կազմված է աս և pet-ից, որի երկրորդ մասը նշանակում է զլուխ, իսկ առաջինը փորձ է արվում համեմատելու նախարարական կենցաղից վերցրած մի այլ և ոչ պակաս կարևոր տերմինի սերու սեպուհ-ի առաջին վանկի հետ: *Սեպուհ* բառի ծագումը, Աղոնցի փաստմամբ, ծշտված է, այն ծագում է ավելի հին se-puhr ձևից, իրանական ստաբութռա-ն է, որտեղ բաթռ պուհ, նշանակում է որդի, իսկ ստաբութռա-ն ստոհմական կազմակերպության օղակներից մեկն է, հետևաբար se-ն ստ-ի կրծատ ձևն է:

Գիտնականի վկայմամբ սեպուհ տերմինը հայ գրականության մեջ պահպանվել է նաև asprarak՝ Ասպուր-ակ ձևով: Նախաշեշտային ու-ի գոյությունը ցույց է տալիս, որ ու-ն եղել է երկու բաղաձայններից առաջ, այսինքն բառը հնչում է որպես ասրուրակ: Մասնիկի գեղչումով մնացել է spruhr, որն անտարակույս կարելի է համեմատել սերու-ի հետ վերջինիս հնագույն սերուր ձևով: -as և -se սկզբնավանկերի նույնությունը, ըստ Աղոնցի, անկանակած է:

Ինչ վերաբերում է ասպետ-ին, ապա Հ. Աճառյանը նույնպես

¹ Առձեռն բառարան հայկազնեան լեզուի, Վենետիկ, 1865, էջ 536:

հակված է այն իրանական փոխառություն դիտելուն, սակայն՝ առաջին բաղադրիչի այլ մեկնությամբ: Ըստ նրա՝ «asrapati»՝ «ձիատեր» բառը (asra՝ ձի և pati՝ տեր, պետ) լիովին բացահայտում է ասպետ-ի կազմությունը: Հին պարսկերեն նշյալ բառը համառուվելով դարձել է aspati¹:

Հետաքրքիր է, որ Ասպուրակ-ը գործածվում է նաև ս սկզբնատառով Վասպուրակ, և ընդհակառակն՝ ոչ հայկական հուշարձաններում Վասպուրական նահանգի անունը, որ հանգում է միևնույն բառին, մեջբերվում է առանց սկզբնահնյունի՝ «Ասուրօնական»: Aspur-ի կողքին vaspur ձևի գոյությունն ավելի ակնբախ է դարձնում այդ երկուսի՝ նիթարսթրա-ից ծագումը: Ըստ Ն. Աղոնցի հնյունական մի երևույթի համաձայն՝ բառասկզբի ս-ն խորք է հայոց լեզվի հնյունական համակարգին, իրանական սիթարսթրա-ն պետք է որ հայերին անցներ isapuhr, asapuhr ձևով կամ անշեշտ ա-ի գեղշումով՝ isruhr, asruhr տարրերակով:

Asruhr-ի և sepuhr-ի կամ as-ի և se-ի նույնությունը պարզելուց հետո Ն. Աղոնցը հստակեցնում է նաև aspet տերմինի ստուգաբանությունը: Aspet-ը ծագում է սիթա-քատի-ից այնպես, ինչպես aspur-ը՝ նիթարսթրա-ից, այլ կերպ՝ aspet, ըստ նրա, նշանակում է սիթ-ի կամ «տոհմի զլուխ, պետ», իսկ sepuh՝ «տոհմի որդի»: Վսեմ, վսամ բառը, որի լիարժեք ձևն է վսեամ, Աղոնցի խորին համոզմամբ, իրանական «սիթա-մա-ն» է և վերաբերում է սիթ-ին այնպես, ինչպես zantuma-ն՝ zantu-ին: Նրա սկզբնական նշանակությունն է «տոհմի անդամ, տոհմիկ», հետազայում «մեծատոհմիկ, վեհ»: Հավանաբար նաև վէս-հպարտ=սիթա, «սօթանիթ-ից՝ յամասնիկով: Գիտնականի համոզմամբ վսեմ-ի նման նաև վէս-ը սկզբնապես ցույց էր տալիս տոհմին պատկանելը»:

Կարծում ենք՝ առաջին իսկ հայացքից ասպետ-սեպուհ եզրերի թե՝ հնյունական, թե՝ իմաստային ընդհանրությունը համոզիչ չէ, վերջինը միգուցե և հնարավոր է ինչ-որ տեղ՝ իշխանական ծագմամբ պայմանավորված, սակայն իրանական միևնույն

¹ Հ. Աճառյան, Հայերէն արմատական բառարան, Ե., 1926, հ. 1, էջ 274:

նիթարսթրա-ից բխեցնել երկու տարբեր բառերը, որոնք գոնե իմաստաբանական միևնույն դաշտում չեն, խիստ կասկածելի են: Ինչ վերաբերում է ձևային կամ հնչյունական կաղապարին, ապա եթե բաթրա-պետ սերտությունը թույլ է տալիս ասպետ-ը բխեցնել նիթարսթրա-ից, ապա նույնը չենք կարող ասել սեպուհ-ի մասին. բաթրա-պուհ անցումը արժանահավատ չէ: Հապացույց ասվածի Հ. Աճառյանի՝ ասպետ-ի վերոհիշյալ, մեր կարծիքով, ճշգրիտ ստուգաբանությունը:

Տէր-ը Ն. Աղոնցն իրավամբ ածանցված է համարում տի-ից և այլ-ից: Երկրորդ մասը հայոց լեզվում նշանակում է մարդ, այր, իսկ տի-ի իմաստը, ըստ նրա, գրեթե անըմբռնելի է, ավելին պարզ չէ, թե ինչ առնչություն ունի այր և կին բառերի հետ, որոշի չ է նրանց համար, թե՝ հակառակը նրանք են իր համար որոշիչ: Ըստ կազմության այս բառերը Աղոնցին հիշեցնում են վրացական տամա-սրալ և deda-սրալ: Վրացական սրալ-ին և իմաստով, և՝ ծագումնաբանությամբ համապատասխանում է սեմական սառ-տիրակալ բառը: Սեմիտները այսպես կոչում են իրենց տոհմերը հովանավորող աստվածներին: Այս բառը, որ սեմիտների համար «աստվածություն, երկնքի տիրակալ» էր նշանակում, վրացիները փոխանցել են թագավորին՝ որպես երկրի տիրակալի: Ն. Աղոնցի կարծիքով՝ ըստ երևույթին, նման մի բան էլ պատահել է նաև հայկական տի-ի հետ: Հնչյունական կազմով և իմաստով՝ հայերենի տի-ի ծագումը, ըստ գիտնականի, կարելի է բխեցնել հնդկարգական di- բառարմատից: Նրանից ածանցված բառերը հանգում են երկու հիմքի՝ di և div: Երկուսն էլ ընդգրկում են լույսի-ցերեկվա և երկնքի-աստծո հասկացությունները: Հայերենում կան երկու բառահիմքերն էլ՝ և՝ տիվ-ցերեկ, և տի-ք հոգն. ձևով. tant-տարիք, այսինքն օրեք:

Տի-ն ի սկզբանե, ինչպես լատինական deus-ը, Աղոնցի վկայմամբ, արտահայտում էր բարձրագույն եակի՝ Աստծո գաղափարը, իսկ հետո սկսեց գործածվել նաև «թագավոր» և առհասարակ «երկրային տէր» նշանակությամբ, այսինքն՝ նա էլ արժանացավ այն բախտին, ինչ որ վրացական սրալ-ն: Ն. Աղոնցը կարծում է,

որ տիշի այս վերջին նշանակությունը փոքր-ինչ նսէմացնելու համար սկսեցին նրան կցել այր մարդ բառը տի-այր տէր: Հետաքրքրական է այն, որ այդ գործընթացը կրկնվեց: Հետազայում, եթք տիշ-այր բառի գործածությունից դուրս եկավ տ-ն, և սկսեց հավասարապես նշանակել թէ երկրի և թէ երկնքի տէր, ապա հիշյալ երկու զաղափարները տարբերելու համար կրկին հանդես եկավ նույն այր բառը, և կազմվեց տիշ-այր բառը, որ գրականության մեջ հայտնի է որպես հատուկ անուն, բայց անկասկած է, ըստ զիտնականի, որ սկզբում այն գործածվել է առհասարակ իշխողի, տիրողի իմաստով:

Ն. Աղոնցի այս ստուգաբանությունը խիստ ուշագրավ է այն առումով, որ տիշ-ն հայտնի էր մեզ որպես ածական՝ «մեծ», որի մասին վկայում է Հ. Աճառյանը՝ այդու, սակայն, հավելելով, որ ծագումն անորոշ է: Նա նշում է նաև Պետերմանի այն չափազանց հետաքրքիր ու կարևոր վարկածը, թէտիշ-ն հավասարագոր է ժխտական տիշ-ին դրանով իսկ նշանակելով «ոչ այր, այլ իշխանավոր»:

«Տեր» բառի իմաստը՝ «իշխող, պետ» և այլն, արդեն համոզիչ փաստարկ է ըստ Աղոնցի, որ տէր-ը, այսպես ասած, աստվածային այրն է, իսկ Պետերմանի վարկածը, որքան էլ զայթակղիչ, այդուհանդերձ, խոցելի է, և դա ոչ թէ տիշ-ի՝ ու ժխտականին հավասարագորության, այլ տէր բառի մեկնության պատճառով՝ «ոչ այր, այլ իշխանավոր»: Բայց եթե ընդունենք, որ իշխանավոր ասելով նա նկատի ունի երկրային իշխանությունը և երկրային տիրոջը հակադրում է երկնային այր-ին, այդ դեպքում պարզ կլինի նաև այդ մեկնությունը:

Мамак՝ մամակ-ը Աղոնցի՝ վերը քննած լեզվական վերաբրուկների շարքին է դասվում: Պատմական գրականության մեջ այն հանդիպում է որպես Մամիկոնյան տոհմին հատուկ անձնանուն: Սկզբում այն իշխանական տոհմերից մեկի տիտղոսն էր, հետագայում, քննարկված երկու տիտղոսների նման, դարձավ տոհմական անձնանուն, մամակ կամ մամիկ-ը դարձավ Մամիկոն-եան, ինչպես ասպետ-ից՝ Ասպետունի կամ մառիսագ-ից՝

Մաղիսագունիք¹: Ն. Աղոնցի կարծիքով՝ mama-k-ը ոչ այլ ինչ է, քան իբերական մամա, հայր բառի հայացված ձեր. Այս բառը նույնպես գալիս է տոհմական ժամանակաշրջանից նշանակելով տոհմի հայր, տոհմապետ և հոմանիշ է վրացական մամա-saxlisi-ին:

Ուշագրավ է, որ հայկական ավանդության համաձայն էլ՝ Մամիկոնյանները ծագում են Մամիկ-ից: Այս ստուգաբանությունը հաստատվում է ավանդությամբ և նոր լուս սփռում իշխանական հայտնի տան ծագման մասին եղած առասպելի վրա:

Ըստ հայկական ավանդությունների՝ Մամիկոնյանները ծագում են «Ճեներից»: Փ. Բուզանդի երկում Մամիկոնյաններն իրենց մասին ասում են, թե ծագում են Ճենաց աշխարհի թագավորներից: Ըստ Աղոնցի Բուզանդի խոսքերից չի երևում, թե ինչ է նշանակում «աշխարհին Ճենաց»: Անանունի հաղորդածից ակնհայտ է, որ դրանով պիտի հասկանալ Պարսկաստանից արևելք Բալիից այն կողմն ընկած երկրներից մեկը, այսինքն Չինաստանը: Այս զրոյցի նպատակը, ըստ Աղոնցի, ներկայացնելն է, թե ինչպես Մամիկոնյանները Չինաստանից եկան և հաստատվեցին Տայքում՝ իրենց տոհմական կալվածքում: Ն. Աղոնցի կարծիքով՝ ավանդության մեջ հիշված Ճենաց աշխարհի մեկնարանության հարցում թյուրիմացություն կա: Նախնական ավանդության մեջ Ճենք ասելով հասկանում էին ոչ թե հեռավոր չինացիներին, այլ հարևան ծաներին, որոնք ապրում էին Մամիկոնյանների տոհմական կալվածքից՝ Տայքից ոչ հեռու: Մամիկոնյանների տոհմական հատկությունները դյուրաքորքը խառնվածքը և արտասովոր քաջությունը, ցույց են տալիս, որ նրանք ավելի շուտ ազգակից են դեռևս Զ դարում իրենց ուազմատենչությամբ աշքի ընկնող ծաներին, քան հեզաքարտ չինացիներին:

Հ. Աճառյանը նույնպես Մամակ անվանն անդրադառնում է՝ միայն վկայությունների տեսքով սակայն՝ նշելով, որ մի դեպքում այն արական անուն է, մյուս դեպքում, թերևս, իզական, իսկ Մամիկ-ը դիտարկում է ոչ իբրև Մամակ-ի հնչունափոխված

¹ Ն. Աղոնց, նշվ. աշխ., էջ 464:

տարբերակ, այլ առանձնակի անձնանուն՝ որպես *մամ*, տատ բառերի փաղաքշական: Մյուս կողմից Մամիկոնյանների՝ Չինաստանի հետ ունեցած աղերսի ապացույցն է նաև Հ. Աճառյանի վկայությունը, թե *Մամիկոն* անվան հին ձևը *Մամզուն*-ն է՝ չինական ծագում ունեցող: Նա համեմատում է չին. *Man-gun* «հարավային նարիական այլազգիների իշխան» և *gun-Man* «իշխան Մաների»¹:

Կարծում ենք՝ միայն խառնվածքի ընդհանրության հիման վրա չի կարելի խոսել ցեղերի ազգակցության մասին, առավել ևս, եթե ունենք Կովկասում լայն տարածում գտած *Մամիկոն* անունը՝ իր՝ չինական ծագման *Մամզուն* հին տարբերակով, որը լավագույն ապացույցներից է Մամիկոնյանների Չինաստանից Տայր տեղափոխության:

Ն. Աղոնցի համոզմամբ՝ *Բայաձարություններին* դեռևս չենթարկված հայկական *Բագա-րատա*-ի սկզբնական ձևն է, որ ծագում է *Bagadata*-ից *աստծու տված* *baga*-ից և *data*-ից-հուն. Թեօծոտօ: Տիգրանի՝ այս անունը կրող ստրատեգը *Բագ<ա>րատունիների* նշանավոր տոհմի նախահայրն է: Հանձին նրա արդարացվում են հայկական երկու միմյանց հակասող ավանդությունները *Բագրատունիների* ծագման մասին: Հստ Անանունի *Բագրատունիները* ծագում են Հայկից՝ հայերի նախահորից: Մյուս ավանդությունը, որ պահպանվել է Խորենացու երկում, վկայում է նրանց հրեական արյան մասին: Հենց տոհմի անունը, հատկապես նրա տոհմական ասթ տիտղոսը, ցույց է տալիս, որ այդ հարստությունը առաջ է եկել հայ-իրանական եթնիկական հողի վրա: Նրանց սկզբնական հայրենիքը, ըստ երևույթին, գտնվում էր Աստրապատականի ծայրամասում: Ն. Աղոնցը հակած է ստուգաբանական կապ գտնելու նաև *Բագարատի* և *Բագրենանդի* միջև:

Հստ զիտնականի *Արծրունի* բառի ստուգաբանությունը դեռ ճշտված չէ: Այդ անվան ծագումը մեկնաբանելու բազմաթիվ

¹ Հ. Աճառյան, *Հայոց անձնանունների բառարան*, Ե., 1942, հ. 3, էջ 180:

փորձերից և ոչ մեկը, նրա կարծիքով, արժանահավատ չէ: Անունը չի ստուգաբանում նաև Հ. Աճառյանը:

Մեր կարծիքով՝ *Արծրունին*-ն ի սկզբանե եղել է *Արծվունի*, որովհետև Արծրունիների զինանշանը պատկերում է արծվի, մյուս կողմից, ըստ Արծրունիների տոհմական ավանդապատումների, Արծրունիների իշխանական տունը ծագում է Տոքք Անգեղից: Իսկ Տոքք Անգեղի մեր քննությունը ցույց է տվել, որ Տոքքի հրեշտակը՝ նամակատարը, ինչ-որ թոշունի տեսքով էր պատկերվում անգղի, արծվի և այլն¹:

Եթե մ.թ.ա. 68 թվականին հռոմեական զորավար Կորբուլոնը՝ Լուկուլլոսի հաջորդը, Արտաշատից նահանջեց Տարոնի ուղղությամբ, ստիպված եղավ անցնել մարդերի երկրով: Մարդերը, որ դեռ այդ ժամանակ զբաղվում էին ավազակությամբ, հարձակվեցին հռոմեացիների վրա, բայց հակահարձակման ենթարկվելով փախան և թաքնվեցին լեռներում: Սրանից երեսում է, որ այդ ժամանակ մարդերը արդեն բնակվել էին այն վայրերում, որոնք ավելի ուշ հայերը կոչում էին *Մարդաստան* կամ *Մարդոցք*, այսինքն՝ *մարդերի երկիր*: Այս մարդերից է իր ծագումն առել իշխանական այն տունը, որի ներկայացուցիչը կրում էր *մարդպետ*, *mardpet*, այսինքն՝ *մարդերի պետ* անունը: Հետազայում այս անունը նույնպես դարձավ տոհմական տիտղոս, և մարդպետների տոհմն ու նրանց տիրույթները կոչվեցին *Մարդպետ-ական*.

Մարդերի հետ միասին Զագրոս և Նպատ լեռների միջև ապրում էին կύրու կուրտիները, որոնք մարդերի նման հաստատվել էին Հայաստանի սահմանագլխին՝ *Կործերում*: Ակզրում կուրտիների երկրում և հետազայում նրանց հարևանությամբ ապրում էին *matian-i-ները*: Հին հեղինակների տվյալները հաստատվում են նոր հետազոտողների եզրակացություններով այն մասին, որ *mati* ժողովուրդը ոչ միայն արյունով, այլև անունով

¹ Տոքք Անգեղը՝ Տարկուի հայկական նախատիպ (հոդվածը հանձնված է տպագրության, Վեմ):

ազգակից է մաղերին: Նույն անվան այլ ձեն է՝ manda: Ըստ Ն. Աղռնցի՝ *Մաղա*-ն այնպես է հարաբերվում manda-ին, ինչպես՝ mati-ն մanti-ին: Դրանց հետ սերտորեն կապվում են հայոց Ամատունի՝ A-mat-un և Մանդակունի՝ Mand-ak-un իշխանական տների անունները: Մաղերը ծանոթ են հայերին սովորաբար մարեր անունով, ինչպես զիտնականն է վկայում, իսկ mar-ը նույնպես ծագում է mada-ից: Հայկական այն ավանդությունը, ըստ որի՝ *Սուրացան* իշխանական տոհմը ծագել է մարերից, Աղռնցին անհիմն չի թվում: Այն վայրը, որտեղ բնակություն հաստատեցին մարերը, հայերեն պիտի հնչեր *Մարոց*, ինչպես որ մարդերի հայրենիքը կոչվում էր *Մարդ-ոց*. Այստեղից էլ *Մարոց-եան*, կամ պարսկ. ձո՞-ով *Մարոց-ան* և ավելի ուշ *Սուրացան*.

Աղռնցի հաղորդմամբ՝ Արշակունիների նախահայրը կոչվում էր ոչ թե Տրդատ, այլ Վաղարշակ: Valarš-ak-ը Vologaes-a-ի, որը համապատասխանում է հայկական Վարդ-գէսին կամ Վառգոշին, ինչպես նաև պարսկ. Valaš-ի ժողովրդական ձևն է:

Ըստ Հ. Աճառյանի՝ *Արշակ* անունն առաջացել է հին պարսկերեն Aršaka ձևից, որը, ըստ Մյուլլերի, նվազականն է արժ «արջ» բառի: Ըստ այսմ՝ *Արշակ* նշանակում է բուն «արջուկ» և այս իմաստով համապատասխանում ճիշտ լո. Ursula «փոքրիկ արջ» անձնանվանը: Բայց Հ. Աճառյանն առավել հավանական է համարում Արշակ անվան՝ արժա «արու» բառից առաջացած լինելը (Meillet-ի վարկածը): Այս դեպքում *Արշակ*-ը համապատասխանում է *Արսեն* անվանը¹:

Քանի որ տոհմանունները դեռևս լիարժեք ուսումնասիր-ված չեն, այստեղ իբրև եզրափակում ուրվագծենք նրանց իմաստա-կառուցվածքային պատկերը: Այսպես

• Տեղանուններից բաղադրված տոհմանուններ՝ Աղձնեաց, Բզնունեան, Մոկաց, Ամատունի, Գուգարաց, Զարեհաւանեան և այլն,

¹ Հ. Աճառյան, Հայոց անձնանունների բառարան, հ. 1, էջ 290:

• տեղանուն-տոհմանուն՝ Տայք, Կասպը, Բասեան, Վանանդ և այլն,

• անձնանուններից բաղադրված՝ Երվանքունի, Մամիկոնյան, Արշակունի և այլն,

• կենդանանուններից բաղադրված՝ Արծրունի, Ցուլն, Վագրասպունի,

• ազգակցական կապ արտահայտող բառից կազմված՝ Տայգրեան,

• հատկանիշ արտահայտող տոհմանուններ՝ Քաջբերունի, Համբուժեան, Զիւնական:

Տոհմանունների կառուցվածքային վերլուծությունն էլ ցույց տվեց, որ դրանք պարզ ածանցավոր կազմություններ են, ընդորում մեծ մասը բաղադրված է՝ եան ածանցով, երկրորդ տեղում՝ -ունի՛-ով կազմություններն են, ապա՝ -աց, -ական, -ք և այլն: Մեկական օրինակներ ել կան բարդ (Տամբեր) և բարդ ածանցավոր կաղապարներով (Քաջբերունի):

Իբրև ամփոփում նշենք

Ա. Տոհմանունները, լինելով լեզվաբանության դեռևս բավականաչափ չուսումնասիրված և միաժամանակ բազմաշերտ բնագավառներից մեկը, առանձին հետազոտության կարիք ունեն:

Բ. Ն. Աղոնցն առաջինն արծարծեց տոհմանունների ստուգաբանության խնդիրը՝ միաժամանակ տալով դրանցից մի քանիսի չափազանց հետաքրքիր մեկնություններ:

Գ. Ն. Աղոնցի՝ տոհմական տիտղոսներից ի մասնավորի տեղ բառի ստուգաբանությունն անկասկած լուրջ մտորումների տեղիք է տալիս ոչ միայն իր եզակիությամբ, այլև շնորհիվ իր ստուգաբանական անսասան հիմքերի:

Դ. Հ. Աճառյանի վկայությունը մասների մասին՝ որպես հարավային արիական այլազգիների, ըստ եռթյան, Մամիկոնյանների կապը շեղում է թե՝ չինացիներից, թե՝ ծաներից: Մնում է միայն հասկանալ, թե ովքեր են հարավային արիական այդ այլազգիները:

Ե. Տոհմանունների իմաստա-կառուցվածքային պատկերը

զծելով՝ կարող ենք առանձնացնել իմաստային վեց հիմնական և կառուցվածքային երեք խմբեր:

Багмаян Вануи- Семантическое поле родовых имен по книге Н.Адонца “Армения в период Юстиниана”.- Родовые имена, представляя собой древнейший и недостаточно изученный слой в армянской лексике, нуждаются в отдельном лингвистическом исследовании. Н.Адонц первым поднял вопрос этимологии армянских родовых имен, он автор чрезвычайно интересных толкований многих родовых имен.

Составив смысловую и структурную классификацию родовых имен, мы получили 6 смысловых и 3 структурных групп. Смысловые группы объединяют те родовые имена, которые состоят из наименований местностей, наименований местностей-родовых имен, личных имен, из зоонимов и родовых имен обозначающих отличающие черта данного рода. Структурные группы в частности представлены в простых производных формах, и единичными примерами представлены формами сложных и сложнопроизводных типов.

Baghmanyan Vanuhi-The semantic field of the genealogical names according to N. Adonts's book "Armenia in the reign of Houstinian".- Generic names, representing the oldest and insufficiently studied layer in the Armenian vocabulary require a separate linguistic research. N.Adonts first raised the issue of the Armenian etymologies of generic names, he is the author of totally interesting interpretation of generic names.

Forming semantic and structural classification of generic names, we got six of semantic and structural three groups. Among the semantic fields are genealogical names originated from the place names, place-genealogical names and proper names, genealogical names originated from the names of animals, genealogical names expressing family relations or certain characteristics. And the structural groups, on the other hand, appear in the form of derivative types, complex and complex-derivative names are represented with one example each.

Հարությունյան Քնար
(Մ. Մաշտոցի անվան Մատենադարան)

**ԳՐԱԲԱՐԻ ԴԱՐՁՎԱԾՆԵՐԻ ԵՎ ՈՃԵՐԻ ՔԱՍՈՒԹՅՈՒՆԸ
ՀԱՅ ԼԵԶՎԱԲԱՆՈՒԹՅԱՆ ՄԵԶ**

Հայ լեզվաբանության մեջ դարձվածների գիտական համակարգված ուսումնասիրման սկիզբն ընդունված է համարել 20-րդ դարի 50-ական թթ., թեև դեռ Արսեն Այտընյանն իր «Քննական քերականութիւն աշխարհաբար կամ արդի հայերէն լեզուի» աշխատության մեջ անդրադառնում է դարձվածներին՝ դրանք կոչելով «ոճեր»։ Նա ոճը՝ դարձվածը, բնորոշում է իբրև «երկու բառէ բաղադրութիւն մը որ ի սովորութենէ որոշ նշանակութիւն մասած է. զորօրինակ. ունկն կամ ականջ դնել, որ մըտիկ անել կը նշանա կէ»¹ ապա զուգահեռ է տանում աշխարհաբարի և գրաբարի ոճերի (դարձվածների) միջև, երկուսից օրինակներ բերում և նշում. «Որչափ որ նշանաւոր է գրաբար հայերէնն անթիւ ոճերու առատութեամբը, նոյնչափ աղքատ և գրեթէ ի սպառ զուրկ է նոր լեզուն։ Բայց կրնան գրաբարի ոճերն ալ վայելչապէս և զգուշութեամբ գործածուիլ»²։ Խ. Բաղիկյանը «Ժամանակակից հայերէնի դարձվածային միավորները» աշխատության մեջ հայերէնի դարձվածների ուսումնասիրման համառոտ պատմությունն ուրվագծելիս Ա. Այտընյանին համարում է «դարձված» եզրն առաջին անգամ կիրառած լեզվաբան։ «Հայ լեզվաբանության մեջ դարձված տերմինին առաջին անգամ հանդիպում ենք անվանի հայագետ Արսեն Այտընյանի «Քննական քերականություն» գրքում, որն օգտագործվում է որպես ոճին զուգահեռ (հոմանիշ) տերմին»³։

¹ Ա. Այտընեան, Քննական քերականութիւն աշխարհաբար կամ արդի հայերէն լեզուի, Վիեննա, 1866, էջ 317։

² Նոյն տեղում, էջ 317-318։

³ Խ. Բաղիկյան, Ժամանակակից հայերէնի դարձվածային միավորները, Ե., 1986, էջ 29։

Մանուկ Աբեղյանը «Հայոց լեզվի տեսության» մեջ առանձին վերնագրով, պակայն համառոտ ներկայացնում է հայերենի դարձվածները իբրև հարադրական բայերից առաջացած և նոր իմաստ ձեռք բերած կապակցություններ¹:

Դարձվածների մասին առաջին համեմատաբար ծավալուն ուսումնասիրություններն Ա. Մուրվայանի երկու աշխատություններում են «Հայոց լեզվի բառային կազմը» (Երևան, 1955) և «Հայոց լեզվի դարձվածաբանություն և բայակազմություն» (Երևան, 1959), ապա հետևում են միայն այս հարցին նվիրված այնպիսի ուսումնասիրություններ, ինչպիսիք են Ե. Գևորգյանի «Հայերենի դարձվածքները» (Երևան, 1969), Պ. Բեղիբյանի «Ժամանակակից հայերենի դարձվածաբանությունը» (Երևան, 1971), Խ. Բաղդիկյանի «Ժամանակակից հայերենի դարձվածային միավորները» (Երևան, 1986):

Մինչ օրս կատարված այս բոլոր ուսումնասիրություններում, ինչպես նաև բուհական դասագրքերում համակողմանի քննության են ենթարկվել ժամանակակից հայերենի դարձվածները, իսկ մեր լեզվի պատմության նախորդ փուլերի գրաբարի և միջին հայերենի դարձվածաբանությունը նման բազմակողմանի քննության առարկա չի դարձել: Ուսումնասիրողները անդրադարձել են գրաբարի ու միջին հայերենի դարձվածներին, սակայն ուսումնասիրությունների նպատակակետն ու ելակետը եղել են աշխարհաբարի դարձվածները:

Այսպես, Ա. Մուրվայանը «Հայոց լեզվի բառային կազմը» աշխատության մեջ² դարձվածները ներկայացնում է իբրև հարադրյալ բայերի յուրահատուկ դրսնորումներ, որոշում դրանց կառուցվածքային առանձնահատկությունները, տալիս այն բայերը, որոնք առավել հաճախ են հադես գալիս հարադրյալ բայերի կազմում, զուգահեռաբար բերում օրինակներ գրաբարից, ցույց տալիս դրանց փոփոխություններն արդի հայերենում: Սակայն պետք

¹Տե՛ս Ա. Աբեղյան, Երկեր, հ. Զ, Ե., 1974, էջ 124-126:

²Ա. Մուրվայան, Հայոց լեզվի բառային կազմը, Ե., 1955:

է նշել, որ նա հաճախ հստակորեն չի սահմանազատում հարադրյալ բայերն ու դարձվածները, այս եզրերը գործածում է իրար փոխարեն, օրինակներում բերում նաև այնպիսի հարադրյալ բայեր, որոնք դարձվածներ չեն (օրինակ՝ տալ բայով կազմված հարադրյալ բայերից որոշները դարձվածներ չեն՝ բարև տալ, թիկն տալ, հեռազիր տալ, վնաս տալ, իմաց անել)¹, իսկ գրաբարից բերված նրա օրինակներն ել չեն օգնում որոշակի օրինաշափությունների վերհանմանը կամ պարզապես նման նպատակով չեն բերվում:

Ա. Մուրվայանի մյուս աշխատանքում՝ «Հայոց լեզվի դարձվածաբանություն և բայակազմություն», դարձվածաբանության հարցերն ավելի մանրամասնորեն են ներկայացված: Առանձին ենթաբաժնով «Գրաբարի դարձվածքները և գրական նոր հայերենը»² նաև անդրադառնում է գրաբարյան դարձվածներին, սակայն հիմնականում խոսում է այն դարձվածների մասին, որոնք գրաբարից անցել են աշխարհաբարին: Այս քննության ժամանակ նաև առանձնացնում է գրաբարից աշխարհաբարին նույնությամբ անցած դարձվածները փոփոխություններով անցածներից, ապա օրինակներով բերում փոփոխությունների տեսակները զուտ ձևաբանական (ի վաճառք հանել – վաճառքի հանել, ի վարձու տալ – վարձով տալ, ի կորուստ մատնել – կորուստի մատնել և այլն), հնչյունաբանական և ձևաբանական (ի քուն մտանել – քուն մտնել, իմաց առնել – իմաց անել, ի վեր կացուցանել – վեր կացնել), դարձվածի կազմում բառի փոփոխությամբ (ակն ունել – աչք ունենալ, կալ ի գլուխ – գլուխ կանգնել, ի կենաց արկանել – կյանքից զրկել): Իսկ վերջում բերում է այնպիսի օրինակներ, որոնք, գործածվելով գրաբարում, ժամանակի ընթացքում մոռացվել և չեն անցել ժամանակակից հայերենին:

Հայերենի դարձվածներին որպես հարադրավոր բայերի մի

¹ Նույն տեղում, էջ 199:

² Ա. Մուրվայան, Հայոց լեզվի դարձվածաբանություն և բայակազմություն, Ե., 1959, էջ 57-62:

տեսակի, անդրադառնում է նաև Ալ. Մարգարյանը «Հայերենի հարադիր բայերը» աշխատության մեջ. «Հարադրավոր բայերի դարձվածքանական և իմաստա-ոճաբանական արժեքը» զիսում¹ արժեքավոր դիտարկումներով ներկայացնում է հայերենի դարձվածները, հիմնականում ճշգրտում հարադրավոր բայերի հետ ունեցած ընդհանրություններն ու տարբերությունները, կատարում կառուցվածքային և իմաստաբանական քննություն: Որոշ գրաբարյան դարձվածներ ներկայացնում է ծանոթությունների տեսրով՝ արդի հայերենի համապատասխան դարձվածի կամ դարձվածային խմբի համար տալով գրաբարյանը և նշելով տեղի ունեցած փոփոխությունը:

Վ. Քոյսյանը «Գրաբարի բառակապակցությունները» աշխատութեան մեջ² մանրամասն քննում և ներկայացնում է գրաբարի բառակապակցական կաղապարները, որոնք նույնական են նաև դարձվածների համար և կարեոր կարող են լինել գրաբարի դարձվածների կազմության կաղապարների քննության ժամանակ, սակայն որպես այդպիսին՝ դարձվածի կազմության քննությունը նրա ուսումնասիրության նյութ չեն:

Ինչպես տեսնում ենք, դարձվածքանական քննության սկզբնական փուլում ուսումնասիրողներին գրաբարյան դարձվածները հետաքրքրում են որպես արդի դարձվածների աղյուրներից մեկը, և ուսումնասիրության հիմնական շեշտը դրվում է համեմատության վրա, թե դարձվածների այս կամ այն խումբը ինչ փոփոխություններով են անցել ժամանակակից հայոց լեզվին: Համեմատական քննությունը միանգամայն տրամաբանական է սկզբնական փուլի համար, բայց արդի հայերենի դարձվածքանության քննության զարգացման հետ այս մոտեցումը չի փոխվում, զարգացում չի ունենում:

1973 թ-ին հրատարակված «Ժամանակակից հայերենի դարձվածքանություն» աշխատության մեջ Պ. Բեդիրյանն արդի

¹ Ալ. Մարգարյան, Հայերենի հարադրավոր բայերը, Ե., 1966, էջ 198-241:

² Վ. Քոյսյան, Գրաբարի բառակապակցությունները, Ե., 1980:

հայերենի դարձվածների առաջացման աղբյուրների մասին խոսելիս նախ նշում է «կենդանի ընդհանուր լեզուն իր կիրառության բոլոր ոլորտներով»¹, ապա «լեզվի նախընթաց գոյավիճակները գրաբարը, միջին հայերենը»², ինչպես նաև «խոսակցական լեզուն և բարբառները»³ և «շփվող լեզուներից փոխառությունները»⁴: Նա ընդամենք մի քանի օրինակով ցույց է տալիս, որ գրաբարից և միջին հայերենից դարձվածները աշխարհաբարին անցել են կամ նույն կերպ պահելով քերականական և բառային ձևերը, կամ որոշ փոփոխությունների ենթարկվելով, սակայն ամբողջական ցանկով չի ներկայացնում գրաբարից աշխարհաբարին փոփոխված կամ անփոփոխ ձևով անցած դարձվածները, փոփոխությունների օրինաչափությունները և այլն:

Գրաբարի դարձվածներին անդրադարձել են նաև գրաբարյան որևէ մասնավոր երկի լեզվառական քննություն կատարելիս, ինչպես Վ. Համբարձումյանը «Հովհան Մամիկոնյանի «Տարոնի պատմության» լեզուն և ոճը» աշխատությամբ, որտեղ առանձին ենթազլյուսում՝ «Դարձվածային միավորները»⁵ մանրամասն ներկայացրել և քննել է երկում գործածված դարձվածները՝ ծագումը, գործառական-ոճական և կառուցվածքային առանձնահատկությունները:

Ժամանակակից հայերենի դարձվածներին վերաբերող ուսումնասիրությունները վերը նշվածներով չեն ավարտվում, մինչ օրս կատարվում են արդի հայերենի դարձվածների, ինչպես նաև հայերեն և որևէ օտար լեզվի դարձվածների համեմատական քննություններ, հրատարակվում են ուսումնասիրություններ,

¹ Պ. Բեղիրյան, Ժամանակակից հայերենի դարձվածաբանություն, Ե., 1973, էջ 49:

² Նոյն տեղում, էջ 57:

³ Նոյն տեղում, էջ 62:

⁴ Նոյն տեղում, էջ 63:

⁵ Վ. Համբարձումյան, Հովհան Մամիկոնյանի «Տարոնի պատմության» լեզուն և ոճը, Ե., 2013, էջ 59-75:

հողվածներ, որոնք սակայն գրաբարյան դարձվածներին չեն առնչվում:

Փաստորեն, 20-րդ դարի կեսերից սկսած հայ լեզվաբանության մեջ բավականին համակողմանի քննության է ենթարկվում հայերենի արդի դարձվածաբանությունը, ճշտվում են բազմաթիվ տեսական հարցեր, վեր են հանվում արդի հայերենի դարձվածների կառուցվածքային օրինաչափություններն ու իմաստային յուրահատությունները, կազմվում են դարձվածաբանական բառարաններ, գրվում աշխատություններ, մենագրություններ և հողվածներ. նույնը չենք կարող ասել գրաբարի և միջին հայերենի դարձվածների քննության դեպքում:

Գրաբարի դարձվածներին արդի հայերենի դարձվածաբանության խնդիրներով զբաղվող լեզվաբանները հիմնականում անդրադարձել են այն պատճառով, որ թեև արդի դարձվածների ստվար մասը ժողովրդախոսակցական ծագում ունի, կապվում է աշխարհաբարի հետ, այնուամենայնիվ որոշ մասն էլ փոփոխություններով կամ անփոփոխ ժառանգել է լեզվի պատմության նախորդ շրջաններից:

Այդ անդրադարձը եղել է խիստ համառոտ, կոնկրետ որևէ հարցի կամ մասնավոր երկի դարձվածներին վերաբերող, համակարգային քնույթ չի կրել, և մինչ օրս չի կատարվել գրաբարի դարձվածների լուրջ ուսումնասիրություն, որը վեր կհաներ գրաբարյան բոլոր դարձվածների կառուցվածքային օրինաչափություններն ու կաղապարները, իմաստաբանական առանձնահատկությունները, ոճական արժեքը. Մի խնդիր, առանց որի թերի են թե գրաբարի բառազանձի մի շատ յուրօրինակ ու տվյալ դարաշրջանի լեզվամտածովությունը ներկայացնող կարևոր հատվածի ուսումնասիրությունն ու ներկայացումը, թե արդի դարձվածաբանությունը քննող այն մասը, որն անմիջականորեն պայմանավորված է նրանով:

Այդուհանդերձ, արդի հայերենի դարձվածաբանությամբ գրադիւն ուսումնասիրողներն իրենց աշխատություններում երթեմն շատ կարևոր դիտարկումներ, մոտեցումներ և համեմատու-

թյուններ են կատարում գրաբարյան դարձվածների վերաբերյալ, որոնք արժեքավոր և հիմնային են լինելու գրաբարի դարձվածների քննությամբ զբաղվողների համար:

Harutyunyan Knar - A Brief History of Research of Old Armenian phrases in the Armenian Linguistics. - In our report we briefly present those linguists' works, that examine Old Armenian phrases and idioms, such as A. Murvalyan, A. Margaryan, V. Qosyan and others. Then we show that unlike Modern Armenian phrases, which have been deeply examined since the 50's of the 20th century, Old Armenian phrases haven't been examined so detailed and only some of them have been examined, mainly by comparison with Modern Armenian phrases.

Арутюнян Кнар – История исследования древнеармянских фразеологических единиц в армянской лингвистике. – Мы кратко представляем работы тех лингвистов, которые изучали древнеармянские фразеологические единицы, и таких как А. Мурвалян, А. Маргарян, В. Косян и другие. Затем анализируя факты, мы показываем, что в отличие от современных фраз, которые были глубоко изучены начиная с 50-ых годов 20-ого века, древнеармянские фразеологические единицы не были изучены так подробно, а только некоторые из них были рассмотрены, в основном по сравнению с современными фразами.

Մանուկյան Տաթևիկ
(Մ. Մաշտոցի անվան Մատենադարան)

ՆՈՐԱՀԱՅՑ ՇԱՐԱՀՅՈՒՍԱԿԱՆ ՏԵՐՄԻՆՆԵՐ ԺԷ
ԴԱՐԻ ԶԵՇԱԳՐԵՐՈՒՄ

Հայ քերականագիտության մեջ շարահյուսական հարցերի քննությունը որպես քերականության առանձին բաժին հնյունաբանության, ձևաբանության համեմատ սկզբում է ավելի ուշ՝ լատինատիպ քերականությունների շրջանում, քանի որ Դիոնիսիոս Թրակացու աշխատության մեջ քերականական հարցերից մասնավորապես քննվում էին հնյունաբանության և ձևաբանության վերաբերող հարցերը, շարահյուսական հարցերին անդրադառնում են Սիմեոն Չուղայեցու կամ Կղեմես Գալանոսի ժամանակներից սկսած¹, իսկ շարահյուսությունը որպես քերականության առանձին բաժին հայերենագիտության մեջ առաջին անգամ քննում է Հովհաննես Քոնեցին իր «Համառու հաւաքում» երկում²:

Շարահյուսությունը սերտ աղերսներ ունի փիլիսոփայության և տրամաբանության հետ: Ինչպես նշում է Լ. Խաչերյանը, դրանով է պայմանավորված, որ շարահյուսագիտական շատ տերմիններ ու հասկացություններ (նախադասություն, ենթակա, ստորոգյալ, որոշիչ և այլն) առաջին անգամ գործածվել են փիլիսոփայական և տրամաբանական աշխատություններում³:

Հովհն փիլիսոփաները մտքի բոլոր ձևերն ու օրենքները դրսերում և մարմնավորում էին լեզվի միջոցով, և քնական է, որ դրանք վերլուծելիս, վերլուծում էին նաև լեզուն: Եվ պատահական չէ, որ շարահյուսական տերմինների հիմնական և ամենա-

¹ Լ. Խաչերյան, Հայ շարահյուսագիտական մտքի վաղ շրջանի պատմությունից, Բանբեր Մատենադարանի, N 6, Ե., 1962, էջ 97:

² Յովհաննես Քոնեցի, Յաղաց քերականին, Ե., 1977, էջ 112:

³ Լ. Խաչերյան, նշվ. տեղում, էջ 98:

կարևոր մասը գիտական շրջանառության մեջ են դրել ոչ թե քերականները, այլ փիլիսոփաներն ու տրամաբանները: Հայ փիլիսոփաներից առանձնապես կարևորվում է Դավիթ Անհաղթի մասնակցությունը, որն իր «Սահմանք իմաստասիրութեան» աշխատության մեջ քննության է առնում «բան», «անուն», «սահմանում» տերմինները և լրացնումները (որոշից, հատկացնուցիչ, բացահայտիչ):¹

Հունաբան քերականները շարահյուսությանը անդրադարձել են միայն նախադասության՝ «բանի» սահմանումով: Դիոնիսիոս Թրակացին տալիս է միայն նախադասության սահմանումը և թվարկում խոսքի մասերը: «Բան» տերմինը օգտագործում էին ինչպես նախադասության, այնպես էլ խոսքի մասերի համար առանց հստակ տարրերակման: Այս ըմբռնումը դարեր շարունակ գերիշել է քերական-մեկնիշների աշխատություններում, մինչև որ շարահյուսությունը, անջատվելով ձևաբանությունից, հանդես է գալիս իբրև առանձին և ինքնուրույն բնագավառ:²

Հայ շարահյուսագիտության պատմության տեսանկյունից հատկապես մեծ կարևորություն ունի Վարդան Արևելցու «Վասն բանին մասանց» արժեքավոր աշխատությունը: Այս աշխատությունը հայոց լեզվի շարահյուսության սկզբունքների նկարագրության առաջին ինքնուրույն փորձն էր. առաջին անգամ խոսքի մասերը քննվում են ոչ թե ձևաբանության, այլ շարահյուսության առանձնահատկություններից ելնելով³: Իսկ Գ. Զահուկյանն այն համարում է «հայոց լեզվի համառոտ շարահյուսության նախատիպ»⁴:

Ուշ միջնադարի լատինատիպ գրեթե բոլոր քերականություններում հայերենի շարահյուսությանը առանձին բաժիններ

¹Տե՛ս Դավիթ Անյառիք, *Սահմանք իմաստասիրութեան*, Ե., 1960, էջ 28:

²Լ. Խաչերյան, նշվ. տեղորում, էջ 110:

³Տե՛ս Լ. Խաչիկյան, Վարդան Արևելցու «Վասն բանին մասանց» աշխատությունը, *Տեղեկացիք*, Սերիա 1, N 2, Երևան, 1943, էջ 81:

⁴Գ. Զահուկյան, *Քերականական և ուղղագրական աշխատությունները հին և միջնադարյան Հայաստանում (V-XV դդ.)*, Ե., 1954, էջ 253:

Էին հատկացվում. հիմնականում քննվում էին խոսքի մեջ բառերի կապակցության եղանակները՝ «համաձայնութիւն և կառավարութիւն մասանց բանին»¹: Լատինարան քերականները տարբերակում էին խոսքի մասերի համաձայնության չորս տեսակ՝ «անուան զնի մակադրական անուան» (գոյականի և ածականի), «անուանատրի և բայի» (գոյականի և բայի), վերբերականի և առաջընկելոյն (հարաբերականի և նախընթացի), հարցման և պատասխանի: Շարահյուսական երևույթները հիմնականում ներկայացվում էին՝ հետևելով Հովհաննես Քոնեցու քերականությանը:

Ուսումնասիրության համար առանձնացրել ենք ԺԷ դարի չորս ձեռագիր, որոնք ընտրել ենք Երևանի Մատենադարանից (այսուհետ՝ ՍՍ) և Զմմառի վանքի Մատենադարանից (այսուհետ՝ ԲzԱռ): Այդ ձեռագրերն են՝ ՍՍ 2284 (1690ից առաջ)², ՍՍ 2286 (1637, Էջմիածին)³, 2295 (1683, Գաղատիա), ԲzԱռ 547 (1653 թ., Նոր Չուղա): Ձեռագրերի ընտրությունը կատարել ենք՝ սկզբունք ընդունելով դրանցում շարահյուսական նորահայտ տերմինների առկայությունը⁴: Վերոհիշյալ ձեռագրերից քաղել

¹ Կղեմես Գալանոս, Քերական եւ տրամարանական ներածութիւն առ յիմաստասիրութիւնն շահելոյ, Հոռմ, 1645, էջ 113, Յոհաննես Վրդ. Կոստանդնուպոլսեցի. Չուռութիւն հայկաբանութեան կամ քերականութիւն հայկական, Հոռմ, 1674, էջ 156:

² Մայր ցուցակ հայերեն ձեռագրաց Մաշտոցի անուան Մատենադարանի, հ. Ա, Ե., 1984, էջ 45-50:

³ Մայր ցուցակ հայերեն ձեռագրաց Մաշտոցի անուան Մատենադարանի, հ. Է, Ե., 2012, էջ 766-770:

⁴ Ցուցակ հայերեն ձեռագրաց Զմմառի վանքի Մատենադարանին, հ. Բ, «Անտոնեան հաւաքածոյ», Վիեննա, 1971, էջ 155-156:

⁵ Տերմինների նորահայտ լինելու հանգամանքը ստուգելու համար առաջնորդվել ենք հետևյալ հրատարակությունների տվյալներով՝ Լեզվաբանական բառարան (Ե., 1975), Ա. Մուրադյան, Հունարան դպրոցը և նրա դերը հայերենի քերականական տերմինարանության ստեղծման գործում, «Տերմինների այբբենական ցանկ (հայերեն-հունարեն)» (Ե., 1971), Նոր Հայկագեան բառարան, հ. Ա-Բ (Վենետիկ, 1936, 1937), Լ. Հովհաննեսյան, Գրաբարի բառարան: Նոր Հայկացյան բառարանում չվկայված բառեր (Ե., 2010), Հ. Բարսեղյան, Հայերեն ուղղա-

ենք շարահյուսական շուրջ քսան տերմին, որոնցից երկուսը բնութագրում են քառերի շարահյուսական դերը՝ առնվիք և հարկաւորք, իսկ մյուսները նախադասության տեսակների անվանումներ են: Տերմինների մի մասը տրվում է սահմանումներով և օրինակներով հանդերձ, մի մասը՝ միայն օրինակներով, իսկ մի քանիսն էլ չունեն ոչ սահմանում և ոչ էլ օրինակ, միայն անվան հիշատակություններ կան:

Տերմինների շարքում կա երկու տերմին, որոնք անվանում են շարահյուսական նոյն առանձնահատկությունն ունեցող խոսքի մասեր:

Հարկաւորք- խոսքի մասեր, որոնք կապակցվում են պարտադիր խնդրառությամբ. «հարկաւորք են, որք ի շարադրութեան առանց միմեանց անկարէ իմանալ զնոսա, որգոն՝ սիրեմ զքեզ, քանզի եթէ ոք ասիցէ սիրեմ, հարկ է զի կամ յառաջ ասացեալ իցէ հայցական հոլով ինչ կամ զինի ասասցէ...» (BzAn 547, 48ա):

Առնվիք- խոսքի մասեր, որոնք կապակցվում են առդրությամբ. «իսկ առնվիք են, որք առնանին պատկապէս և ոչ հարկաւորաբար, որգան՝ յոյժ սիրեմ զքեզ, արդ զքեզն սիրեմ բային հարկաւոր է, իսկ յոյժն առնվի..., 50ա. առնվի՝ ընդունելութիւն, դերանուն, յօն և նախադրութիւն...» (BzAn 547, 48բ):

Շարահյուսական մյուս բոլոր տերմինները նախադասության տեսակների անվանումներ են՝

Յայտնական բան- նախադասության տեսակ, որի միտքը բացահայտ արտահայտված է լիիմաստ բառերով. «յայտնական է,

գրական-ուղղախոսական, տերմինարանական բառարան (Ե., 1973), Առաքել Սիմեոնի, Յաղաց քերականութեան համառաւտ լուծմունք, «Բառարան» (Լու Անձելոս, 1982), Եսայի Նշեցի, Վերլուծութիւն քերականութեան, «Բառացանկ քերականական տերմինների և դժվարիմաց բառերի» (Ե., 1966), Յովհաննես Երգնկացի, Հաւաքումն մեկնութեան քերականի, «Բառարան» (Լու Անձելոս, 1983), Յովհաննես Մործոքեցի, Համառաւտ տեսութիւն քերականին, «Բառացանկ քերականական տերմինների և դժվարիմաց բառերի» (Լու Անձելոս, 1984), Յովհաննես Քոնեցի, Յաղաց քերականի, «Երկուս վկայված քերականական տերմինների ցանկ» (Ե., 1977), Ն. Արքնաց, Երկեր, հ. Գ., «Յանկք անուան և բառից» (Ե., 2008):

որ պարզաբար գրառից բազմութեանց է ընդունօղ...» (ՍՄ 2286, 139ա), «յայտնական բանն կատարեալ բան է, որ պարզաբար նշանակէ և բառիք, զոր ինչ միտ ծանուցանել կամեսցի...» (ՍՄ 2295, 52բ):

Անյայտ բան- նախադասության տեսակ, որի միտքը արտահայտված է սպասարկու բառերով՝ ձայնարկություններով, և սա կարելի է անվանել նաև բառ- նախադասություն. «անյայտ է մեկ բառ, որ անպարզապէս բառից շարադրութիւն ունի, որպէս՝ վայ և ձայն ծիծադական և լալական և նշանք առանց խաւից և այլ բան են անյայտ, բայց մտաւք այսպէս իմանամք՝ ես ցախմ, ես ծիծադիմ, ես լամ և այլն» (ՍՄ 2286, 139ա), «բան են անյայտ, զի մտօր իմանամք, եթէ ես ծիծադիմ, ես լամ, ես ցախմ, ես զարմանամ...» (ՍՄ 2295, 52ա):

Զմմարի Անտոնյան հիմնական հավաքածուից առանձնացրած BzAn 547 ձեռագրում գտել ենք շարահյուսական նորահայտ տասնմեկ տերմին, որոնք կրկին նախադասության տեսակների անվանումներ են: Այսպէս՝ քերականը ձեռագրում առանձնացնում է կատարյալ և անկատար նախադասություն (կատարյալը բարդ ստորադասական նախադասության զիշավոր նախադասությունն է, ինչպէս նաև առհասարակ կատարյալ նախադասություն, իսկ անկատարը երկրորդական նախադասությունն է, որն առանց զիշավորի լիարժեք իմաստ չունի), որոնք ել իրենց հերթին տեսակների են բաժանվում. նորահայտ են հետևյալները՝

Սահմանական բան- կատարյալ նախադասության տեսակ՝ պատմողական նախադասություն. «սահմանական է տրամաբանականն, զոր գաղափար եղաք կատարեալ բանին, զկնի որոյ հանգչին այդոյն և ոչն, հիկէն՝ բուսանի ծառ կենաց, կարելի է ասել այս կամ ոչ...» (Bz 547, 63ա):

Ամանակաւոր բան- անկատար նախադասության տեսակ, որի ստորոգյալն արտահայտված է դիմավոր բայով, քանի որ սահմանում և օրինակներ չունի, ենթադրաբար կարծում ենք, որ խոսքը դիմավոր նախադասության մասին է (Bz 547, 63բ):

Անամանակ բան- անկատար նախադասության տեսակ, անվանական միակազմ նախադասություն (Bz 547, 63թ):

Այնուհետև ամանակավոր և անամանակ նախադասությունները իրենց հերթին տեսակների է բաժանում. այսպես՝

Կոչական բան- անկատար անամանակ (անդեմ) նախադասության տեսակ. «կոչական, որգոն՝ ո՛վ Տէր...» (Bz 547, 64ա):

Ստորոգական բան- անկատար անամանակ (անդեմ) նախադասության տեսակ, գերադաս անդամին վերագրվում է հատկանիշ առանց դիմավոր բայի. «ստորոգական, հիլէն՝ սպիտակ մարդ, Ստեփաննոս այր լի շնորհօք, եւ ստորոգական ասի և անամանակ, քանզի սպիտակն զմարդոյն ստորոգի, թարց ամանակատր բայի, եւ ամանակատրն ևս բաժանի յերկուս՝ ի հարցականն և յինքնածականն...» (Bz 547, 64ա):

Ինքնածական բան- անկատար ամանակավոր (դիմավոր) նախադասության տեսակ. «իսկ ինքնածական է, որ ոչ իբրև զհարցումն յայլմէ խնդրէ պատախանի, զի կատարեսցի, այլ ինքն բերէ ի վերայ զկատարելութիւն բանին, որպէս ուսանելոց եմք ի բացայայտութեան, սոցա իսկ ինքնածականքն լինին ընդունելութեամբն, առբայիւն, շաղկապաւն և դերանուամբն...» (Bz 547, 64թ):

Ընդունելական բան- անկատար անամանակ (անդեմ) նախադասության տեսակ, դերբայով արտահայտված նախադասություն. «յընդունելական է առ ընդունելական, որգոն՝ իմացեալ զխորհուրդն նոցա և տեսեալ, թէ ոչ...» (Bz 547, 81թ):

Առբայական բան- անկատար ամանակավոր (դիմաւոր) նախադասության տեսակ, առբայով արտահայտված նախադասություն. «յառբայական է առբայականն, որգոն՝ իբրև զարթեալ բանտապեսն և ետես զդրունս բանտի...» (Bz 547, 82ա):

Որական բան- անկատար ամանակավոր (դիմաւոր) բանի տեսակ, որը կազմված է դերանունով. «յորական է առ որական, որգան՝ որ հաւատայ ինձ և առնէ զբանս իմ...» (Bz 547, 82ա):

Շաղկապաւոր բան- բարդ նախադասության տեսակ, որի բաղադրիչները կապակցվում են շաղկապով (Bz 547, 72ա):

Անշաղկապ բան- բարդ նախադասության տեսակ, որի բա-

դադրիչները կապակցվում են առանց շաղկապի, շարահարությամբ (Bz 547, 72ա):

Այնուհետև 2284 ձեռագրում քերականը առանձնացնում է նախադասության հինգ տեսակի անվանում, որոնցից նորահայտ են երկուսը՝

Ստորակցական բան- պայմանի երկրորդական նախադասություն. «բանն ստորակցական ունի յինքեան զանկատարութիւն իմն դիտաւորութեան, որգոն՝ եթէ ժողովրդեան իմոյ լուեալ եր ինձ...» (ՄՄ 2284, 41բ):

Անեղքական բան- անդեմ նախադասություն. «բանն անեղքական ունի յինքեան զանորոշութիւն իմն դիմի, որգոն՝ բարի է յուսալ ի Տեր...» (ՄՄ 2284, 41բ):

Այսպիսով, ԺԵ դարի չորս ձեռագրից առանձնացրել ենք շարահյուսական շուրջ բան նորահայտ տերմին, որոնցից երկուսը շարահյուսական նույն առանձնահատկությունն ունեցող խոսքի մասերի, իսկ մյուս տերմինները նախադասության տեսակների անվանումներ են: Տերմիններից երկուսը ածանցավոր բառեր են՝ հարկավորք, առնլիք, մյուսները բառակապակցություններ: Այս տերմիններից շատերը, լինելով քերականագիտությանն արդեն հայտնի տերմինների նոր անվանումներ, դրանց հետ կազմում են հոմանշային շարքեր պատմողական նախադասություն- սահմանական բան, անվանական միակազմ նախադասություն- անամանակ բան: Նորահայտ տերմինները ոչ միայն լրացնում են տերմինակազմության տարբերակային պատկերը, այլև պարզաբանում են որոշ հասկացությունների ձևակերպման վաղ սկզբունքներն ու առանձնահատկությունները և ըստ այդմ նպաստում, որ ամբողջանա հարցի գնահատման պատմական տեսանկյունը:

Маукиян Татевик- Новоизвестные синтаксические термины в рукописях 17-ого века.- В статье исследованы 4 рукописи 17-го века, из них взяты 20 новых синтаксических терминов. Одна часть терминов приведена с определениями и с примерами, вторая часть -

только с примерами, а некоторые не имеют не определения, не примера, только упомянуты их названия. Среди терминов есть две, которые характеризируют синтаксическую роль слов, а остальные - название видов предложения.

Manukyan Tatevik- Newfound syntactic terms in the manuscripts of the 17th century.- Four manuscript of the 17th century were explored in the article, 20 new syntactic terms were taken from them. One part of these terms have both definitions and examples, the second part - only examples, and some of them have no definition and examples and only are referred to by their name. There are two terms among them that characterize the syntactic role of words, and the rest are names of sentences' types.

ԲԱՅԱԿԱԶՄԱԿԱՆ -Վ-ԱԾԱՆՑԸ ԺԱՄԱՆԱԿԱԿԻՑ ՀԱՅԵՐԵՆՈՒՄ

Լեզուները անընդհատ զարգանում և կատարելագործում են իրենց քերականական կառուցվածքը, հարստացնում և համալրում իրենց բառապաշարը: Լեզվի փոփոխելիության հատկանիշը լեզվաբանության առանցքային խնդիրներից է: Բառապաշարը ավելի զգայուն է փոփոխությունների նկատմամբ, և նորամուծությունները առաջին հերթին արտացոլվում են հենց լեզվի բառապաշարի մեջ¹: Գրական հայերենի պատմությունը վկայում է, որ հայոց լեզվի բառային կազմի զարգացումը գերազանցապես տեղի է ունենում ներքին միջոցների գործադրմամբ, մանավանդ որ հայերենը մշտապես ձգուում է ստեղծել փոխառյալ բառերի հայերեն համարժեքները: Հայտնի է, որ նորաբանություններ ստեղծվում են հասարակական կյանքի տարրեր բնագավառներում կիրառություն ստացած առարկաներ և երևույթներ անվանելու համար կամ գործածություն ունեցող հասկացությունները նոր բառերով ու արտահայտություններով անվանելու համար²: Այդ նոր բառերը կազմվում են լեզվի միջոցներով, բառակազմական գործող կաղապարներով³:

Հայերենի բայակազմությունը մշտապես եղել է հայերենագետների ուսումնասիրության կենտրոնում: Տարբեր նախատիպերից (առավելապես անվանական հիմքերից) նոր բայեր կազմելու գործուն ածանց-վերջավորություններ են ընդունված -ել և -անալ մասնիկները, պակաս գործուն՝ -ալ մասնիկը⁴: Ել մասնիկը

¹ Տե՛ս Էդ. Աղայան, Ընդհանուր և հայկական բառագիտություն, Ե., 1984, էջ 167:

² Տե՛ս Լ. Եզեկյան, Ոճագիտություն, Ե., 2003, էջ 134-135:

³ Տե՛ս Ա. Սուրբայան, Ժամանակակից հայոց լեզու, Ե., 2008, էջ 159:

⁴ Տե՛ս Ա. Սուրբայան, Հայոց լեզվի դարձվածաբանություն և բայակազմություն, Ե., 1959, էջ 132-137: Ա. Աբրահամյան, Բայր ժամանակակից հայերենում, Ե.,

բայական նոր բառույթներ կազմելիս երբեմն գուգորդվում է -
ավոր-, -ացն-, -ատ- բայական ածանցներով¹, ինչպես՝ սար-
քավորել, պարենավորել, տեղավորել, տողատել, փողատել, ճար-
պատել, յուրացնել, հատկացնել, օկուպացնել և այլն: Հայ քերա-
կանագիտության մեջ բայական -վ- ածանցը համարվել է առա-
ջին հերթին սեռանիշ ածանց: Վերջին շրջանում հրապարակվող
մի շարք ուսումնասիրություններում անդրադարձներ են կա-
տարվել վ+ել բայական մասնիկի՝ տարբերի հիմքերից նոր բայեր
կազմելու իրողությանը²: Սույն հոդվածում մեր նպատակն է
ընդգծել գրական նորմի սահմաններում վ+ել մասնիկի գործուն
բայակազմական կաղապար դառնալու միտումը: Մեր ուսում-
նասիրության հիմքում դրել ենք հիմնականում նորարանություն-
ների բառարանային նյութը³ և այնպիսի բայեր, որոնք բառա-
րանային գրանցում չունեն:

Ինչպես վերը նշեցինք, -վ- ածանցը նախապես ընկալվել է
որպես սեռանիշ ածանց, արդի փուլում այն սկսել է քննվել նաև
որպես բայակազմական գործուն կաղապարի (վ+ել) բաղադրիչ: Իբրև սեռանիշ ածանց՝ -վ-ն գրաբարին հատուկ չի եղել: Այս
մասնիկի կիրառությունը բնորոշ է միջին հայերենին, բար-
բառներին, արևմտահայ և արևելահայ գրական լեզուներին: -Վ-
կրավորական ածանցի ձևավորումը՝ որպես բայասերի քերակա-
նական իմաստի նշան, կարևոր է նաև հայերենի տիպարա-
նական զարգացման տեսանկյունից: Այս ածանցի ծագման վե-

1962, էջ 48: Գ. Զահորյան, Ծամանակակից հայոց լեզվի իմաստաբանություն և
բառակազմություն, Ե. 1989, էջ 194, 200: Ս. Ասատրյան, Ծամանակակից հայոց
լեզու, Ե., 1989, էջ 197:

¹ Տե՛ս Գ. Զահորյան, նշվ. աշխ., Ե., 1989, էջ 194:

² Տե՛ս Հայոց լեզվի զարգացումը սովետական շրջանում, Ե. 1973, էջ 114: Ս.
Էլյան, Ծամանակից հայերենի բառային ոճաբանություն, Ե. 1989, էջ 215-216:
Ռ. Իշխանյան, Տերյանի լեզվական արվեստը, Ե., 1972: Ս. Սինասյան, -Վ-
երկրորդական ձևույթը հայերենում, Ստեփանակերտ, 2008, էջ 22:

³ Տե՛ս Ս. Էլյան, Արդի հայերենի նորաբանությունների բառարան, Ե., 2002 : Փ.
Մելքիսեդեկան, Նոր բառերի բացատրական բառարան, Ե., 1996:

բարերյալ կարծիքներից կարելի է առանձնացնել հետևյալ տեսակետները.

ա) այն ծագել է գրաբարյան *ու* լծորդության բայերի (*թող+ու+ի+լ*) համապատասխան լծորդից (Պետերման, Հյուրշման և Կարստ):

բ) այն առանձնացել է գրաբարյան *դարձուած, յօրինուած, շինուած* և այլ բառերի *-ուած* ածանցից (Ա. Այտնյան, Ս. Պալասանյան, Ա. Աբրահամյան, Գ. Զահորելյան):

գ) Ն. Մառը -վի ծագումը կապում է որոշ բառերի իւ հնչունախմբի *իւ+ու+վ* փոխության հետ¹:

Զևավորման նախնական վիճակում *ու(վ)* ածանցը իրացել է *-իլ* բայական մասնիկի հետ, *-վել* ձևը առաջացել է *ովիլ>վիլ(իլ)>վել* փոխանցումով:

Ժամանակակից հայերենում *-վ-* ածանցի քերականական իմաստը միատարր չէ: Հայտնի իրողություն է, որ ներգործական սեռի բայը, *-վ-* ածանցը ստանալով, կարող է կրավորականություն, այսինքն՝ կրելու զաղափար չարտահայտել, ինչպես՝ «Նա դժվարությամբ էր շարժվում առաջ»: Այս երևութը հայ քերականները մեկնաբանում են, որ *-վ-* ածանցը, լինելով կրավորական սեռի դրսնորման քերականական միջոց, միաժամանակ ստանձնել է չեզոք սեռի քերականական արտահայտության դերը²: Ս. Ասատրյանը նկատել է, որ *-վ-* ածանցը, կրավորական սեռի դրսնորման քերականական միջոց լինելով, ծագումնաբանութեն անգամ միայն այդ փունկցիան չի ունեցել, որովհետև միշտն հայերենում ներգործականներից *-վ-* ածանցով կազմված մի շարք բայեր արտահայտել են անդրադարձ (*լվացվիլ, շիվիլ* և այլն) և չեզոք սեռի իմաստներ (*բացվիլ, լցվիլ, պսակվիլ* և այլն):

¹ Տե՛ս Ա. Աբրահամյան, նշվ. աշխ., էջ 619: Տե՛ս նաև Հայոց լեզվի պատմական քերականություն, հ.2, Ե. 1975, էջ 365-377:

² Տե՛ս Հովհ. Բարսեղյան, Արդի հայերենի բայի և խոնարհման տեսություն, Ե., 1953, էջ 131: Նույն իրողությունը նշում է Ա. Աբրահամյանը, միայն չեզոք սեռ տերմինի փոխարեն կիրառում է միշտին-անդրադարձ սեռային առում տերմինը: Տե՛ս Ա. Աբրահամյան, նշվ. աշխ., էջ 640:

Ուրեմն -կ- ածանցը «մաքուր» կրավորական սեղի արտահայտման ցուցիչ չի եղել անզամ հայերենի այն հատվածներում, որոնք անցողական բայերի չեզոք սեղի համար առանձին ձևեր են ունեցել¹: Ժամանակակից հայերենում ներգործական բայերը չունեն չեզոք սեղի ձև, և այդ է պատճառը, որ նրանց չեզոք սեղը արտահայտվում է կրավորական ձևի միջոցով²: Այլ կերպ ասած՝ բայասեղի եռանդամ հակադրությունը ժամանակակից հայերենում չունի ձևային ավարտվածություն³:

Մ. Աբեղյանը նկատում է՝ որոշ թվով ներգործական բայեր, ինչպես՝ բնակել, հնազանդել, հաշտել, պապանձել, հրաժարել և այլն, այլևս գործածական չեն լեզվի մեջ, հետևաբար դրանց կրավորականները ստացել են չեզոք բայի նշանակություն (բնակել>բնակվել, հնազանդիլ > հնազանդվել, հաշտիլ > հաշտվել, պապանձիլ > պապանձվել, հրաժարիլ > հրաժարվել)⁴: Վ. Առաքելյանը նշում է, որ բայասեղը հաստատուն քերականական կարգ չէ և չի ուղեկցում տվյալ բային որպես կայուն հատկանիշ, և բայերը ոչ միայն սեռափոխվում են, այլև երբ սեռային հին նշանակությունը մթագնում և աստիճանաբար վերանում է, բայերը երբեմն դուրս են գալիս գործածությունից կամ նոր ձևավորման են ենթարկվում, օրինակ՝ դասական շրջանի համարձակել, վախճանել և այլ բայերի ներգործական կիրառությունը մեռած է, բնականաբար վերացել է նաև կրավորական նշանակությունը, ուստի համարձակվել, վախճանվել տարբերակները ժամանակակից հայերենում ունեն միայն չեզոք սեղի նշանակություն⁵: Այս դի-

¹ Հ. Աճառյանը միջին հայերենի բայական համակարգը բննելիս նշում է. «.... զրաբարի մեջ բայի սեղը անորոշ էր . միջին հայերենը ստեղծել է երեք սեռ. Կրավորականի համար ուիլ ձևը ստեղծելուց հետո, ներգործականին հատկացրել է ել և չեզորին՝ իլ վերջապարությունը» (շարժել-շարժիլ-շարժուիլ): Տե՛ս և Հ. Աճառյան, Հայոց լեզվի պատմություն, մաս 2, Ե., 1951, էջ 248:

²Տե՛ս և Մ. Ասատրյան, Բայի սեղերը ժամանակակից հայերենում, Ե., 1959, էջ 161:

³ Տե՛ս և Ռ. Սարապետյան, Արևմտահայերենի դասագիրը, Ե., 2006, էջ 144:

⁴ Տե՛ս և Մ. Աբեղյան, Կազմակերպություն, Ե., 1951, էջ 308:

⁵ Տե՛ս և Վ. Առաքելյան, Սեղի քերականական կարգը և բայածանցները գրաբառում, Պատմա-բանասիրական հանդես, N2, 1980, էջ 74-75:

տարկումները պատճառաբանում են -վ- ածանցի նաև չեզոք սեռի ցուցիչի դերը, որը ժամանակի ընթացքում, բայասեռի նշան լինելուց բացի, ձեռք է բերել նաև բառակազմական-բաղադրական մասնիկի գործառույթ¹:

Բայի սեռերը քննող քերականական աշխատությունների՝ չեզոք սեռը ներկայացվող բաժիններում առանձնացվում են մի շարք կրավորակերպ չեզոք բայեր, ինչպես՝ բնակվել, զանգատվել, գժվել, գժովել, գունատվել, դիտավորվել, դիվահարվել, դողարվել, զրադվել, զզածվել, զմայլվել, ընդհարվել, թաքնվել, թնդվել, խաղաղվել, խելազարվել, խելացնորվել, խղճահարվել, համարձակվել, հաշտվել, հաջողվել, հարձակվել, հարմարվել, հոժարվել, հուսահատվել, հիասթափվել, հպատակվել, հրաժարվել, ճարահատվել, մարտիրոսվել, մածվել, մերձավորվել, մտադրվել, նմանվել, չքվել, պապանձվել, ջրգողվել, սզավորվել, սևավորվել, սթափվել, սիրահարվել, սիսալվել, սսկվել, վախճանվել, վարժվել, վհատվել, ուշաթափվել, փշաքաղվել և այլն: Սրանք չունեն համապատասխան ածանցազուրկ տարբերակներ, և վ ածանցը այս բայերի կազմության մեջ հանդես է զալիս բառակազմական-բաղադրական նշանակությամբ, այսինքն՝ մասնակցում է այս բայերի ձեռավորմանը, և առանց այդ ածանցի չեն կարող գործածվել խոսքի մեջ²: Մեր քննությունը ցույց տվեց, որ վերոնշյալ ցանկի գժվել, դիտավորվել, դողարվել, խղճահարվել, հիասթափվել, սևավորվել, փշաքաղվել, ճարահատվել, սիրահարվել բայերը

¹ Վերը նշված գործընթացը տեղի է ունենալ նաև հայոց լեզվի արդի փոլում: Սի բանի չեզոք սեռի բայեր գործածվում են -վով և առանց -վի (համաձայնել/համաձայնվել, հանդարտել/հանդարտվել, վերաբերել//վերաբերվել, բռնկել//բռնկվել և այլն): Սրանց ածանցազուրկ տարբերակներում ներգործական սեռի երեմնի նշանակությունը մրագնել կամ վերացել է, ուստի ածանցավոր տարբերակները ժամանակակից հայերենում կիրառվում են միայն չեզոք սեռի նշանակությամբ: Ա. Աբրահամյանը նշում է, որ այս կազմի բայերը հաճախ նույն հեղինակի երկերում հանդիպում են զուգահեռ գործածությամբ՝ առանց իմաստային տարբերակման, իսկ կենդանի խոսրում գերակշռում է նրանց կրավորածն գործածությունը (Տե՛ս Ա. Աբրահամյան, նշվ. աշխ., էջ 651-652):

² Տե՛ս Հայոց լեզվի զարգացումը սովորական շրջանում, Ե., 1973, էջ 114:

ՆՀԲ-ում և «Միջին հայերենի բառարանում» (2009) վկայված չեն. դրանք վերոնշյալ կրավորակերպ չեզոքների համարանությամբ ավելի ուշ շրջանում ձևավորված կազմություններ են, և այդ բայերում *ուրացված* ածանցը -*ել* բայական ածանց-վերջավորության հետ կատարել է բառակազմական ցուցիչի՝ ածանցի դեր, այսինքն՝ այս բայերի սերող կամ նախատիպ հիմքերը որպես բայ կազմվել և որոշակիություն են ստուգել միայն -*վ-* ածանցի շնորհիվ: Եվ քանի որ այս կազմությունները ներգործական սերի նախատիպերից չեն ձևավորվել, ուստի հանդես են զալիս միայն չեզոք սերի իմաստով:

Ինչպես վերը նշեցինք, -*վ-* ածանցը -*ել* բայական ածանց-վերջավորության հետ սկսել է քննվել նաև որպես բայակազմական գործուն կաղապար (-*վել*), որով նոր բայեր են կազմվում հիմնականում անվանական սերող հիմքերից, ինչպես՝ *աբելվել*, *այիրվել*, *արտակորվել*, *բաղեղվել*, *բեղավորվել*, *բուռնցրվել*, *բումերանգվել*, *գետակվել*, *երակվել*, *երկրաշարժվել*, *ինքնամփոփվել*, *խաչքարվել*, *խաչմերուկվել*, *մակարդակվել*, *պաշտոնանկվել*, *գրանիտվել*, *կահույքավորվել* գորքվել, *օջախվել*, *անշարժվել*, *կարճուերկարվել*, *նորադարձվել*, *մեկվել*, *մթնշաղվել*, *հազարվել*, *քառսվել* և այլն:

Այս միտումը մեծ դրսևորում է գտել ժամանակակից հայերենում: Ի սկզբանե վ+ել կաղապարով հատկապես հատուկ անուններից նոր բայեր էին կազմվում չափածո խոսքում (Սիամանթո, Վ. Տերյան, Հովհ. Շիրազ, Պ. Սևակ), ինչպես անդրանիկվել, *աքիլլեսվել*, *երևանվել*, *կոմիտասվել* և այլն: Ապա այն ընդլայնել է իր սահմանները և հանդես է զալիս ոչ միայն արձակ, այլև առօրյա խոսքում և ԶԼՄ-ների լեզվում, ինչպես՝ «....Քարոյական մի պատ է փղվել, երկրաշարժվել է հավատի մի քաղաք»¹ կամ «....Եվս երկու թեկնածու ինքնառաջադրվել են Աբովյանի քաղաքապետի ընտրություններում»²:

¹ Տե՛ս «Նարցիս» ամսագիր, մաս 1, Ե., 2010, էջ 46:

² Տե՛ս <http://topnews.mediamall.am/?id=123022> (ԼՈՒՐԵԾ.com), 13-05-2015:

Ժամանակակից դարաշրջանում, երբ գիտությունը միտված է հասարակական կյանքի արդյունավետության արագացմանը, բոլորովին պատահական չէ սերող հիմք +վել կաղապարի գործուն դառնալը, որն ըստ Էության նպաստում է խոսքի տնտեսմանը: Լեզվական տնտեսման Էությունն այն է, որ խոսելու ընթացքում ընտրվում են հաղորդակցությունն ապահովող առավել արյունավետ «կաղապարներ»¹:

Վերոնշյալ կաղապարով կազմված բայերի իմաստային դրսենորումները քննելիս նկատում ենք, որ այդ բայերի մի մասը նույն իմաստով ունի կամ տեսականորեն կարող է ունենալ - անալ ածանց-վերջավորությամբ զուգահեռ տարբերակ, այսինքն՝ այդ բայերը արտահայտում են սերող հիմքի ցույց տված հասկացության կամ դրա որևէ ընդգծված հատկանիշին վերածվելու, դառնալու գաղափար, ինչպես՝ աքիլլեսվել «Արիլլես դառնալ, հերոսանալ», բլուրվել «բլուր դառնալ», բումերանզվել «բումերանզ դառնալ», անշարժվել «անշարժանալ» և այլն: -Անալ>-վել անցումը նկատելի է հայերենի նախորդ լեզվավիճակներում ևս, ինչպես՝ փքանամ (փքամ) > փքվել, թաքնանամ (թաքչիմ) > թաքնվել, մարտիրոսանամ> մարտիրոսվել և այլն²:

Լեզվի տնտեսման օրինաչափությունից բացի՝ հաղորդակցման գործընթացի մասնակիցները հաճախ ձգտում են հայտնի բառերի իմաստային դաշտը հարստացնել փոխարերական-ընդհանրացնող նշանակություններով, որը խոսքին հաղորդում է թարմություն և արտահայտչականություն³: Եվ համաձայն նըշված օրինաչափությունների՝ -վել կաղապարով համադրական բառույթ են դառնում նաև հարադիր բայերը կամ բայական բառակապակցությունները, ինչպես՝ բաղեղվել «բաղեղով պատվել», դաշինքվել «դաշինք կնքեր», ինքնառաջադրվել «իր կողմից իրեն

¹Տե՛ս Ա. Մարտիրոսյան, *Արդի հայերենի նորաբանությունների բառակազմական կաղապարները*, Ե., 2007, էջ 40:

²Տե՛ս Սինասյան, նշվ. աշխ., էջ 26:

³Տե՛ս Ա. Մարտիրոսյան, նշվ. աշխ., էջ 48:

առաջադրել», խաշմերուկվել «խաչածն հատվել», կայանվել «կանգնելու տեղ՝ կանգառ գտնել, հանգրվանել», հայաստանվել «Հայաստանում բնակվել, Հայաստանում ապրել», տիեզերքվել «տիեզերքով մեկ տարածվել», ուլունքվել «ուլունքներով զարդարվել», շաքարացանվել «վրան շաքար ցանել», մակարդակվել «նոյն մակարդակի վրա հասցնել» և այլն:

Նկատելի է, որ բերված բայերի մեծ մասը բանաստեղծական կամ դիպվածային բառեր են և հեղինակային նորաբանություններ, որոնց ստվար մասը աչքի չի ընկնում կիրառման հաճախականությամբ: Այնուամենայնիվ, ընդգծենք, որ դրանք ստեղծվում են լեզվին բնորոշ բառակազմական կադապարներով, ուստի նման կազմությունների առատությունը հուշում է -վ-ի գործուն բառակազմական ածանց դառնալու միտում ունենալու մասին¹: Թերևս այս միտումն է պատճառը, որ ժամանակակից հայերենում հաճախ հանդիպում են -վ- ածանցով ձևավորված անհանձնաբարեկի ձևեր, որոնք քանի որ կազմված են չեզոք սեռի նախատիպ բայերից, բնականաբար զրական նորմի տեսակետից մերժելի են, ինչպես՝ վիճվել, զանգվել, նիհարվել, սուժվել, սրճվել, նախանձվել և այլն²:

Ամփոփելով կարող ենք ընդհանրացնել, որ ժամանակակից հայերենում նոր բայական բառույթներ ձևավորելու գործուն ածանց-վերջավորություն է նաև -վել մասնիկը, որն ունի բառակազմական հետևյալ նշանակությունները. ա) արտահայտում է նախատիպի ցույց տված հասկացության կամ որևէ ընդգծված հատկանիշի վերածվելու, դառնալու գաղափար, բ) նպաստում է

¹ Ս. Մինասյանը, վկայակոչելով Գ. Բաղդասարյանի (*Արդի հայերենի բայասեռի և բայակազմության հարցեր, Ստեփանակերտ, 2003*) վիճակազմական տվյալները, նշում է, որ արդի հայերենում -վ- ածանցով կերտված շուրջ 1500 բառ կա: Տե՛ս Ս. Մինասյան, նշվ. աշխ., էջ 39:

² Տուժվել ձեռի առկայությունը պատճառաբանվում է «սուժել» բային «պատժել» իմաստի վերագրմամբ: Տե՛ս Լ. Թելյան, Բայի բերականական ձևերի կազմության և կիրառության որոշ առանձնահատկություններ արդի խոսակցական հայերենում, Զահուկյանական ընթերցումներ, Ե., 2009, էջ 71:

բայական նկարագրական կապակցությունների համադրական միավորներ դառնալուն, և այդ կաղապարով ստեղծված բառերի գործածության հաճախականությունը աստիճանաբար մեծանալու միտում ունի:

Sargsyan Luiza- Deverbative affix -վ- in modern Armenian language.- In conclusion we can generalize that while forming verbal lexemes in modern Armenian language -վ+ել is an active affix-ending and has the following formative meanings:

- a. It expresses the idea of becoming a concept indicated by a prototype or some underlined feature.
- b. It contributes to forming simple verbs from phrases.

Саргсян Луиза- Отглагольный аффикс -վ- в современном армянском языке.- В заключение можно обобщить, что при формировании глагольных лексем в современном армянском -վ+ել является активным аффикс-окончанием и имеет следующие значения:

- а. Оно выражает идею становления концепции указанным прототипом или некоторым подчеркнутом особенностям.
- б. Способствует формированию простых глаголов от слово сочетаний.

Բ Ո Վ Ա Ն Դ Ա Կ ՈՒ Թ Յ ՈՒ Ն

Հոդվածներ

<i>Կարապետյան Միքարիկի, Գոյականական բաղադրիչներով շաղկապական հարադրությունները հայերենում և անգլերենում Հայրիկյան Ելենա, Միջնորդավորված թարգմանության հարցը Մարկեսի երկերում</i>	5
<i>Սուրառյան Լուսինե, Հայերենի, ոռուսերենի, անգլերենի անկանոն բայերի կաղապարային զուգադրական-տիպարանական քննություն</i>	18
<i>Պողոսյան Թամարա, Վաղ աշխարհաբարի լեզվավիճակը՝ ըստ առաջին աշխարհաբար տպագիր գրքերի</i>	26
<i>Սահակյան Ռուզաննա, Եսայի Հասան-Զալալյանցի նամակների լեզվական էական առանձնահատկությունները</i>	32
<i>Սարգսյան Մերի, Ըստիանությալ լեզվաբանական որոշ հարցերի աստիճանական զարգացումը Գ. Զահոռլյանի աշխատություններում</i>	46
<i>Հաղորդումներ</i>	59
<i>Ավագյան Արմենուիի, Համանուն և հարանուն բառերի ըմբռնման և կիրառական արժեքի հարցի շուրջ</i>	72
<i>Բաղմանյան Վանուիի, Հայոց տոհմանունների իմաստաբանական դաշտը ըստ Ն. Աղոնցի «Հայաստանը Հուստինիանոսի դարաշրջանում» գրքի</i>	83
<i>Հարությունյան Քնար, Գրաբարի դարձվածների և ոճերի քննությունը հայ լեզվաբանության մեջ</i>	95
<i>Մանուկյան Տաթևիկ, Նորահայտ շարահյուսական տերմիններ ԺԷ դարի ձեռագրերում</i>	102
<i>Սարգսյան Լուիզա, Բառակազմակական -վ- ածանցը ժամանակակից հայերենում</i>	110

Երիտասարդ լեզվաբանների
հանրապետական V գիտաժողովի գեկուցումներ
(Երևան, 2015 թ., սեպտեմբերի 18)

Young Linguists' V Republican Conference Reports

(Yerevan, 2015, September 18)

Доклады V республиканской научной конференции
молодых лингвистов

(Ереван, 2015 г., 18 сентября)

Համակարգչային էջադրումը՝ Վ. Պապյանի

Հրատ. պատվեր № 653

Ստորագրված է տպագրության՝ 10.12.2015թ.:

Չափսը՝ 60 x 84 1/16, 7.5 տպագր. մամուլ:

Տպարանակը՝ 150 օրինակ:

Գինը՝ պայմանագրային:

ՀՀ ԳԱԱ «Գիտություն» հրատարակչության տպարան,
Երևան, Մարշալ Բաղրամյան պող. 24:

[2500 լր.]

ԳԱԱ Եիմեարար Գիտ. Գրադ.



FL0397582

